

- P2...Sik TB bikpela long Raikos
- P3...Prais bilong bensin i go daun
- P11...Nius bilong ol meri
- Neks wik...Stori bilong meri i gat sik AIDS



Tupela pilaia kisim okul bilong kosa - p 30

Pamuk lo i no inap stretim hevi

Chrissilla Kabe Talis i raitim

PASIN pamuk em i no rot bilong stretim hevi bilong mani insait long kantri, olupela palamen Spika na memba Bernard Narokobi i tok. Em bin mekim dispela toktok aste long Intenesenel Yumen Raits De we i bin kamap long Tabari Ples long Pot Mosbi. Ol i bin holim wanpela dibet o paitim tok long selebretim dispela de. Het tok em: "Women's Rights are Human Rights" (Rait bilong ol meri em rait bilong olgeta manmeri) we bikpela toktok long dispela de em long kisim tingting bilong ol man na meri long mekim pamuk pasin i kamap lo insait long Papua Niugini (PNG).

Mista Narokobi tok em i raun long planti kantri we ol i mekim pasin pamuk i kamap olsem lo bai kantri bilong ol i ken mekim mani tasol em ino lukim wanpela gutpela senis i kamap long hap.

Em i tok em i lukim yet ol lain i save raun askim long mani na ol arapela samting. Em tok narapela samting em i lukim we ino gutpela long ol kain kantri em ol liklik meri husat krismas bilong ol olsem 12 na 15 i wok long mekim dispela wok na mama na papa bilong ol i painim hat tru long stopim ol.

Em i tok sapos PNG i kamapim pasin pamuk olsem lo, ol narapela lo olsem lo bilong kilim man tu bai kamap, we ol dispela pasin em ino pasin we God i laikim.

Mista Narokobi i tok strong olsem taim ol i bin mekim mama lo bilong kantri, ol bin tok tu olsem PNG em kristen kantri.

Em i tok pasin pamuk em ino kristen pasin long wanem ol manmeri bai salim bodi bilong ol long ol narapela long yusim na kisim mani.

Mista Narokobi i tok bodi bilong man o meri em i haus holi bilong God we God yet i mekim man na meri long piksa bilong em yet olsem na ol manmeri mas noken bagarapim.

Em i tok dispela lo we Gavman i tambuim ol lain long salim buai, smok na ol

narapela samting long strit em i no rait. Em i tok ol manmeri i mekim ol liklik maket bilong ol long strit long kisim mani long lukautim ol yet. Mista Narokobi tok ol wok long mekim mani bilong ol long trupela rot.

Em tok PNG bai no inap groa sapos kain ol krangki lo i kamap. Kantri bai kamap bikpela na gutpela sapos Gavman i mekim samting we i gutpela long ai bilong God


Asbisop bilong Pot Mosbi Sir Brian Barnes i sanap strong wantaim Mista Narokobi na tok pasin pamuk bai bagarapim olgeta lain na i no dispela ol lain husat i mekim pamuk pasin tasol. Em i tok ol sampela samting we dispela pasin i ken mekim em sindaun bilong famili bai bagarap, bai nogat mani, na ol pikinini tu bai stap hangere.

Em tok sapos ol i mekim pasin pamuk kamap lo, sik AIDS bai stap yet na nogat wanpela nupela senis bai kamap.

Toktok bilong pasin pamuk i bin kamap long wanpela bung bilong makim pinis bilong wanpela 16 dei kempen egensim paitim na bagarapim ol meri. Individuel na Komyuniti Raits Advokasi (ICRAF), wanpela non gavman ogenesesin i bin go pas long kamapim dispela bung we ol bikman olsem Asbisop Sir Brian Barnes, Deputi Plis Komisina Gari Baki, olupela memba bilong Palamen, Bernard Narokobi, Siaman bilong Famili na Seksuel Vailens Komiti na Fred Tomo husat i makim opis bilong Atoni Jenerel i bin sindaun long kisim ol askim na toktok bilong ol manmeri.

Toktok long pasin pamuk i bin kamap bikpela long mun Septemba taim memba bilong Henganofi, Dokta Banare Bun i bin toktok long putim lo long luksave long pasin pamuk olsem wanpela rot bilong stapim dispela sik nogut, HIV/AIDS.

Jastis Minista, Mark Maipakai i bin tok kliia long dispela taim olsem i nogat lo i stap long luksave long pamuk pasin olsem wanpela wok.



Papa i bilasim pikinini gut long em tu i ken joinim ol bikpela na singsing long opim Oro Kopi Mil long Mande. Bikpela singsing na amamas stretim long Kopi Industri i opim Oro Kopi Mil. *PHOTO: JAMES KEA*

PROMOSHEN BAI PAS LONG (2TH JANUARY 2004)

BAIM OL COLEMAN PRODUCT MIPELA MAKIM LONG OL BRIAN BELL STUA NA

..winim sans long Lukim GRAND FINAL bilong ONE DAY CRICKET LONG AUSTRALIA

BEST PRICE BEST QUALITY GUARANTEED

SUMMER OF CRICKET

AUSTRALIA-INDIA-ZIMBABWE

TEST & ONE DAY SERIES

Brian Bell COLEMAN PRODUCTS ARE DISTRIBUTED EXCLUSIVELY BY BRIAN BELL AND AUTHORISED DEALERS NATIONWIDE.

PLIS RIPOT

• Milen Be:

Wok painimaut i kamap long wanpela stoa menesa long Milen Be na Provinsel Plis stesen komanda em ol i saspending o tokim em long stop pastaim long wok bikos long wanpela rong pasin we tupela i gat ol nogut CD.

Sauten Rijen Plis Komanda Superintenden John Marru i tok plis i bin go na sekim stoa na painim sampela CD i gat ol nogut piksa long em. Na ol i sasim stoa menesa long gat ol dispela nogut CD wantaim em.

Plis Prosekyuta Thomas Eluh i bin rausim sas bikos sampela samting i no stret tumas long teknikal sait, tasol Superintenden Marru i tok ol i mekim wok painimaut yet long dispela bikos Plis stesen komanda Inspekta Casmiro Aia i stap insait long rong pasin we ol i sutim tok long em i bin kisim sampela samting long stoa kipa na dispela i bihainim korap pasin. Narapela plisman i wok long kisim tupela sas long paitim narapela man bihainim dispela wankain samting i sut long stoakipa na ol nogut CD.

• Westen:

Wanpela wokman bilong Rimbunan Hijau, em biknem timba kampani bilong Malesia i kisim sas long fos na wokira pasin nogut na paitim tupela meri.

Sauten Rijen Plis Komanda Superintenden John Marru i tok man ya embilong Oro provins na i wok wantaim Rimbunan Hikau Loging kampani insait long Westen provins.

Plis i tokaut long nem bilong man olsem Charles Mota bilong Tufi long Oro provins.

Plis ripot i tok Mista Mota i bin kisim tupela meri husat i kam long Oro provins tu, long wok wantaim em long dispela timba kampani. Long komplem bilong em, wanpela meri i tok em i bin gat bel na man ya i bin fos long em long rausim bebi.

Mista Marru i tok ol i ken sasim man ya long dispela pasin i no stret.

• Kundiawa, Simbu:

PLIS Frod Skwat long Kundiawa, Simbu provins i bin holim pasim na sasim Provinsel Plis Komanda tupela wik i go pinis long paulim mani na yusim krangi Toyota lenkrusa bilong mekim wok long en.

Ol ripot i tok Frod Skwat i bin holim pasim na sasim PPC Samson Mapi long tupela Trinde i go pinis long paulim moa long K36,000 na yusim krangi wanpela ka bilong yusim long wok.

Mista Mapi i bin kamap long Kundiawa Distrik kot na ol bin lusim em i go long K1,000 beilmani.

Long ol ripot, Plis Prosekyuta i tok Mista Mapi i no bin bihainim gutpela pasin long kisim dispela mani long em na ol arapela i yusim na ka Sauten Hailens Provinsel gavman i bin donetim i go long plis.

Ol ripot i tok dispela rong pasin i bin kamap namel long Jun na Ogas 1999 long Hagen, Westen Hailens. Kot i bin transferim keis i go long Hagen Distrik kot na ol bai harim long dispela wik.

Ol papa kisim famili plening

Patrick Matbob i raitim

Ol bikpela dokta na wokman bilong Modilon Haus sik long Madang i bin go sekim ol sikman na helt sevis long Raikos distrik long las wik.

Dispela wokabaut em i bihainim polisi bilong gavman long traim bringim ol spesel helt sevis i go long ol pipel i stap long ol distrik.

Planti pipel tru i bin kam wet moa long wanpela wik long Saidor stesin long lukim ol dokta.

Ol dokta i bin stap tripela de na lukim moa long 300 sikmanmeri long Saidor helt senta. Ol wokman husat i bin go wantaim ol dokta i sekim ol marasin na

sevisim ol masin long helt senta.

Dispela ol dokta em dokta bilong ol mama Lahui Geita, dokta bilong promotim helt Philip Kame, dokta bilong mekim ol sikman i slip bai ol i ken katim ol Getrude Didei, dokta bilong ol pikinini Joseph Ande na dokta bilong katim ol sikman Br George Kuzma.

Dokta Geita i painimaut olsem planti mama long Raikos i save karim planti pikinini klostu tumas na dispela i givim ol kainkain sik na hevi. Dokta Geita na Dokta Kame i bin tokim ol mama na papa long toktok wantaim na plenim famili na spesim pikinini.

Ol i tok dispela bai helpim long stopim sik na kainkain hevi bilong kaikai o mani em ol famili i save bungim.

Dokta Geita i bin operetim sampela papa husat i gat planti pikinini tumas na stopim ol long kamapim moa pikinini. Dispela operesen i isi na i no olsem bilong ol meri. Ol man i no slip long haus sik na ol i ken go stret long ples.

Long nait Dokta Kame i soim piksa na toktok long ol sikman long ol kain sik olsem HIV AIDS, pasin bilong kisim ol drag olsem yawa, spak brus, bia, smuk, na pasin bilong gutpela sindaun.

Em i tokim ol pipel olsem ol i

ken abrusim planti sik sapos ol i sindaun gut na lukautim ol yet na i no mekim ol kainkain pasin nabaut.

Dokta Didei na Kuzma i bin mekim sampela liklik operesen long ol sikman bikos i nogat gutpela masin. Ol i bin tokim ol bikpela lain long kam long bikpela haus sik long Madang long Jenueri o Febueri bai dokta i ken sekim ol.

Dokta bilong ol pikinini Dokta Ande tu i bin wok hat long lukim planti ol pikinini i gat kainkain sik.

Ol dokta i no bin go long Long Ailan bikos taim i sot olsem na ol i go bek long Madang long Fraide.

NEC wokim disisen long Bogenvil Mama Lo

NESENEL Eksekutyutiv Kaunsil (NEC) i wokim disisen olsem Mama Lo bilong Bogenvil i mas kam aninit long Mama Lo bilong PNG tasol long wankain taim tu, larim Bogenvil i mekim lo i sut long otonomi o nupela gavman.

Inta gavman Rilesens na Bogenvil Afeas Minista Sir Peter Barter i tokaut long dispela samting long dispela wik.

Em i tok Nesenel Gavman na baipatisen komiti bilong em i glasim na skelim gut ol samting i stap long namba tu draf ripot bilong Bogenvil Mama Lo na em i sapotim ol ripot bilong komiti.

Sir Peter i tok pasin we Kabinet i wokim i soim olsem Nesenel Gavman i wokim hap bilong em na em i askim ol Bogenvil patna long wokim wankain.

Em i tok bihainim tok orait long Kabinet, Bogenvil nau i ken wokim ol lo we inapim laik bilong ol Bogenvil pipel.

Tasol em i tok sapos sampela ol samting i stap long Bogenvil Mama Lo i

no stret, Gavman bai toktok wantaim ol Bogenvil lida long traim stretim.

Minista i tok rot i klia nau long ol opisel bilong Bogenvil na Nesenel gavman long go eht na lukluk long ol arapela eria olsem pablik polisi, ol kos na tu, ol arapela samting we i stap insait long Bogenvil Pis Agrimen.

Long wankain taim tu, Sir Peter i tok olsem komiti we i karamapim ol wok long lusim ol gan na ol arapela wok long pinisim Bogenvil hevi bai bung long Buka long neks wik na toktok long taim tebol bilong bagarapim ol gan. Dispela i bihainim toktok we ol eks paitman bilong Bogenvil i bin mekim long ol i wanbel long bagarapim ol gan we ol i wok long bungim long olgeta hap bilong ailan.

Em i tok salens nau i stap long wokim klia disisen long lukluk strong long kamapim gut bek wok mani bilong Bogenvil.

Telikomyunikesen bai helpim gut developmen ... Nu Silan helpim long putim ol telipon

NU Silan i bilip olsem ol pipel bilong Bogenvil bai lukim telekomyunikesen olsem bikpela samting long rot bilong kamap orait na developmen na lukautim gut ol telekomyunikesen masin long ailan.

Dispela i bihainim wok we Nu Silan Aid program i wok wantaim PNG Telikom long kirapim bek wok long putim na stretim ol telipon sistem long olgeta distrik bong

Bogenvil. Long mun janueri 2004 em long nupela yia, wok long Dama Satelait sait bai go eht na dispela em long kirapim bek ol wok long stretim ol telipon sistem long ol distrik bilong Bogenvil.

Dispela em olpela projek we NU Silan i wok wantaim PNG Telikom long putim telikomyunikesen sistem long Bogenvil.

Tambu long ol NCD skul i holim ol greduesen na pait long ol hotel

OL i taimbuim ol skul insait long Nesenel Kapitel long holim ol klas parti na greduesen long ol hotel.

Insait long wanpela sekula o leta we Asisten Edukesen Seketeri bilong NCD Henao Tau Nauna i bin givim aut las wik, tok i bin go long ol skul etministreta na Skul Bot ov Gavanoas long ol NCD skul long bihainim dispela strongpela toktok long abrusim ol trabel, birua na hevi i save kamap taim ol sumatin i go insait long ol pinis skul na greduesen pati ol i save holim long ol hotel.

Mista Nauna i bin toksave long ol skul tu long long holim ol greduesen na klas pati long skul eria yet na ol tisa wantaim ol papamama na gadien i ken was na sekim gut ol pikinini long

abusim trabel. Em bin putim strongpela toktok long tambuim bia na strongpela dring long skul greduesen na skul pinis klas pati,

Em i tok ol hotel i save salim yet ol strongpela dring long ol manki we krimas bilong ol i no inap yet long ol i dring na tambuim ol skul long holim ol greduesen na klas pait i bilong stopim ol long dring na kamapim na kisim ol hevi na trabel we long ol yia i go pinis, i bin save kamap.

Mista Nauna i tok long dispela wik, ol skul i bisi long ol greduesen na pinis skul seremoni tasol em i bilip olsem olgeta samting bai go gut tasol. Em i tok ol skul i kisim las na failnol hap bilong skul fi subsidi long NCD em ol i givim aut long las wik.

Nu Silan plis bai trenim Bogenvil komyuniti plis

Veronica Hatutasi i raitim

NU SILAN plis bai helpim long trenim moa komyuniti plis bilong lukautim lo na oda na skruim wok bilong pis long komyuniti level.

Opis bilong Nu silan Hai Komisn i tok faipela plisman bilong Nu Silan bai kamap long Bogenvil long neks mun long karimaut ol rifresa o insevis plis trening na tu, long karimaut ol trening long ol komyuniti plis insait long ol eria we ol i no wokim trening long em. Em ol eria olsem Torokina, Tinputs na Atols.

Program em Nu Silan AID i

fandim long en. Aninit long NZ AID Lo na jastis program long Bogenvil, Nu Silan i givim trening long 400 komyuniti plis manmeri long olgeta hap bilong ailan.

Opis i tok ol komyuniti plis i save wok wantaim ol Kaunsil ov Siefs, ol Distrik Menesa na ol regula plis long lukautim lo na oda long ol komyuniti level. Nu Silan i bin kirapim dispela komyuniti plis program long Arawa long 1998. Nau program em namba tri hap. Namba wan na namba tu hap em long kirapim na skruim trening insait long ol distrik.



Sik TB kisim planti pipel long Raikos

Patrick Matbob i raitim

HELT sevis i no wok long go insait long ol ruel eria bilong Madang provins bikos provinsel helt departmen i sot long mani.

Ol dokta na wokman bilong Modilon Haus sik i bin painimaut dispela hevi taim ol i go lukim ol sikman long Raikos distrik las wik.

Ol wokman bilong Saidor helt senta i tok ol i no moa go aut long patrol bikos i nogat mani long baim bensen na ol samting bilong patrol.

Wanpela nes long helt senta i tok olsem long wanpela taim ol i bin kisim ripot olsem i gat sik i kamap long wanpela ples. Em i tok ol yet i bin painim rot i go long dispela ples na sekim ol sikmanmeri. Ol i painimaut olsem i bin i gat 140 manmeri i kisim sik TB. Em klostu olgeta manmeri insait long dispela ples.

Program Menesa bilong helt long Raikos Distrik i sapotim toktok bilong ol wokman. Em i tok ol trenpot olsem bot i stap, na ol wokman tu i stap tasol i nogat mani long baim bensen o kaikai samting long

go patrol.

Mani bilong helt sevis long Madang i sot nau bikos ol lain husat i save givim mani long helpim helt sevis i bin stop long givim mani long 2001.

Dispela mani i save kam anit long Helt Sevis Impruvmen Program (HSIP) em ol dona i save givim long helt.

Tasol ol i bin stopim dispela mani bikos ol wokman bilong provinsel helt opis husat i lukautim dispela mani i no bin ripot long we ol i bin yusim dispela mani.

HSIP mani bai i no inap i kam inap ol dispela opisa i mekim ripot na tokaut long we ol i bin yusim ol mani em ol i givim ol pastaim.

I no long taim pinis, man i go pas long bikpela haus sik long Madang, Dokta Thomas Vinit i bin tokaut long dispela hevi. Em i tok strong long ol dispela opisa long provins long mekim dispela ripot long we ol i bin yusim dispela mani.

Em i tok ol pipel i wok long sik na dai bikos provinsel helt dipatmen i sot tru long mani.

Baing em i lida bilong PPP yet

MEMBA bilong Markham, Andrew Baing em i lida bilong Pipels Progres Pati (PPP) yet, Nesenel Kot i tok long Tunde.

Nesenel Kot i bin mekim ruling long wanpela kot kes i kam long Mema bilong Rabaul, Dokta Allan Marat husat i bin laikim kot long sekim sapos ileksen bilong Mista Baing olsem lida bilong PPP i stret o nogat.

Dokta Marat i tok olsem Mista Baing wantaim ol arapela PPP memba i no bin bihainim gut rot bilong makim wanpela man long kamap lida bilong pati.

Em i tok olsem sampela memba bilong PPP i bin rausim em olsem pati lida tasol ol i no

kisim tok orait bilong ol nesenele eksekutiv bilong PPP.

Em i tok ol i no givim sans long em long mekim sampela toktok pastaim long ol i rausim ol.

Kot i bin sekim sapos ol i bihainim konstitusen bilong pati taim ol i rausim em na sapos ol i bihainim konstitusen bilong pati na harim hap toktok bilong em pastaim long ol i rausim em.

Jastis Panuel Mogish i tok olsem em i laik bilong nesenele eksekutiv bilong pati long vot long em o nogat. Bihain long kot i mekim disisen bilong em, Mista Baing i askim ol memba bilong PPP long luksave long disisen bilong kot.

PNGDF ritrens program kisim NEC tok orait

NAMBA tu hap bilong mani bilong baim ol ritrens soldia insait long Papua Niugini Difens Fos i kisim pinis tok orait bilong Nesenel Eksekutiv Kaunsol long go het.

Dispela hap tok orait bilong ritrens o pinisim sampela moa olpela PNGDF soldia em i wanpela samting we bai ol minista bilong PNG gavman na Australia gavman bai paitim toktok long en taim

ol i bung long Adelaide, Australia long Desemba tude.

Ektng Praim Minista Moses Maladina i tokaut long dispela taim em i mekim anaunsmen olsem nau NEC i givim tok orait long wanpela agrimen long karamapim dispela ritrensmen program, bai gavman bilong Australia bai inap long givim aut namba tu hap bilong mani bilong dispela program.

Mista Maladina i tok long mun Mei 2001, Australia i bin givim \$A20 milien (K50.8m) long ritrensmen program bilong PNGDF na i bin tok olsem bai ol i givim inap long \$A40 m (K101.5m) i go long PNGDF ritrensmen program.

Mista Maladina i tok olsem nau olgeta samting i wok long ron stret na ol soldia bai i no inap long wet longpela taim long kisim mani bilong ol.

100 pipel joinim plis long Bogenvil

MOA long 400 manmeri long Bogenvil i aplai long joinim plis fos taim Atonomes Bogenvil Gavman i kamap.

Plis long Pot Mosbi na Bogenvil i makim pinis ol namba wan lain long kisim trening long Bomana Plis Koles long redi long dispela Atonomes Gavman.

Ol i makim pinis 100 apliken long ol 400 husat i bin aplai na ol dispela lain bai i stat trening long Bomana long stat bilong neks ya.

Ol sinia plis inspekta bilong Pot Mosbi na Bomana, Richard Molou na Kaiglo Ambane, i stap long Bika nau long stretim ol

pepawok na holim ol intevu wantaim ol dispela apliken.

Inspekta Molou i tok ol i wok hat tru mekim dispela wok na i wok long kisim helpim bilong ol plis opisa long Buka tu. Em i tok long ol 400 apliken i gat 200 we ol i orait long joinim plis na ol opisa i bai holim ol intevu wantaim klostu.

Wol Disebel De

AMAMASIM bilong Intenesenel Disebel De i bin kamap long Gaire ples long Sentrel provins las Sande.

Ol disebel lain em ol kain lain olsem ol dispela husat i mauspas, aipas, iaupas o i no inap wok-abaut.

Ol Gaire Hendikep (narapela nem bilong disebel) Pipel's Asosiesen i bin go pas long dispela amamas.

Gaire Men's Felosip Grup tu i helpim long amamasim dispela de na presiden bilong grup husat em i aipas, Hekoi Igo, i tok komyuniti i bin sapotim gut tru dispela bung. Mista Igo i tokim komyuniti olsem pasin ol i save soim long ol pipel husat i no disebel ol i mas soim tu long ol disebel, noken ting olsem ol i pipela lain na mekim nogut long ol.

Dispela em i namba wan taim bilong dispela kain bung i kamap long kantri.

Prais bilong bensin i go daun

YU HUSAT man i gat kar o bisnis o liklik moto i ken amamas olsem bai yu no inap long peim bikpela mani long baim bensin, disel o karasin bikos prais bilong ol i go daun pinis.

Indipenden Konsuma na Kompetisen Komisnin (ICCC) i tokaut long Mande olsem prais bilong olgeta bensin na ges bai i go daun long ol

bikpela senta olsem ot Mosbi, Lae, Madang na Rabaul.

Olsem na i stat long Mande long dispela wik, ol prais i sanap olsem:

- Moto spirit - bipo K2.06 long wanpela lita i go daun long K2.00 long wanpela lita;

- Disel - bipo K1.59 long wanpela lita i go daun long K1.56 long wanpela lita;

- Karasin - bipo K1.35 long wanpela lita i go daun long K1.30 long wanpela lita;

- na Avgas bilong balus, bipo K3.30 long wanpela lita i go daun long K3.14 long wanpela lita.

ICCC i tok olsem ol i bin skelim olgeta petroleum prodak long mun Septemba na ol i lukim olsem prais bilong ol i mas i go daun.

Amanab papagraun i no amamas long Inou

SINGAUT i go long memba bilong Amanab Grinriva Philip Inou long stop pilai politik long Amanab timba projek.


Ol papagraun bilong Amanab timba konsesen i wokim dispela singaut bihain long ol i no amamas long ol toktok we memba i bin mekim long Palamen las wik.

Siaman bilong Amgrim Holdings we i makim ol papagraun, Joe Suano i bin tok dispela toktok we Mista Inou i bin mekim long Palamen las wik bilong noken givim permit long wokim timba bisnis i no stret.

Mista Inou i bin askim Fores Minista na Nesenel Fores Bot long noken givim timba permit i go long Vanimo Fores Prodak kampani.

Mista Inou i bin tok ol papagraun i no bin laikim Vanimo Fores Prodak olsem projek developa long timba eria bilong ol.

Tasol Mista Suono na deputi bilong em Mark Gra i no amamas long toktok bilong Mista Inou na olsem, ol i askim memba long noken paulim ol pipel. Ol i tok olsem bihainim Nesenel Forestri Ekt i bin gat tok orait long dispela projek long go het.



NAU em i taim bilong ol skul bilong holim ol greduesen na liklik amamas bilong ol sumatin bilong pinis dispela yia bilong skul. Long dispela kain taim, bai yu lukim planti yangpela i laik go long pati nabaut.

Ol papamama, tingim ol pikinini bilong yupela long dispela kain taim bilong amamas olsem krismas na niu yia. Planti gutpela samting i save kamap, tasol planti samting nogut i save kamap tu. Skulim gut ol pikinini bai ol i amamas na amamas gut.

Wantok i kirap nogut taim ol i kisim wanpela pas bilong wanpela man i wok long Air Niugini enjiniaring. Long hap bilong raitim adres bilong man ya, ol i raitim olsem: "Air Niugini Engineering, P. O. Box 7186, Boroko, NCD, NSW 1000, Australia. Yupela, klostu mipela i ting olsem i gat wanpela ples ol kolim Boroko i stap long Australia.

Yumi ol PNG ol paul lain stret. Yumi sampela ol strongpela kristen manmeri, yumi sampela ol spak lain, yumi sampela ol lain husat i laik lainim moa samting long ol arapela kantri bai tingting bilong yumi i op, na i gat sampela manmeri husat i save pret long ol nupela samting i kamap insait long kantri.

Taim ol meri bilong yumi i save danis tumbuna na soim susu bilong ol long ples klia, mipela i save tok em kalsa ya, samting bilong tumbuna.

Na sapos ol meri bilong mipela i traim long soim stail bilong klos bilong ol arapela kantri, mipela bai tok olsem ol dispela kain samting i save bagarapim tingting bilong ol manmeri. Olsem na kantri i save stap long wanpela hap tasol, long dispela kain pasin ya.

Aste i bin gat wanpela bikpela bung long Mosbi siti long toktok long ol meri i save mekim pamuk pasin. I gat sampela ol lain husat i tok olsem gavman i mas luksave long en na putim lo long lukautim dispela kain pasin.

Sampela i tok olsem sapos gavman i luksave long dispela kain wok, ol famili bai kisim bikpela bagarap.

Sapos yu gat sampela tingting long dispela, rait i kam long Ol Pas bilong Wantok Niuspepa na autim tingting bilong yu.



Pis bilong Nu Ailan ya! • SAPOS yu kam long Nu Ailan, bai yu kaikai ol dispela kain pis ya. Siaman bilong PNG Fishing Asosiesen, Maurice Brownjohn (Iep-han), Siaman bilong National Fisheries Authority Board, Bamake Rumbam na Gavana bilong Nu Ailan Ian Ling-Stuckey i soim ol pis insait long nupela sifud prosing faktori long Kavieng we AusAID i kamapim.

Dispela nupela faktori em bai givim skul long ol sumatin bilong Nesenel Fiseris Koles long Kavieng, na bai i gat wanpela pis maket tu i stap bilong ol manmeri long salim na baim ol pis. Foto: ISMAEL PASSINGAN

Sir Mekere salensim rait bilong Palamen

Chrissilla Kabe Talis i raitim

EKTING Spika Jeffery Nape i bin tok Sabjudais Rul we Palamen i no inap toktok long samting we istap long ai bilong kot inap kot yet i givim toktok bilong em.

Em tok dispela Sabjudais Rul bai i no inap sut long kot eksen Oposisen Lida Sir Mekere Morauta bin kisim.

Sir Mekere i bin salensim rait bilong Palamen taim em bin toktok long stopim namba tu vot bilong traim kamapim dispela lo long senisim seksen 145 bilong Konstitusen (mosen bilong nogat bilip lo 2003).

Em bin kamapim samons long Nesenel Kot long kisim tok orait bilong kot long stopim: lo long senisim mosen bilong nogat bilip lo 2003, givim kopi bilong dispela dikleresen long namba wan na namba tu dipenden, na tu long kot long givim tok orait long wankain oda we kot yet i lukim olsem fit.

EKTING Spika tok Sabjudais Rul istap long rispekt mas stap namel long lejislesen (lo) na judisieri (ol lain bilong mekim lo) bai dispela tupela han bilong Gavman i ken wok wantaim. Dispela rul i bin stap longtaim yet olsem konvensen long banisim nem

bilong dispela tupela han bilong Gavman.

Dispela rul stap long namel bilong ol pawa na konstitusenel wok bilong Palamen we Palamen yet igat pawa long mekim lo bilong kantri.

Bikpela wari em olsem dispela asua istap nau long ai bilong kot na kainkain toktok bilong Palamen i ken toktok wankain samting kot bai mekim.

Long Trinde namba 26 de bilong mun Novemba, Palamen bin mekim vot long dispela lo long stret-pela we bilong Palamen.

Dispela lo istap long notis pepa na Palamen bai vot yet long en long taim em yet i ting long kamapim gen.

EKTING Spika i tok dispela samons bai no inap kam namel long konstitusenel wok bilong Palamen long mekim lo bilong kantri.

Em i tok strong long Palamen mas protektim o banisim gut pawa na wok bilong em. Em tok sapos ol no mekim olsem, nogat man bai mekim.

EKTING Spika i bin mekim ol dispela toktok long bekim bek askim bilong Praim Minista Sir Michael Somare long eksen bilong Oposisen Lida long Palamen.



Heven • Sapos yu ron long sip i go olsem long Oro provins, bai yu ken lukim dispela kain kala bilong solwara na skai. Foto: JAMES KILA

Meri misyusim K39,000 bilong pablik mani

WANPELA meri husat kot i bin painim rong long misyusim moa long K39,000 bilong pablik mani i mas baim bek dispela mani na mekim komyuniti wok inap yia 2006.

Jastis Les Gavara-Nanu long Fraide i saspending wanpela oda we i bin tok olsem Lynn Morea i mas kalabus long inap long 3-

pela yia na putim em long probe-sen long 2-pela yia na 6-pela mun.

Jastis Gavara-Nanu i tokim Morea olsem long dispela taim em i mas mekim komyuniti wok long 8am i go inap 12pm olgeta Sarere wantaim Siti Misin.

Jastis Gavara-Nanu i tok tu olsem Morea i mas stap long

haus bilong em long Gaden Hills long Pot Mosbi o wantaim mama bilong em long Lea Lea ples ausait long siti.

"Em i no inap stap long ol arapela haus long dispela 2-pela yia na 6-pela mun probesen bilong em," em i tok.

Em i tok tu olsem Morea i mas noken lusim Sentrel provins.

Sir Pato Kakaraya kamap Gavana Jenerel

Yakam Kelo i raitim

NUPELA Gavana Jenerel bilong Papua Niugini em Sir Pato Kakaraya bilong Enga provins. Em i bin winim ileksen long las wik Fonde taim palamen i vot.

Sir Pato i kisim 52 vot na winim wantok bilong em yet Sir Albert Kipalan husat i kisim 39 vot tasol.

Taim vot i stat, tripela bikman i bin sanap long dispela resis. Ol tripela em Sir Paulius Matane, Sir Pato Kakaraya na Sir Albert Kipalan. Sir Albert na Sir Pato em tupela olpela politiks man bilong palamen. Sir Paulius em sinia pablik seven we em i bos bilong sampela dipatmen na tu em i bin kamap mausman bilong PNG long ol ovasis kantri long bipo.

Taim ol memba i vot ol tripela kendidet wantaim i bin dro we wanwan i kisim 30 vot. Insait long namba tu vot Sir Pato i kisim 30, Sir Paulius i kisim 30 na Sir Albert i kisim 31 vot. Dispela em bikos memba bilong Midel Ramu Ben Semri i kam insait long palamen.

Olsem na Sir Albert i bin go wetim fainel vot na Sir Pato na Sir Paulius i resis gen. Long dispela namba tri vot, tupela wantaim i dro gen wantaim 46 46 vot.

Olsem na EKTING Spika Jeffery Nape i vot na givim vot bilong em i go long Sir Pato Kakaraya.

Sir Paulius i aut na resis i stap namel long tupela Enga yet we Sir Pato Kakaraya i win wantaim 52 vot na Sir Albert i kisim tasol

39 vot. Sir Pato Kakaraya nau em nupela Gavana Jenerel bilong Papua Niugini long kisim ples bilong Sir Silas Atopare husat i bin stap Gavana Jenerel long las 6-pela krismas i kam.

Dispela sia em bilong 6-pela krismas tasol na ileksen i save kamap long makim nupela Gavana Jenerel.

Gavana Jenerel em i olsem man i makim pes bilong Kwin Elizabeth hia long Papua Niugini. Na em i makim pes bilong Papua Niugini tu insait long bung bilong olgeta Komonwol kantri we Kwin i het bilong ol.

Palamen yet i save makim Gavana Jenerel.

Kot tok Baing em PPP lida

MEMBA bilong Makam Andrew Baing bai i stap yet olsem lida bilong Pipels Progres Pati (PPP) bihain long Nesenel Kot i tokaut olsem ileksen bilong Mista Baing olsem PPP lida i stret bihainim lo bilong pati.

Nesenel Kot Jas Panuel Mogish i mekim dispela disisen bihain long memba bilong Rabaul Dokta Allan Marat i kamapim dispela kot bihain long ol PPP memba i bin rausim em olsem lida bilong pati long dispela yia.

Long kot Dokta Marat i askim sapos makim bilong Mista Baing i bihainim lo bilong PPP na sapos ol nesenel eksekutiv bilong PPP i ken stap insait long ileksen bilong Palamen Lida.

Bihain long Jas Mogish i kamapim disisen i go long Mista Baing, Mista Baing i tok em i amamas nau long dispela kot disisen na em i askim ol memba bilong PPP long rispektim disisen bilong kot we i stopim wanem kain toktok long lidasip bilong pati.

Mista Baing i tok nau PPP i mas

sanap strong olsem em i bin sanap wantaim Pangu Pati long kisim dispela kantri i kam inap tude. Olsem na Pati i mas pait long demokrasi. Nogut demokrasi bai pundaun sapos i gat Wan Pati Gavman.

PPP nau i gat bruk liklik namel long ol memba yet bikos sampela memba bilong ol i bin vot wantaim Gavman long kamapim wanpela nupela lo bilong surukim taim bilong kamapim vot i nogat bilip long gavman. Dispela lo i laik kamapim vot i nogat bilip long olgeta tripela yia bihain long wanpela gavman i kam kisim opis.

Mista Baing wantaim sampela memba i bin vot agensim dispela lo olsem na Somare gavman i surukim ol i go sindaun long sait bilong Oposisen taim arapela PPP memba i stap long gavman sait. Mista Baing i laik kotim ol dispela lain PPP memba husat i bin vot wantaim gavman long kamapim dispela lo bikos Mista Baing i tok ol i no vot bihainim agri-men o risolusen bilong PPP we pati i pasim pastaim long ol i vot.

Palamen bai kam bung long Januari 13

PALAMEN i pas long las wik Fraide na bai op gen long Januari 13, 2004.

Bihain tasol long gavman bilong Somare i kamapim baset bilong nupela Gavana Jenerel bilong Papua Niugini ol i traim long kamapim arapela bikpela lo tasol gavman i sot long namba.

Long Fraide palamen i stop na olgeta memba i go nabaut long iektoret bilong ol long krismas na bai i kam bek long neks yia 2004 long namba wan mun.

Gavman i amamas long pasim K4.5 bilien baset bilong kantri na tu em i amamas long 18 mun wok em i kamapim insait long kantri.

Long las 18 mun taim Somare gavman i kam insait, em i kamapim sampela bikpela senis long sait bilong wok agrikalsa we planti kago olsem kopi, vanilla na arapela kes krop i go aut nau long ovasis maket na bringim sampela gutpela mani i kam insait long kantri.

Dispela rekot i klia taim Gavana bilong Sentrel Benk Wilson

Kamit i tok PNG i gat sampela gutpela mani nau long risev akaun klostu \$US 500 milien.

Gavman i putim sampela bikpela plen na wok bilong em long graun pinis na em i laik go het long karimaut ol dispela plen na wok em i putim long neks yia i go.

Olsem na em i mas laki long stap long gavman abrusim mun Februari neks yia taim vot i nogat bilip bai kamap.

Sapos nogat, bai nupela gavman i kamap na kisim ples.



Klinpela wara bai kamapim gutpela laip

LONG mekim rurel laip moabeta i mas i gat klinpela na gutpela wara saplai wantaim tu helt kea.

Fes Seketeri bilong Minista bilong Envaironmen na Konsevesen, Hugo Aki, i tok dispela taim em i kisim ples bilong Minista Hugo Duma, na givim toktok long lonsing bilong wanpela wara projek long Barakau ples long Sentrel provins las Fraide.

"Long mekim rurel laip i kamap moabeta i mas gat klinpela na gutpela wara saplai wantaim tu helt kea, ol pipel i mas i ken groim kaikai bilong

ol yet long lukautim sindaun bilong ol, ol pipel i mas gat gutpela sindaun we ol i gat ol samting ol i nidim na ol i no stap olsem ol tarangu na i mas i gat rispek long lo na oda," Mista Aki i tok.

Dispela Intenesenel Wara Program pilet projek i promotim ol wei bilong yusim ol risos we ol i ken stap longtaim long ol hap long kos.

Dispela projek bai ron long 3-pela yia long Barakau na Sentrel provins deputi gavana i tok ol i bai lukluk long ol wei long lukautim ol samting long solwara olsem pis.

Dadae sapatim pikinini Kabwum long kamap Saisentis

Yakam Kelo i raitim

MEMBA bilong Kabwum Bob Dadae i givim wanpela bikpela helpim tru long wanpela yunivesiti sumatin long las wik Fraide.

Dispela sumatin em Stewart Wossa bilong Kabwum yet na skul bilong em long kamap wanpela saisentis bilong Papua Niugini.

Stewart i mekim Master of Science we em bai stadi insait long ol kainkain samting olsem ol kaikai, lip ol diwai na ol kainkain samting na traim painim ol marasin o sampela samting we ol pipel i ken yusim.

Mista Dadae i bin givim K7,000 i go long dipatmen bilong Kemistri long peim kos na ol stadi bilong Wossa long neks yia.

Totol fi em K11,000 tasol Mista Dadae i tok em bai givim K4,000 long neks yia long pinisim dispela fi bilong Wossa.

Dispela em wanpela bikpela helpim tru memba bilong Kabwum i givim long kamapim dispela yangpela manki Kabwum long kamap wanpela saisentis bilong Papua Niugini na namba wan pikinini Kabwum long kamapim dispela kain man.

Mista Dadae i tok Kabwum em wanpela bus ilektoret insait long Papua Niugini we ol i sot tru long planti sevis na developmen.

Long sait bilong edukesen tu em planti pikinini Kabwum i no winim mak bilong ol bikpela edukesen olsem na wanwan pikinini

husat i kamap long yunivesiti o ol bikpela level olsem, orait em olsem lida bilong ol i mas sapatim dispela pikinini i pinisim tru dispela edukesen bilong em.

Ol sinia leksera o tisa bilong Kemistri dipatmen long yunivesiti i bin amamas tru long dispela helpim Mista Dadae i givim long sapatim stadi bilong Stewart.

Ol i tok dispela em namba wan taim tru wanpela lida i givim kain helpim olsem long dipatmen bilong Kemistri.

Ol dispela tisa i tok Kemistri i gat bikpela wok bilong em insait long laip na sindaun bilong ol pipel.

Kemistri i ken kamapim ol nupela marasin na ol samting bilong ol pipel i yusim long kaikai, mekim wok wantaim na kamapim planti samting.

Kemistri tasol i ken kamapim bikpela mani insait long kantri na sem taim ol pipel tu i ken painim bikpela helpim long wok bilong Kemistri.

Mista Dadae i tok em i makim edukesen em bikpela samting long ilektoret bilong em.

Em i tok olsem em i makim K50,000 bilong helpim ol sumatin bilong Kabwum husat i skul long ol yunivesiti na ol bikpela trening koles long PNG.

I gat wanpela pikinini Kabwum i wok long skul long Australia nau long kamap akitek.



• (Lephan namel) Memba bilong Kabwum, Bob Dadae, i givim K7000 sek i go long Dokta Peter Petsul, het bilong Chemistry Dipatmen long UPNG. Sumatin Stewart Wossa i sanap namel long kisim dispela helpim bilong em. (Lephan) Profesa Kirpal Singh i sanap lukluk. Foto: YAKAM KELO

Em ol lain bilong mekim disain o plen bilong ol bikpela bikpela haus na ol tawa.

Bihain orait ol kapenta bai wokim haus na tawa bihainim plen bilong ol akitek.

Mista Dadae i tok em bai helpim dispela sumatin tu long skul fi bilong em long em i mas pinisim dispela stadi bilong em long Australia.

Wenge askim Philemon long tingim Lae siti

GAVANA bilong Morobe Luther Wenge i tokim memba bilong Lae na Minista bilong Fainens na Treseri Bart Philemon olsem em i mas tingim ol bikpela bisnis na kampani long Lae siti na stretim ol hevi na mekim isi wok bilong ol.

Gavana Wenge i tokim Mista Philemon long taim Minista i kamapim 2004 nesene baset long las wik olsem em i mas tingim ilektoret bilong em long

Lae na givim gutpela helpim i go long stretim Lae siti.

Yu memba bilong Lae. I no memba bilong Mosbi. Olsem na glasim gut ol hevi i stap long Lae na givim gutpela helpim bilong baset i go bai ol bisnis long Lae siti i ken mekim gut wok bilong ol, Mista Wenge i tok.

Mista Wenge i tok Lae siti tasol i save kamapim bikpela mani tru long ol wok bisnis na givim bikpela takis tru i

go long nesene gavman. Tasol dispela takis i no save kam bek na helpim ol dispela bisnis long Lae siti.

Bikpela toktok bilong Gavana tu i sut long ol ol rot i mas op long olgeta distrik we ol ples lain i ken karim kago bilong ol i go salim long taun na mekim mani.

Ol ples lain i save mekim mani bilong developim kantri na i no ol traipela saveman husat i sindaun nating na raun long siti i stap.

Semri go bek long palamen

MEMBA bilong Midel Ramu Ben Semri i kam bek olsem memba bilong palamen long las wik Fonde.

Mista Semri i wokabout i go insait long haus palamen long Fonde long taim palamen i wok long kamapim ileksen bilong nupela Gavana Jenerel.

Mista Semri i bin stap ausait long palamen bikos em i bin hangamap long kot bilong ileksen disput we olpela memba Tommy Tomscoll i bin kamapim bihain tasol long 2002 nesene ileksen.

Mista Semri taim em i bin winim 2002 nesene ileksen em i bin kamap Minista bilong Komyunikesen tasol em i bin lus long dispela kot na em i stap ausait.

Em i bin apil gen long disisen bilong Nesene Kot na kamap long Suprim Kot long las wik we tripela Jas i harim na givim disisen long Mista

Semri i ken go bek long palamen olsem memba bilong Midel Ramu.

Mista Semri em memba bilong Pipels Eksen Pati (PAP) we Deputi Praim Minista Moses Maladina em palamen lida bilong pati.

Praim Minista Sir Michael Somare i mekim bikpela tok amamas i go long kam bek bilong Mista Semri long palamen.

Sir Michael i tok Mista Semri em wanpela bilong ol dispela nupela lida husat i kam long palamen long mekim nupela senis insait long kantri.

Sir Michael i tok em i sori long ol pipel bilong Midel Ramu i bin nogat lida klostu wanpela kris-mas olgeta bikos long kot bilong ileksen.

Tasol em i amamas dispela i pinis nau na Mista Semri i ken go het long makim ol pipel bilong Midel Ramu.

Komyuniti helpim ol yet

Joseph Dhael i raitim

MOROBE komyuniti insait long Eua Danah 9 Mail setelmen long Pot Mosbi i bin kamap namba wan rol model eben eria long opim nupela komyuniti opis long Novemba 15.

Mausman bilong JICA (Japanese International Cooperation Agency) dipatmen bilong Sosel Welfea

Developmen, Yoshinobu Takisita, husat i bin ges ov ona long dispela opening, i bin amamas tru olsem komyuniti i wok long helpim ol yet.

Ol pipel bilong Morobe insait long setelmen i bin givim mani ol yet long kamapim dispela developmen opis bilong ol.

"Dispela opis em hap we yupela i ken plenim developmen,

sosel welfea, stretim hevi na kamapim gutpela sindaun bilong ol pipel bilong Morobe husat i stap insait long Nesene Kepitel Distrik (NCD)," Mista Takisita i tok.

Morobe komyuniti tu i singaut long nesene gavman long givim helpim na sapatim long opis long helpim ol long kirapim developmen long setelmen.

Papagraun laik stopim timba projek namel long Finsafen na Bukawa

YAMAI Len Grup insait long Morobe provins i no amamas long timba kampani i katim diwai na karim i go na i no mekim wanpela developmen o helpim igo bek long ol asples pipel insait long Buhem, Mongi na Busiga eria.

Siaman bilong Yamai Len Grup Olsen Yu-ne'pe i tok timba kampani bin katim diwai na karim tasol long helikopta na i go. Tasol ol i no putim wanpela helpim olsem mekim rot, skul, helt sevis kisim ol asples lain long wok.

Mista Yu-ne'pe i tok ol lain husat i bin kisim dispela timba kampani i go insait long mekim wok i no papagraun tru tru. Olsem na ol pipel bilong Yamai bai kotim ol long neks yia wantaim dispela kampani long stopim dispela wok.

Mista Yu-ne'pe i tok em i lukim pinis Draf Projek Riviu Ripot bilong dispela projek na em i skelim olsem planti samting i no stret olgeta long sait bilong ol papagraun. I nogat nem bilong wanpela Yamai papagraun i stap insait long dispela ripot o agrimen bilong asples i stap insait long taim wok i stat. Na sampela samting ripot i tok long kampani i kisim diwai long 1991 inap 1997.

Wanpela bikpela as ol Yamai pipel i no stap insait o i no klia gut long wanem samting i kamap em bikos planti lain bilong ol i nogat gutpela save. Olsem na wanpela man bilong narapela ples i kam na go pas na pasim tok wantaim ol arapela ples na ol i go het long kisim timba kampani i kam insait long mekim dispela wok.

Bihain long em i lukim dispela ripot em i kisim gutpela piksa nau

long kamapim kot long neks yia.

Em i tok olsem Buhem Mongi eria em graun bilong ol Yamai pipel olsem na ol grup husat i wok long kisim ol ausait bisnis i kam long katim ol diwai i mas stop nau. Dispela eria i stap long namel bilong Finsafen na hap bilong Nawae ilektoret long Morobe provins.

Mista Yu-Ne'pe i tok nau ol pipel bilong ol i rejistaim pinis graun grup bilong ol na ol yet i laikim dispela graun bilong ol i mas stap gut long han bilong ol.

Mista Yu-Ne'pe i tok nau olsem grup bilong ol i rejista pinis, ol i gat wanpela bikpela tingting tasol em long stopim wanem kain wok loging i wok long kamap bikos ol ples lain yet i mas mekim ol dispela loging wok bilong ol yet na salim.

Em i tok ol dispela lain i bin kisim kampani i go insait long graun bilong Yamai i no memba bilong Yamai klen olsem na ol mausman bilong Yamai klen i no sanap klostu wantaim ol dispela grup o lain.

Em i tok bikpela timba eria long Buhem Mongi i stap insait long Yamai graun. Tasol bipo timba kampani SP Timber Pty na Low Impact Logging Ltd kampani i bin kisim diwai tasol i nogat wanpela luksave stret na helpim stret i go long ol pipel bilong Yamai. Olsem na nau ol pipel bilong Yamai bai igo pas na holim stret wanem samting i bilong ol stret long dispela graun.

Taim mi stap siaman yet, bai i nogat ol timba kampani o ol giaman mausman i kam insait long dispela graun na kisim ol samting nabaut insait long Yamai risos eria, Mista Yu-Ne'pe i tok.



Pikinini Sepik

• Wanpela turis husat i raun long turis bot *Melanesian Discoverer* i go long wanpela ples long Is Sepik na askim ol lokel long penim sampela stail disain bilong dispela ples long pes bilong em.

FAIL FOTO

Pawa kilim tupela skul sumatin

PAWA kilim tupela Keltiga Praimeri Skul sumatin insait long Toaguba long Westen Hailans provins long Trinde las wik.

Ol dispela pikinini wok long go bek long haus bilong ol taim ol bin bungim dispela birua.

Tupela pikinini ya bin traim long rausim kopa waia bilong pawa lain na pawa kisim ol.

Wanpela man long dispela haus lain bilong ol dispela pikinini Andrew Gore, tok nem bilong tupela pikinini ya em Paul Mek na Bras Hon husat tupela wantaim bilong Jika Rokamb traib. Em i tok Paul stap long gret 5 na Bras stap long gret 6.

Dispela birua i bin kamap long ai bilong brata bilong wanpela

bilong dispela tupela pikinini. Taim em i lukim wanem samting i kamap, em toksave long ol lain na sampela ol dispela lain tokim PNG Pawa long pasim pawa bai ol i ken rausim bodi bilong tupela mangi ya.

Ol bin rausim bodi bilong tupela na bringim go long Maunt Hagen Jenerel Haus Sik.

Nupela Tas Fos long lukluk long hevi bilong bagarapim meri

WANPELA nupela plis tas fos i kamap nau long Maunt Hagen long halvim long stapim reip o pasin bilong bagarapim meri we i wok long kamap bikpela moa long hap.

Hailans Divisenel Komanda na Asisten Plis Komisena Alfred Reu i tok long tupela mun i go pinis, ol bin kisim planti ripot bilong reip o pasin bilong bagarapim meri we planti bilong ol dispela meri krismas bilong ol em namel long 7 na 19.

Long namel long Septemba 14 na Novemba 13, plis bin kisim olsem 47 ripot bilong bagarapim ol meri.

Em i tok long tupela mun igo pinis, plis bin kisim planti ripot bilong pek reip o planti man bagarapim wanpela meri. Planti ol dispela meri ol i bagarapim em ol yangpela meri.

Em i tok long dispela 47 ripot plis i kisim, ol holim pinis 15 saspek o man ol plis ting i mekim dispela trabel.

Mista Reu tok dispela ol man husat save mekim ol kain pasin em nogut tru winim ol enimel bilong wanem ol enimel i no save reipim o bagarapim ol yet long dispela kain pasin.

Mista Reu tok em amamas long halvim Edvaisa bilong Hailans AusAID Projek Paul Roberts givim long hariapim wok bilong mekim investigesen o wok painimaut.

Dispela nupela grup bai mekim wok painimaut bilong reip na toktok raun tu long ol skul na sios long dispela pasin we i save kamap long hap.

Opisa husat lukautim Seksuel Ofenses Skwad Konstabel Api tok ol meri husat dispela pasin i bin kamap long ol na tu ol wantok bilong ol meri husat bin bungim dispela hevi mas wok klostu wantaim dispela opis.

5-pela skul long Westen Hailans bai kam aninit long Baptis Sios

Chrissilla Kabe Talis i raitim

BAPTIS Yunien ov Papua Niugini (BUPNG) kisim 5-pela skul long Westen Hailans provins long stap aninit long lukaut bilong en.

Asisten Seketeri bilong Edukesen Hans Gima na Siaman bilong em John Yama i mekim dispela toktok long namba wan gred 8 greduesen bilong Dalapana Praimeri Skul long Baiya Riva eria taim em i givim tripela komyuniti skul na tupela praimeri skul go long han bilong dispela sios.

Long dispela taim, Mista Gima tok Gavman laik wok wantaim ol sios olsem patna o wok klostu long ol sios. Em tok ol sios igat gutpela rekot o nem bilong lukautim ol sevis bilong skul.

Mista Gima tok ol sios tu i halivim long rausim planti hevi bilong Provinsel Edukesen Bod long dispela taim we planti skul wok long kamap long provins ya.

Em i tok ol misen o sios save ronim gut ol institusen o skul.

Em i tok kain ol skul tu igat gutpela pasin na kristen pasin we save developim o kamapim wanpela man o meri long kamap gutpela man na meri long komyuniti o ples we em i stap long en.

Mista Gima i no ol skul tasol Gavman i givim long ol sios long lukautim, em givim ol haus sik na ol narapela Gavman sevis tu.

Em tok ol misin bai kamapim ol rul na gaidlain o samting bilong ol sumatin long bihainim na Gavman yet bai lukautim salari o pe bilong ol wokman na tu lukautim olgeta wok mentenens bilong skul.

BUPNG Jenerel Seketeri John Kaewa tok tenkyu long Dipatmen bilong Edukesen long luksave olsem misen bilong em i ken lukautim ol kain samting olsem ol skul.

Em i tok BUPNG bai wok klostu wantaim Edukesen. Helt na ol narapela dipatmen bilong Gavman long bringim sevis go long ol pipel long ol ples we Gavman no inap.

Em i tok ol misen save toktok strong long gutpela pasin na long groap wantaim kristen pasin bilong wanem ol laik kamapim ol kwaliti o gutpela manmeri.

Mista Kaewa i tok misin laikim ol sumatin na tisa long gat gutpela pasin na kristen pasin bai ol i ken kamap wantaim ol gutpela risal o mak bilong skul wantaim blesing bilong papa God.

Em i tok tu olsem BUPNG i bin kisim pinis wanpela hai skul na tupela komyuniti skul long Enga, Telfomin Hai Skul long Sandaun provins na ol i amamas long kisim ol narapela tu long ol arapela provins.

Mista Kaewa i tok strong long ol pipel long lukautim ol sevis we Gavman i givim long ol misin bilong wanem em bikpela mani tru long mekim ol nupela klasrum na haus bilong ol tisa.



Taim bilong pik i go long mumu...



• Em i taim bilong Krismas na taim bilong wokim pati. Em taim tu bilong ol pik i go long mumu pit. Hia em ol lain i amamas tru na kilim pik (antap) na nau ol i kukim skin long putim i go insait long mumu pit. Maus i wara tru yah. Foto JAMES KILA



RAD - TEL (PNG) LIMITED

COMMUNICATIONS
SALES & SERVICE

RAD-TEL (PNG) LIMITED
GOROA STREET, GORDONS
PO Box 43, Waigani, NCD,
Papua New Guinea
Phone: 325 2555; Fax: 325 0872
Email: radtel@radtel.com.pg
Website: WWW.radtel.com.pg

LAE Phone: 472 6203

Fax: 472 7577

THE BETTER QUALITY GSM DIGITAL MOBILE PHONES



1. It's the Samburg True Colour Screen Display. Model, SGH-T400 Dual. 65000-Colour TFT LCD. 40 Polyphonic Ringtones & Wallpaper.
Mobile Internet (WAP - 1.2)
Voice dialing, Voice Command, Voice Memo; Two Original Batteries, Color Games.

Accessories

- Hand set.
- Travel Adaptor
- Portable handsfree.

1. It's the LG - G5300 True Colour Screen Display.
Model, G5300 GPRS Phones
65000-Colour LCD (128* 128 Pixel).
EMS/Ringtone & Picture Down-Load Support
16-Poly-Midi Sound
Colour wall paper & Screen saver
WAP Browser VER. 1.2.1
Up Grade Internet Access

Accessories Hand set, Standard Battery, Neckstrap, Card, User's manual, Travel Adaptor, Portable hands free & the Data Kit/Cd



Kot rausim sas long Makis, Jelikawas na Lunganga

NESENEL Kot long Kavieng i rausim ol sas bilong olpela Nu Ailan Edministreta Moses Makis na tupela arapela sinia pablik seven we Nu Ailan provinsel gavman i bin rausim ol long wok na sasim ol long paulim mani bilong gavman.

Mista Makis, John Jelikawas, Philip Lunganga na Simon Passingan i bin stap long wanpela painimaut we ol inspekta bilong Dipatmen bilong

Treseri na Fainans i karimaut long Nu Ailan provinsel gavman aninit long tok orait bilong Gavana lan Ling-Stuckey long las yia.

Mista Ling-Stuckey i bin tok olsem em bai klinim pablik servis long Nu Ailan na rausim ol pablik seven husat i wok long paulim mani bilong provinsel gavman.

Kot i bin klinim nem bilong Mista Passingan

long mun Mei long dispela yia.

Tupela wik i go pinis, Jastis Elenas/Batari i bin rausim ol sas bilong Mista Makis we plis i tok em i bin paulim K55,000 bilong provinsel gavman.

Plis i tok Mista Jelikawas i bin paulim K5,000 na Mista Lunganga i paulim K2,500 bilong wanpela raba projek.

Jastis Batari i rausim ol sas egensim Mista

Makis na K350 beil mani i go bek long em. Kot i givim oda long plis long givim bek wanpela kar we ol i tok em i bin paulim gavman mani long baim.

Long sait bilong Jelikawas na Lunganga, kot i rausim keis bilong ol bikos i nogat inap evidens o samting bilong soim kot olsem tupela man ya i bin paulim mani bilong provinsel gavman.

Dion tok ol lida i mas soim rot

GAVANA bilong Is Nu Briten, Leo Dion i tokaut long las wik olsem ol nesenel lida i mas soim rot long ol manmeri bilong Papua Niugini long kamapim 'wan pipel, wan kantri na wan nesen' - toktok we i stap long Nesenel Pledge o tok promis.

Em i askim bilong wanem na dispela hap tok promis i stap bilong ol pipel, sumatin, politisen na ol pablik seven i save mekim dispela tok promis tasol ol i no save bihainim wantaim gutpela pasin.

Mista Dion i tok planti taim ol lida i no save

soim pasin bilong gutpela sindaun na wanbel namel long ol wantok bilong ol long ol arapela rijon.

Em i bin mekim dispela hap toktok i go long Memba bilong Kavieng, Martin Aini taim em i sindaun olsem ekting Spika.

Mista Aini i tok olsem olgeta wan wan lida insait long Palamen i mas promotim dispela hap tok tok bilong 'wan nesen, wan pipel na wan kantri'.

Mista Dion i askim wanem taim bai ol lida i luksave long dispela

hap tok promis na bihainim.

Mista Dion i wok long askim long toktok Mista Nape i bin mekim taim em i makim vot bilong em i go long Sir Pato Kakaraya bikos em i tok planti bikpela wok i stap pinis long han bilong ol lida bilong ol arapela rijon.

Dispela hap toktok bilong Mista Nape i no bin sindaun gut wantaim ol sampela memba bilong Palamen tu, olsem na Mista Dion i mekim dispela askim.

Matane i no amamas long toktok bilong deputi spika

WANPELA bikman bilong Is Nu Briten husat i bin sanap long resis bilong kamap gavana jenerel, Sir Paulias Matane, i tokaut olsem em i no amamas long toktok we Deputi Spika bilong Nesenel Palaman, Jeffrey Nape i mekim long ileksen bilong gavana jenerel long las wik.

Sir Paulias i bin sanap long resis bilong kamap gavana jenerel long tupela taim palamen i bin vot long makim wanpela bikman long dispela posisen.

Namba wan taim ol i bin makim Sir Albert Kipalan, tasol Suprim Kot i painimaut olsem sistem bilong makim vot i no bin ron stret na i bin gat planti kain hevi.

Bihain long kot i rausim vot bilong Sir Albert olsem Gavana Jenerel, Palamen i bin mekim nara-pela ileksen long las wik Fonde.

Long namba tu taim, i bin gat tripela kendidet tasol i sanap long dispela opis.

Sir Albert i bin sanap gen wantaim Sir Paulias na olpela memba bilong Wapenamanda, Sir Pato Kakaraya.

Ileksen bilong Gavana Jenerel i bin go daun long Sir Paulias na Sir Pato, husat i bin kisim wankain namba vot long las kaun. Taim Mista Nape i bin laik givim vot bilong em, em i bin mekim toktok olsem em bai givim vot bilong em i go long Sir Pato bikos i gat planti man bilong Ailans na Momase i holim ol bikpela wok pinis.

Sir Paulias i tok dispela kain toktok bai kamapim ol kain kain kros namel long ol pipel bilong wan wan rijon insait long PNG.

Ol tru tru solwara man...



• Titan bilong Pere Viles long Manus i soim ol pis ol i hakim taim ol i ron i go olsem long Madang.

Poto: CYRIL GARE

Cyril Gare i raitim

SAPOS yu save liklik long pasin bilong ol Manus, bai yu save olsem nem 'Titan' em ol i save yusim long kolim ol man bilong solwara.

Nau 7-pela Titan bilong Manus i soim strong bilong solwara save bilong ol taim ol i kalap long wanpela kanu bilong

ol i lusim Manus na go kamap long Madang.

Manuai Matawai, Pokiap Pakop, Pakop Pokanau, Paliou Puliap, Mathew Pochalon, na tupela Kanamun brata, Manoi na Jofi bilong Pere viles long Saut Kos Manus i kalap long kanu bilong ol wantaim wanpela 36 hos pawa 'Yanmar' disel moto na kilim i go long Madang.

Long ron bilong ol, ol dispela Titan i hakim moa long 100 kilogram pis we ol i go salim long ol hotel na haus kaikai long Madang.

Man i go pas long ol Titan ya, Manuai Matawai, i tok: "Mipela ol pisamen bilong ples. Mipela laik traim strong bilong dispela nupela palang kanu bilong ol bai ol inap long yusim long nupela Lombrum fising projek."

Sinai Brown tok nogat plen bilong ol solwara provins

I NOGAT wanpela plen bilong lukautim trenspot bilong ol pipel i stap long ol provins we ol i save yusim bot moa long kar o balus long go long ples bilong ol.

Dispela toktok i bin kam long Minista bilong Plening na Implimentesin, Sinai Brown long Palamen long las wik.

Em i tok olsem gavman i no bin kamapim yet wanpela plen o polisi long karamapim ol provins i stap long solwara olsem Milen Be, Manus, Nu Ailan, Is na Wes Nu Briten na Bogenvil.

Tasol Mista Brown i tok olsem em i wok long lukluk long kamapim wanpela trenspot polisi long bungim trenspot long solwara i go long rot na bihain i go long balus.

Mista Brown i wok long bekim askim bilong Memba bilong Kiriwina-Goodenough, Brian Pulayasi husat i bin askim sapos gavman i gat plen long kamapim wanpela trenspot polisi long bungim ol ruel eria long ol maritim provins i go long ol maket i stap long ol taun na siti.

Mista Brown i tok olsem trenspot long graun, solwara na ea i mas bung wantaim aninit long wanpela trenspot polisi tasol.

Em i tok wanpela tingting bilong em bilong kamapim wanpela polisi we bai i gat rot i bungim olgeta hap bilong kantri.

Em i tok sapos gavman i kamapim dispela pastaim, bihain bai ol inap long lukluk long developim si na ea trenspot.

Ling-Stuckey no amamas long pasin bilong Chan

PROVINSEL Gavana bilong Nu Ailan, Ian Ling-Stuckey i no amamas long pasin bilong memba bilong Namatanai, Byron Chan.

Mista Ling-Stuckey i bin tokaut las wik olsem pasin bilong Mista Chan long taim bilong vot long bil bilong skruim malolo bilong gavman long ol vot i nogat bilip i go inap long tripela yia.

Taim Palamen i laik vot long mekim dispela bil i kamap lo long namba tu riding bilong en, sampela Pipels Progres Pati memba i no bin vot wantaim gavman.

Mista Ling-Stuckey i tok olsem em i no amamas taim Mista Chan i no sapotim gavman na em i wok about i go aut long semba taim vot i laik kamap.

Em i tok Mista Chan i mas tingting gut long wok about bilong em long Palamen bikos ol pipel bilong

em long Namatanai tu i wok long lukluk long en long lukautim ol.

Mista Ling-Stuckey i tok Mista Chan i no sapotim gavman, pati bilong em na papa bilong em, Sir Julius Chan, bihain long ol i tok ol bai sapotim gavman.

Em i tok Mista Chan i wok long traim long senisim Lady Carol Kidu olsem Minista bilong Welfea Sotel Developmen, tasol em i no tingting long ol pipel long Namatanai na Nu Ailan.

Mista Ling-Stuckey i tok olsem nau Praim Minista Sir Michael Somare na PPP bai i mas ske- lim pasin bilong Mista Chan bikos pasin bilong em i bagarapim nem bilong ol lida bilong Nu Ailan.

TOKTOK WANTOK

Wantok

Fr. Paul Liwun SVD



YUMI kamap long taim bilong Adven pinis. Planti bilong yumi i stap mekim kainkain wok long mekim yumi redi long amamasim na tingim krismas.

Wanpela samting ol manmeri i save tingim long dispela taim em i bilong lusim pasin nogut na mekim guppela pasin.

Wanpela guppela pasin yumi laik soim dispela taim, em i daun pasin.

Wanem kain guppela pasin i stap strong long laip bilong yu?

Long taim bilong ileksen i klostu kamap, wanpela memba bilong palamen i bin go lukim wanpela Guru i stap long wanpela liklik haus ausait long taun.

Taim ol manmeri i gat wari o hevi ol i save go long em na askim long spirituel gaidens.

Planti man bilong ples i save gut long dispela Guru na soim bikpela rispek bilong ol long em.

Taim Memba bilong palamen i kamap long ples na go insait long haus bilong Guru, em i bin daunim het bilong em na go insait long liklik na sotpela dua tru bilong haus.

Tasol bikos Memba em i wanpela longpela man, olsem na het bilong em i bam long dua bilong haus, na planti blut i kamaut long foret bilong em. Em i krai na singaut strong bikos em i pilim bikpela pen tru.

Taim Guru i lukluk long sua bilong Memba bilong Palamen, em i tok: ating yu pilim bikpela pen tru a? Tasol em i wanpela bikpela presen yu kisim tude. Congratulation!

"Yu tok wanem?" Memba i askim em. Em i bikpela presen? Yu save o nogat? Lukim, planti blut i kamaut long foret bilong mi na yu tok em i wanpela bikpela presen bilong mi?" Memba i bikmaus tru long Guru.

"Em i tru," Guru i bekim. Na Guru i tok moa: "Taim yu go antap long wanpela maunten, na taim yu bin kamap antap long maunten, yu bai painim rot bilong yu long go daun gen long maunten."

Guru i lukluk strong long Memba bilong Palamen na i tok moa: "Yu mas lainim moa moa yet long daunim het bilong yu, bai het bilong yu i noken bam na kisim sua moa long dua."

• Husat i litimapim em yet, ol i bai daunim em.

• Husat i daunim em yet, ol bai litimapim em.



"Sekeraia i autim tok profet."

Orait Holi Spirit i pulap long Sekeraia, papa bilong dispela pikinini, na em i mekim tok profet olsem. "Yumi litimapim nem bilong God, Bikpela bilong Israel, em i kam na i helpim yumi manmeri bilong em, na em i kisim bek yumi.

"Long lain bilong wokboi bilong Devit, Bikpela i kamapim wanpela strongpela man bilong kisim bek yumi, olsem bipo yet em i bin tok long maus bilong ol profet bilong em.

Em i tok bai em i kisim bek yumi long han bilong birua bilong yumi. Em i mari-mari long ol tumbuna bilong yumi na helpim ol. Na em i tingim yet dispela kontrak bipo em yet i mekim."

Luke 1:67-72

Pikinini bilong LMS Misinari i kam bek limlimbur long PNG

YUMI skruim stori bilong Wendy Baldock em pikinini bilong Reveren na Misis Stanley Dewdney, ol paionia bilong London Misinari Sosaiti Pasto long PNG na Galp provins.

Ol bin wok olsem ol LMS misinari long Galp provins long 34 krismas, stat long yia 1937. Tupela papamama i ritaia na go bek long Inglan long 1970.

Long dispela yia, Wendy i bin nap long kam bek lukluk raun long PNG we em i kolim ples bilong em bikos mama i bin karim em na

narapela tupela brata bilong em long Pot Mosbi. Ol bin stap tu long PNG taim namba wan bikpela wol pait i kamap tasol ol bin kam bek long skruim misinari wok. Hia em namba tu hap long stori bilong em, we Wantok i skruim i kam long las wik.

"Ol memori bilong mi long Papua em long ples we mi gro ap long en taim mi liklik yet na em long Orokolo.

"Mi nogat bikpela memori long ol ples olsem Kerema na Mosbi bikos dispela em ol ples we mi lukim ol

tasol taim mipela i raun. "Tasol mi harim papamama bilong mi i toktok planti long ol ples long PNG na tu, lukim ol planti poto long ol wan wan ples we ol bin wok long en.

"Dispela em wanpela as we mi bin pilim olsem mi kam long ples stret bilong mi taim mi kam bek. Narapela em long guppela welkam mipela i bin kisim long ol pipel long ol wan wan ples we mipela i go long en.

"Mi painim Orokolo olsem mi tingim long en. Olsem long bipo, longpela wokabaut long

nambis i go long haus bihainim rot i go long haus sik na wokabaut antap long bris.

"Mi sori long lukim olsem naispela olpela misin haus i no stap moa, tasol liklik hap bilong beksait bilong olpela haus i stap.

"Nau ol i wokim nupela haus bilong pasto tasol mi bin sori tru olsem olpela haus we mi bin laik go insait na lukim haus we mi na Peter i save slip na kaikai long en i no stap.

"Tasol mipela i bin stap long nupela haus bilong Pasto na mi bin pilim olsem mi hap

bilong dispela haus. "Ol meri i bin lukautim mipela gut tru long sait bilong kaikai na olgeta samting we mipela i laikim.

"Mi bin amamas na laikim tru long wok-abaut long bus aninit long ol bikpela na naispela diwai tru.

"Mi bin laikim stret long wokabaut long wesana na lek bilong mi i krugutim dispela naispela wesana. Na tu swim long naispela solwara," Wendy i tok.

Moa long dispela stori neks wik.

Kabwum komyuniti long Talai kisim stiatok

...Yut kodineta strongim ol long go bek long ples

MOA long 200 manmeri insait long Talai setelmen long Badili na Sabama insait long Nesanel Kapitel i kisim guppela stiatok i kam long Evanjelikel Luteran Sios PNG (ELCPNG) yut kodineta bilong Ukata Dsitrik long go bek long asples na wokim gaden samting bilong helpim kamapim gut laip na sindaun bilong ol.

Ukata Distrik kodineta Titus Yangi i bin strongim tingting taim em i go mekim wanpela lukluk raun long setelmen long lukim na toktok wantaim ol pipel bilong Kabwum husat i stap long setelmen.

Mista Yangi i laikim bai ol pipel bilong Kabwum husat i stap nating long Badili Talai setelmen i mas go bek long asples bilong ol na wokim gaden na i planim ol taro na ol arapela kaikai bilong lukautim ol na famili bilong ol.

Kodineta Yangi i bin mekim strongpela toktok long populesen i wok long gro bikpela na kantri i wok long sotwin tru long ol kain hevi i sut long wok mani, lo na oda, sot long planti samting na moa hevi olsem.

"Husat i pinis long skul na i sindaun nating na nogat mani long lukautim na sapatim laip long Pot Mosbi i mas go bek long asples. Ol brata na susa bilong mi husat i bin pilim laip i hat tru long siti. Glasim gut sindaun bilong yupela wan wan na plenim tumora bilong yu," Mista Yangi i bin tok.

Em i tok long hevi bilong mani i sot, laip na sindaun bilong ol famili na wan wan manmeri i hat tru na i moabeta long ol i go bek gen long ol asples bilong ol.

"Olsem na mi laik givim sampela stiatok we inap long soim rot long abrusim ol pasin bilong ol ausait lain long stap nating insait long siti na pilaim laki, wokim ol pasin i no stret long helt na spirituel laip na ol kain sik nogut olsem AIDS, korapsen na braiberi i kamap strong insait long ol setelmen.

"Yut bilong yumi long Ukata Distrik husat i pinisim ol skul i nogat nit long stap nating tasol i mas go insait long ol yut na sios ektiviti bilong traunim daunim ol hevi," Mista Yangi i bin tokim ol Talai Ukata Dsitrik manmeri.

Em bin tokim ol yut long mekim wok

long save na kisim ekspiriens bilong edukesen insait long sios, skulim Tok bilong Papa God long ol manmeri long taun we ol i stap long potnait mani tasol.

Em bin tokim tu olsem Tok bilong Gutnius i gat pawa na strong long senisim laip na stiaim gut ol manmeri long painim guppela sindaun, wok glori na go helpim long ol wok bilong developim gut kantri na sosaiti.

As tingting bilong toktok long ol pipel na yangpela long setelmen em long lukautim gut nem bilong PNG na strongim guppela Kristen pasin olsem laikim o givim bel tru.

Hevi bilong gavman, ol kampani, ol sios na ol arapela komyuniti tude insait long siti na taun i bungim bikpela senis we i kamap hariap tru wantaim bikpela paul na korap pasin.

Ol hetman na Talai setelmen sios lida i bin tok tenkyu na soim bel gut na amamas long guppela tingting na plen i sut long yangpela pipel. Ol i tok dispela plen bai kirapim guppela sindaun long ruel eria na sanap strong long skruim wok bilong sios.

Sios lida askim bilip manmeri long stap strong

...makim nupela eksekutiv

Paulus Tali i raitim

NAU long taim we planti manmeri i tanim baksait long God na painim amamas long dispela graun yumi ol bilip manmeri mas sanap na holim strong bilip bilong yumi, Sommy Setu, presiden bilong Evanjelikal Luteran Sios bilong Papua distrik i bin tok long konfrens bilong ol i bin kamap long Koki Gut Shepherd Sios long Pot Mosbi las Sande.

Wantaim dispela toktok em i askim ol sios lida na sios memba sapos ol i save tu long mining bilong kristen na bihainim kristen laip.

Em i tok long strongim bilip bilong manmeri ol i mas mekim penens o sakrifais wantaim na tu strongim wok bilong sios long sait bilong pre na givim ofa.

Tasol pastaim long ol i mekim olsem ol i mas givim ol yet long God Papa, Reveren Setu i bin tok.

"Wantaim was bilong spirit bilong Papa God yumi ken kamapim wok gut long dispela graun. God em i as bilong olgeta samting na em i laip. Sapos nogat God yumi bai nogat na olsem sapos yumi laik mekim wok bilong em yumi mas go long em pastaim, kisim strong na bihain mekim wok," Reveren Setu i tok. "Ol kristen i mas wok strong

long givim ofa tru long bilip na pasin bilong ol wantaim bel isi i go long bikpela God tasol. Long dispela as tasol distrik bai ron gut.

"Yumi kristen i mas harim tok bilong God we ol pasto i save autim na sanap long bilip, bilong sios na bihainim rot na stiatok bilong God.

Em i tok ol pasto long wan wan kongrigesen i mas gat progrem na plen bilong wok bilong ol long givim guppela daireksen long kongrigesen.

"Yumi Luteran memba bilong Papua distrik i mas save gut long histri bilong sios; long wok misin wantaim wok evanjelisim na autim gutnius bilong Kraiss.

"Long 2004 na go Papua distrik i gat plen long strongim ol pasto na wok evanjelis insait long distrik na tu distrik gat wok bilong ol mama na yut long wan wan kongrigesen. Na olsem em i mas i gat plen Setu i tok taim em tokaut olsem olgeta wok i ken kamap sapos i gat wanbel namel long ol.

Em i tok moa olsem ol pasto i feslain long go pas long kongrigesen na olsem i mas wok wantaim ol lida long kongrigesen na distrik long strongim wok progrem bilong sios.

"Mi presiden i amamas long, yumi makim pinis ol guppela



(L-R) Pasto Martin Okurupa na nupela tresera Reveren Perry Gene bilong Kirap Bek kongrigesen wantaim ol meri na pikinini i amamas long nupela apoinmen. Ol pasto i mas go pas long kongrigesen na wok bung wantaim ol long strongim wok bilong sios.

lida long ronim wok bilong distrik.

"Na tu yumi mas yusim gut ol institusen bilong sios na distrik tu. Na mi amamas long distrik i gat ol strongpela lida olsem nupela vais presiden em Pastor Gundu Guenu, Seketeri Bonny Dummason, Tresera Perre Gene," Reveren Setu i tok.

Long wankain taim tu, Het Bisop bilong Evanjelikel Luteran Sios (ELCPNG) Dokta Wesley Kigasung i bin opim semina bilong ol Luteran sumatin long ol bikpela skul

olsem Yunivesiti ov PNG Waigani, Goroka, Yunitek long Lae, Vudal, Madang Tek, Skul ov Nasing na Balob Tisas Koles i bin stat long Novemba 30 long Matin Luta Seminari klostu long ELCPNG het opis long Ampo, Lae.

Pasto Luke Timothy husat i makim ol Luteran sumatin long UPNG i tok planti taim ol pikinini ELCPNG yet i skul tasol ol i nogat luksave bilong sios.

Em i tok dispela kain wok poroman i mas kamap na harim hevi bilong ol institusen.

Plisman i mas stretim ol yet pastaim



• Ol meri i sanap wantaim plakad bilong ol na lukluk long wanpela pilai em Waisuma tieta grup i putim kamap ol i kolim "Paitim Meri."

Ol foto: BARBARA TOMI

Barbara Tomi i raitim

HAUS na kompaun we yumi i save stap em i no seif.

Yumi ol papa na ol mama i gat bikipela wok

long lukim olsem ol pikinini i stap gut long haus na i noken kisim bagarap long ol man nogut.

Tasol planti taim hap we yumi em i seif olsem ol haus bilong yumi em i no seif. Maski sapos yumi stap wantaim ol famili yumi ol papa mama i mas was gut tru long wanem samting i wok long kamap.

Ol samting olsem abyus i save kamap long ol pikinini, paitim meri, dring bia o ol strongpela dring na smok mariwana em i bikipela tru long Papua Niugini.

Wanpela yangpela mama i stap long Tasion Bareks long Gerehu i tokim *Wantok Niuspepa* olsem ples em i stap em i no seif long em na ol pikinini bilong em. Em i bin tok tu olsem taim pikinini meri bilong em i bin 5 krismas, wanpela wantok bilong plisman long bareks i bin mekim pasin nogut long em.

Long dispela taim i kam nau, mama ya i save stap long bikipela wari na pret long ol pikinini bilong em. Em i gat narapela pikinini meri tu.

Em i tok maski Tasion Bareks em ples slip bilong ol plisman na meri na ol famili bilong ol, em i no seif na em i askim ol bos bilong plis long putim wanpela opisa long lukautim bareks na stretim sindaun bilong ol plisman na ol famili bilong ol.

Em i askim tu long plis i putim banis raunim bakes na putim strongpela was na

rausim ol man nating i raun long bareks.

Narapela askim em i mekim em long apim potnait pe bilong ol plis man na meri bilong wanem pe bilong ol kaikai na ol sevis i go antap na planti hevi i save kamap bikos ol famili i nogat inap mani long baim ol kaikai na tu ol klos o arapela samting bilong famili.

Dispela ol hevi dispela mama i skelim em sampela tasol ol askim em ol mama na meri long Tasion Bareks i bin putim i go long Metropolitan Supaintenden bilong NCD na Sentrel provins Emmanuel Hela las wik.

Ol meri i bin mas na givim o autim ol wari bilong ol i go long Supaintenden Hela olsem bos bilong ol plis long NCD na Sentrel.

Long bekim ol toktok bilong ol meri, Supaintenden Hela i soim sapot long ol wok aweanes ol meri i kamapim na em bai putim kamap ol komiti long wanwan bareks wantaim wanpela opisa long go pas long stretim ol kain hevi olsem i save kamap long bareks.

Em i tok dispela komiti bai putim strongpela lo na mekimsave long ol plisman na meri i brukim lo o ino soim pasin bilong gutpela disiplin.

Em i tok to olsem sapos ol plisman i paitim meri bilong ol, dispela plisman bai kisim mekimsave aninit long lo bilong Plis Ekt.

Wanpela plismeri Konstabel Helen Larsin i tok planti ol meri bilong ol plisman i pilim olsem em i wok bilong ol long helpim man bilong ol long mekim gut ol wok bilong ol.

Em i tok ol plisman em ol lain bilong bihainim lo na ol i save mekim ol pipel i mas bihainim lo na ol meri i mekim protes olsem ol man bilong ol i mas stap aninit long ol dispela lo tu long haus.

Konstabel Larsin i tok sapos ol plisman i stap gut long haus na i no save kamapim pasin bilong paitim ol meri na ol pikinini bilong ol, ol bai soim dispela gutpela pasin long wok bilong ol tu.

Ol meri long Tasion Bareks tu i kamapim wanpela woksop bilong Jenda Vailens we bai pinis tude long Godens Bareks Trening sel.

Ol i singaut long ol meri na mama long ol narapela plis bareks long bung wantaim ol long dispela woksop tu na lainim ol rot long kamapim gutpela we long sindaun gut long haus na stretim famili.

Pom Madas Yunion welkamim provinsel presiden

Barbara Tomi i raitim

LONG Trinde, Desemba 4, 2003 ol memba bilong Angliken Madas Yunion long Pot Mosbi i mekim wanpela welkam long nupela Provinsel Presiden.

Long namba wan taim wanpela memba bilong Pot Mosbi Daiosis Madas Yunion i holim wok olsem Provinsel Presiden.

Dispela em i bikipela samting stret long ol memba bihain long nupela presiden Ann Mota i bin go long Popondetta long Oro provins na kisim komisin long dispela wok na em i kam bek long Mosbi.

Ol mama i bin bung long Holi Famili sios na danis na welkamim Misis Mota.

Ol mama bilong Tufi i danis na bringim Misis Mota i kam insait long bung ples na long ai bilong ol mama husat i bin stap, mekim wanpela pasin kastom bilong ol Tufi we ol i putim wanpela nekles ol i kolim *Kotopu* long nek bilong Misis Mota. Dispela nekles em ol bikman na meri o ol sief tasol i save werim. Ol meri i mekim dispela luksave olsem Misis Mota em sief bilong ol na olgeta em i werim dispela nekles em bai tingtim dispela wok em i kisim olsem presiden bilong Madas Yunion long kantri.



• Ol meri paitim han bihain long Mama Leila Koeba (aninit) i putim *Kotopu* long nek bilong Ann Mota (Iephan). Ol foto: BARBARA TOMI



Meri Wantok i laik save sapos yupela i save laikim ol stori mipela i save printim. Rait i kam long **Meri Wantok**, Word Publishing Company, P O Box 1982, Boroko, NCD o ring i kam long telipon 3252500 na toktok long Veronica Hatutasi o Barbara Tomi. Yu ken salim ol stori tu long feks namba: 3252579 o email: word@global.net.pg.



FLET FLAUA

Yu mas i gat:

- 1-pela kap Plain flaua
- 1/3 Kap caster suga
- 1-pela kiau
- 1^{1/4} kap susu

We long kukim:

- Kapsaitim flaua na suga i go insait long wanpela dis na tanim
- Brukim kiau na kapsaitim wara bilong kiau i go insait.
- Kapsaitim kap sus na tanim wantaim flaua, suga na kiau inap flaua i wara wara.
- Kisim frai pen na putim liklik bata i go insait. Putim frai pen antap long paia na bata bai melt.
- Kapsaitim flaua na karamapim frai pen.
- Kukim inap wanpela minit. Taim wanpela sait i kuk, tanim na kukim long nara-pela sait.

Sapos yu gat sampela we long kukim ol kaikai olsem saksak, banana, taro or kaukau na yu laik serim wantaim ol narapela meri plis salim i kam long mipela na bai mipela putim long *nuspepa*.

Givim samting i go bek long komyuniti

••• neks yia fi bai go antap na papamama mas redi nau

WANTAIM planti save skul i givim, em i moabeta long ol Gret 10 na 12 sumatin long givim samting bilong kamapim gut komyuniti na PNG, Prinsipel bilong Jubili Katolik sekonderi skul Bernardette Ove i bin tokim ol long greduesen de bilong ol las Fonde long Pot Mosbi.

Long wankain taim ol papamama i harim olsem skul fi bilong neks yia bai go antap na ol i mas stat long redi long dispela, ol i bin kisim strongpela toktok long inapim komitmen bilong ol long baim na pinisim ol skul fi bilong dispela yia.

"Skul i givim yupela planti save long developim yupela. Bai yupela i mekim wanem wantaim ol planti save ya? Wanem samting bai yupela i wokim long kamapim gut komyuniti? Wanem samting yupela i ken wokim long kamapim olsem ol gutpela rol modul o piksa long ol narapela na PNG? Prinsipel Ove i bin tokim 91 Gret 10 na 103 Gret 12 sumatin husat i bin greduet long Jubili Katolik Sekonderi skul.

Taim em i tok amamas long ol sumatin husat i bin lainim, i no ol samting bilong rit na rait tasol ol i bin stap insait long ol arapela wok ausait long skul olsem lidasip trening na kamapim ol gutpela lida, wok sariti long helpim ol arapela, ol ektiviti long tok tru (honest and responsible) na gutpela pipel long wok gut na bihainim stretpela pasin, lainim rot bilong yusim gut save long kamapim gutpela senis long laip bilong ol yet, kantri na komyuniti.

Bikos Jubili em i memba bilong ol De La Salle Bratas oda skul we i gat han long PNG na Australia, ol sumatin i bin lainim planti samting long lidasip na konfidens o kisim strong long ol yet taim ol i go insait long ol woksop na trening long Australia wantaim ol arapela sumatin long De La Salle skul ovasis.

Em bin strongim ol sumatin long holim strong long tripela bikpela samting we De La Salien oda i save fokas long en. Em long feit (Billip), sevis na komyuniti.

Misis Ove i bin tok amamas long skul i wokim gut tru na kamapim namba tri long kantri bihain tasol long Malala na Fatima sekonderi, em tupela Katolik

ejensi skul tu. Tenpela Gret 12 sumatin i bin kisim olgeta Distinsen tasol na skul i bin kamapim top long Inglis na Litereja long kantri.


Long wankain taim tu, Siaman bilong Jubili Sekonderi skul bot Gerard Dogimab i tok tenkyu long ol tisa, ol skul bot, papamama na sumatin long wok gut wantaim na

kamapim gut dispela nupela skul. Em i tok bikpela samting em gutpela wok bung na sapot bilong olgeta grup ya wantaim Asdaiosis i kamapim dispela gutpela developmen long ol sumatin na skul.

Taim em i askim strong ol papamama long mekim wok bilong stiaim gut ol pikinini long ples, em i apil

tu long ol dispela we i no pinis baim skul fi.

"Yupela i no ken abrusim wok bilong yupela olsem papamama bikos sapos yupela i no peim ol fi, dispela i kamapim hevi long lainim bilong ol pikinini na skul operesen. Mi askim yupela ol papamama na was lain long inapim komitmen o wok bilong yupela," Mista Dogimab i tok.



• (fran l-r) Petrus Cleopas na Jamie Landayan, (baksait) Jabin Landayan. Ol sumatin ya i rekim ol prais stret. Petrus em daks bilong Gret 12 na Jabin daks bilong Gret 10. Jabin na susa bilong em Jamie i wok long resis stret long kisim prais bilong gret 10. Foto: CHRISSILLA KABE TALIS

Namba wan Gret 10 greduesen bilong Jubili

Chrissilla Kabe Talis i raitim

NAMBA 3 Gret 12 greduesen na namba wan Gret 10 greduesen bilong Jubilee Katolik Sekonderi Skul i bin kamap long Reveren Sione Kami Memoriel Sios long las wik Fonde.

Moa long 100 gret 12 sumatin i greduet na moa long 90 i greduet tu long gret 10.

Prinsipel bilong skul Bernadette Ove tok ol ino kisim risal o toksave yet long ol gred 12 sumatin bilong wanem sampela provins ino givim bilong ol yet. Em i tok em save na bilip olsem nau tu ol dispela gret 12 tu bai mekim gut long skul wok bilong ol bilong wanem ol lain husat i bin go pas long ol i bin mekim gut tru taim ol bin skul long dispela skul.

Misis Ove i tok em i amamas tru long ol gret 10 tu bilong wanem em tok ol mak bilong ol i gutpela stret. Em tok 10-pela ol gret ten sumatin bilong Jubilee i kisim olgeta distinsen o mak antap tru long olgeta mak. Em bin tokaut tu olsem em i makim pinis 60 sumatin long go bek long Jubilee neks yia.

Petrus Cleopas em mangi husat i kisim daks bilong gret 12 na daks bilong skul ya. Ol narapela daks sumatin em Michael Evara (Gred 9), Jabin Landayan (Gred 10), na Julian Takapan (Gred 11).

Ol elementeri na praimari tisa kisim skul long holim kalsa

MOA long 135 elementeri na praimari skul tisa insait long Wabuga (Wau, Bulolo, Garaina) Inspekteret i bung long Wau Praimari Skul long 24th igo long 28th Novemba long wanpela inisevis we bin kamap long Wau Praimari Skul long ol tisa long kisim moa save long lainim ol pikinini.

Ol i bin lukluk long integriti open karikelum developmen, na we bilong bungim kalsa, lotu na edukesen. Dispela kos em bilong PNG stret we ol tisa bai save gut long as tru bilong givim gutpela lainim, we ol bai promotim kalsa bilong PNG na ol pikinini bai save long pasin tumbuna na tokples we ol pikinini bai gat save na holim kalsa bilong PNG. Dispela kos tu em bilong helpim ol tisa long luksave olsem developmen open kurikulum em wok bilong olgeta manmeri bilong PNG. Ol mas luksave tu long as bilong stadim edukesen (filosofi ol edukesen) long PNG.

Ol Jubili sumatin kisim salens

Veronica Hatutasi i raitim

OL sumatin i kisim salens long painim namel rot we gutpela pasin i go pas long soim dispela rot long kamapim gutpela kantri.

Ol i kisim strongpela tok tu olsem dispela em i stat long taim bilong hatwok na ol i mas go aut na kamapim gutpela senis long komyuniti na kantri, wantaim ol samting we ol i bin lainim long Jubili.

Ol sumatin i kisim tok tu long askim ol yet gut tru long ol i stap we na ol wok long go we.

Kinot Spika na Prinsipel bilong Sen Joseph's Katolik

Intenesenel skul husat bai lusim wok na kantri long neks wik long go bek long Australia em John Colwell i bin tokim ol Gret 12 na 10 sumatin long greduesen bilong ol las Fonde.

Mista Colwell i bin tokim ol olsem Jubili Katolik Sekonderi em i nupela skul we i bin op long yia 2000 tasol em i kamap gutpela na wanpela top skul long kantri we i strongim wok long skulim ol sumatin long ol gutpela samting olsem lidasip kwaliti na go insait long wok marimari (sariti) long helpim ol tranpu.

"Yupela ol sumatin, yupela em ol lain i mas painim namel

rot. Skelim gut ol samting na skelim ol samting na ol positif velu. Jubili em i nupela skul tasol em i soim rot long bihainim gutpela strongpela lidasip, tras o luksave, wok wantaim, pasin bilong serim ol samting na mi bilip olsem yupela bai mekim kamap ol samting we yupela lainim long dispela skul.

"Wanem ol samting bai mi holim pasim long ol? Wanem nupela samting bai mi statim? Wanem samting bai ol pikinini na ol bubu bilong mi i bihainim? Yupela em ol lain husat bai wokim samting long PNG.

"Go aut na wokim samting na painim balens namel long

olpela na nupela wei," Mista Colwell i tok.

Em bin tok em i sori long lukim olsem bihain long PNG i kisim independens, ol samting i no go gut tumas olsem ol pipel i bin laikim long en na putim strongpela tingting bilong ol long en. Planti lida i no inapim dispela laik long ol pipel na ol i feilim ol.

"I bin gat bikpela ekspektesen o bikpela tingting olsem ol samting bai kamap gut. Tasol nau, yupela i laikim moa pikinini. Ol samting long bipo na olsem, mi strongim yupela long painim namel rot long ol velu, gutpela pasin na gutpela rot," Mista Colwell i bin tok.

Operesen Pasim Sua helpim ol setelmen siklain

Owen Jones i raitim

I NO gutpela helt em wanpela long ol hevi we planti pipel husat i save stap insait long ol setelmen long Mosbi i save bungim.

Tasol wanpela paionia program bilong Foaskwea sios i lonsim wanpela operesen long etreseim dispela na ol i kolim dispela program long Operesen Pasim Sua (OPS)

OPS i save givim helpim long samting olsem 4,000 sik manmeri na pikinini long olgeta mun insait long ol 15 setelmen long Mosbi. Nau ol lain i karimaut dispela program i laik kisim i go long ol ruel eria we dispela program i no stap.

Pasto Bill Page i bin tingting long kamapim dispela program faivpela krismas i go pinis taim em i wok long givim kaikai long Krismas taim long ol pipel long 6 Mail dam setelmen.

Em bin tok em i lukim wanpela liklik pikinini i as nating pulap long ol sua long

bodi bilong em na em bin prea long Bikpela olsem em i mas wokim samting. Olsem na em bin ogenaisim long ol medikel saplai na go sevim ol setelmen lain. Nau, OPS i gat ambalens bilong em we ol sios lain yet long Amerika i bin done-tim.

Tenpela voluntia woklain i save mekim raun i go long ol 15-pela setelmen long olgeta tripela wik. Gavman bilong PNG i save saplai ol marasin we ol lain i save yusim long lukautim ol setelmen lain.

Helt Seketeri Nicholas Mann i sapotim dispela wok bihain long em i lukim ol woklain bihain long em i lukim ol ples we ol i save karimaut wok long en. Sampela long ol ples ya em ol helt woka insait long siti i save pret long go long en.

Leonie Isokoxv husat i bin wok long Sidni, Australia olsem wanpela ruel nes i wok olsem voluntia wantaim grup long sikspela mun nau.

Em bin tok ol i karimaut ol banis sut na liklik bet (incubators) long ol bebi, givim

etvais long ol gutpela kaikai, sekim na skelim ol bebi na pikinini, famili plening na gviim marasin long ol sik olsem malaria, ol sik bilong skin, TB, leprosi, niunionia na ol arapela sik moa. Ol i save givim etvais long sik HIV/AIDS na salim ol siklain i go long ol haus sik taim ol i gat ol bikpela sik. Ol i save givim ol imejensi nutrisen kaikai na givim ol tinpis, kiau, braun rais na pouda milk. Dispela em bikos sik bun nating em i kamap planti long ol setelmen.

OPS i bin stat mun Septemba 2000. Long nambawan taim long dispela yia, nesenenel gavman i katim K60,000 long peim ol woklain long en. Ol ogenaisa i lukluk long gavman long katim sampela mani long ol long neks yia.

I no long taim i go pinis, grup i bin raun i go long Pukari eria long Galp provins we ol bin givim marasin na helpim 1,000 pipel na tu, givim banis sut long 600 pikinini.

Pasto Page i tok em i bikpela samting long helpim planti mama i dai long hevi taim ol i karim pikinini, planti pipel i dai.

Natnat i wok long Bagarapim yu? Yu wari tumas long Sik Malaria? OL TAUNAM BILONG SALIM

Rotary i pait egens Malaria
Kam lukim mipela long 6 mile o Ringim - 325 8900
Prais i daunbilo na i gutpela stret- Yu ken baim planti long wanpela prais
DEPT OF HEALTH - WHO - UNICEF

Planti man ting trausis em bilong ol man tasol

WANTOK i bin kisim planti leta long ol man na meri husat sampela ting trausis bilong ol man tasol na ol arapela ino ting wankain.

...Hia em tingting bilong sampela ol man na meri

Chrissilla Kabe Talis i raitim - Ol poto: Joe Ivaharia



Seketeri, Woks Ministri

Trausis bilong man na meri wantaim. PNG igat kainkain kastom istap tasol nau kantri bilong yumi wok long senis na kainkain stail bilong kolos tu wok long kamap olsem na yumi tu mas senis.

Taim ol meri werim trausis, em i no min ol wok long tek ova long ol samting bilong ol man.

Helen Wowo Manus, 22



Michelle Kasen Madang, 38 Sekaut Opereta-Stop n Shop Waigani

Mi wanpela mama na mi save werim trausis.

Long bipo taim nogat trausis yet, em man na meri wantaim save werim laplap.

Long nau taim ol meri i werim trausis, em ino min long bagarapim sindaun bilong ol man, ol tu tingting long lukautim skin bilong ol.

Nau olsem planti reip o pasin bilong bagarapim meri save kamap olsem na taim mi werim trausis mi fil seif.



Henry Pastoh Morgan Sepik, 21 Baunsa-Wally's Bar

Ino gutpela long ol meri long werim trausis bilong ol man.

Igat ol trasis bilong ol meri ol save kolim trasis sket istap long ol meri long werim. Mi lukim olsem ol meri

nau wok long lus tingting long werim sket na dres.

Taim ol meri werim trausis, ol save givim kainkain tingting long ol man na long dispela tasol reip tu iken kamap.

Olsem sampela save werim ol taitpela trasis stret na save kirapim tingting bilong ol man tu ya.



Rara Rondeau Sentrel, 27 Hauswaif

Igat trausis bilong man na meri wantaim. Long nau long Mosbi, igat planti birua save kamap na taim mi werim trausis, mi save fil sef.

Laplap ino gutpela tumas bilong wanem em bai isi tru long pundaun taim birua i bungim yu na yu laik ronawe.



Eunice Bayes Gulf, 47 Wok long Stop AIDS Kaunsol

Mi yet mi mama na mi givim ful sapot long ol yangpela meri bilong yumi iken werim trausis.

Long lukluk bilong mi, planti reip na planti raskol pasin wok long kamap na taim ol meri werim trausis, ol bai painim isi long ron.



Benny Peter Simbu, 30 Sekyuriti-Stop n Shop

Sapos mi wanpela plisman, mi bai raun long olgeta hap long painim ol meri husat werim trausis na tokim ol long rausim na werim rait kolos bilong ol yet.

Sapos ol plis iken mekim dispela bai ol

meri i ken poret na i no nap werim ol kolos bilong ol man.

Ol meri nau werim kolos bilong ol man na mekim na ol man ino moa luk smat long kolos bilong ol.

Sapos ol meri laik werim trausis, ol i ken werim tasol long haus bilong ol yet na ino long pablik.

Christmas at Brian Bell
Shop with a friend

SPESOLS

K463.65

K376.30

COLEMAN COLE639B700
KEROSENE LANTERN

K409.00

K345.25

K299.00

COLEMAN COLE214A700
KEROSENE LAMP

K635.70

SINGER 15CH1A
TREADLE SEWING MACHINE

K635.70

COLE5298MARI
COLEMAN 100QT MARINE COOLER

FREE WANPELA BOLT JUMPING FISH MATERIAL

FREE wanpela paket MANTLE taim yu baim dispela ol LAMP

KISIM WANPELA KRISMAS CATALOGUE LONG OL BRIAN BELL STUA TETE

WANTOK
KOMENTRI

**Famili bai sem
nogut tru**

PASIN Pamuk em wanpela bikpela samting kastom o tumbuna pasin bilong planti pipel bilong Papua Niugini i no oraitim. Sapos yu mekim pasin pamuk, bai ol ples lain yet i kilim yu o bai ol i bagarapim yu nogut tru bikos kastom i tok dispela em sik nogut we bai kilim papamama o brata susa.

Em kastom bilong planti bilong yumi long PNG na yumi save tambu tru long ol yangpela pikinini man na pikinini meri bilong yumi long noken tru paol nabaut.

Orait tok i stap tu long buk Baibel olsem pasin pamuk em bikpela sin tru. Bodi bilong yumi em i haus holi bilong God na yumi mas lukautim gut na marit stret long rot we i stretpela na gutpela.

Ating taim yumi stap gut, ol papamama na famili i save amamas na ol bai amamas sapos yumi marit stret long rot na pasin olgeta famili i laikim yumi bihainim. Baibel tu i tok long dispela kain gutpela rot bilong marit.

Taim i senis nau we bodi bilong yumi i no moa stap olsem wanpela spesol o bikpela samting tru long laip bilong yumi wanwan. Bodi bilong yumi nau em yumi laik soim ples klia long arapela i ken lukim na toktok long en o lap long en.

Ol meri i wok long danis long ol bikpela hotel long ol siti na soim susu na skin bilong ol ples klia. Ol i no pret moa olsem dispela bodi em bikpela samting long wanpela man nabaut i noken lukim.

Ol meri i wok long tok yesa long ol man long hotel na rot long slip wantaim ol na peim ol long mekim pamuk wantaim ol. Ol i no pret moa olsem bodi bilong em i no bilong mekim nabaut nabaut long en olsem o mekim i kamap bodi bilong pablik.

Ol man tu i soim mani ples klia long ol meri na pulim ol i kam na mekim pamuk wantaim ol. Ol man tu i no pret olsem bodi bilong ol i no bilong kainkain meri i tasim nabaut. Bodi bilong em yet wantaim meri bilong em stret.

Bikpela samting em mani. Meri i laikim mani na man i soim mani ples klia na meri i tok yesa long salim bodi isi tasol olsem. Em i tru em bai hat long daunim dispela kain pasin bikos tude em dispela pasin i wok long kamap bikpela long ol taun na siti.

Sampela kantri ol i save sutim ol meri long ston inap ol i dai sapos ol i mekim pasin pamuk. Olsem na lo i mas kamap long tok yes o nogat long pasin pamuk.

Sapos mipela i ken tingim bek pasin kastom bilong mipela wanwan, ating mipela bai pret long mekim pasin pamuk nabaut. Ol brata susa na famili bilong yumi bai sem nogut tru sapos susa bilong yumi i raun mekim pamuk long ai bilong yumi na arapela manmeri i stori long em. Gutpela nem na gutpela sindaun na wokabaut bilong papamama na brata susa na famili olgeta i save bagarap long dispela nem nogut tasol.



LUKIM EM IGO ..NOGAT SEM BILONG EM.. PIKININI BILONG MARIA YAH..

AIYAA.. EM TASOL NA OLGETA FEMILI BILONG EM I SEM TRU LONG PAOL PASIN BILONG EM..

JADA 03!

**Maski werim trausis
bilong mipela ol man**

Dia Edita

Mi wanpela mangi Lumi long Sandaun provins tasol nau mi stap long Lae siti long Morobe provins.

Mi laik sapotim pas bilong brata Mangas Christopher, toktok bilong em long ol yangpela meri save werim 6 poket trausis na long jin trausis bilong mipela ol man na long toktok bilong em kamap long *Wantok niuspepa* long mun Oktoba 29, 2003 olsem noken werim 6 poket trausis na long

jin trausis bilong mipela ol man.

Mi sapotim dispela na mi laik toktok moa long yupela ol yangpela meri long tude yupela ino save harim toktok bilong papamama na sindaun gut, nogat, yupela save wokabout raun long laik bilong yupela yet.

Olsem na yupela baim ol samting bilong mipela ol man olsem trausis na siot.

Mipela ol man bai werim wanem samting malo o purpur olsem bipo ol tumbuna ino

save long rit na rait o long edukesen a.

Mi askim yupela ol yangpela meri bilong tude olsem yupela lukim pas long *Wantok niuspepa* long yupela ol yangpela meri save werim 6 poket na jin trausis na yupela ting wanem.

Yupela pilim sem o nogat. Sapos yupela pilim sem orait yupela mas lusim.

Mi askim yupela ol yangpela meri sapos yupela werim jin na 6 poket trausis raun long pablik ples olsem taun, maket,

stret na long taim bilong lotu bai yupela pilim sem stret ya.

Mi askim yupela sapos pasto o ol kain bikman bilong sios lukim yupela na askim yupela na bai yupela tok wanem long ol.

So em tasol tenk yu. Sapos yu husat man o meri sapotim o agensim orait rait kam long *Wantok niuspepa*.

**Winibe M.
Kamkumung, Morobe
provins**

Nupela mak-ap olgeta de long stua long Wewak

Dia Edita

Nem bilong mi Michael Wantawi long Hauna viles insait long Ambunti distrik long Is Sepik provins.

Na mi laik putim komplein bilong mi igo long Wewak taun atoriti na ol narapela pablik long lukim na skelim.

Mi save lukim long olgeta stua long Wewak, wanwan de ol maneja i save putim makap igo antap long ol samting

bilong baim. Long wanem, vanilla i mekim ol i kirap nogut. Mi yet mi no amamas long dispela pasin long Wewak taun stua. Dispela long wanem, ol lain bilong bik bus i hat tru long kisim ol samting bilong stua. Mipela olgeta ino groim vanilla na bai mipela i kamap olsem ol arapela ples igat vanilla long en. Mipela ol Sepik antap, Ambunti, Mayriver na Hastenrens i nogat vanilla yet.

Na nau mipela ol Sepik antap i kisim hat taim stret long kisim oda long Wewak taun. Bipo taim vanilla ino kamap yet, em i orait long kisim oda long Wewak. Tasol nau inogat tru. K1,000 em i lukim olsem K100 long ol samting bilong stua.

Long olgeta provins long Papua Niugini ol save tok olsem Wewak taun em i wanpela taun we i antap long ol arapela taun long ol samting bilong stua. Dispela mi laik tok long Is Sepik Gavman na ol prais kontrola i larim Wewak taun i putim prais i go antap. Na ol mekim samting stret long Wewak taun. Trangu ol pipel i hat tru, i hat long baim, skul fi bilong ol pikinini. Dispela tupela samting papa-

mama bilong is Sepik na Sandaun i kisim hat taim stret long em.

Baim skul fi na ol samting bilong stua tu. Gavman ino luksave long trangu ol gutpela pipel bilong yu i kisim hat taim istap. Trangu pipel ol i votim yupela wantaim win, ren na bikpela san na wantaim hangre. Tasol yupela ol momba ino luksave na stretim trangu ol pipel bilong yu i kisim taim long ol kain hevi ol pipel i save kisim.

Em tasol na husat i laik sapotim o agensim, em mi hamamas tasol long lukim long *Wantok niuspepa* bilong yumi.

**Michael Wantawi
Ambunti, ESP**

**Maski long jeles nating
long ol meri i werim trausis**

Dia Edita

Mi laik sapotim tupela susa Melissa Daluh pas i kamap long 20/11/03 na Neroly Silas long 27/11/03 olsem trausis em bilong werim tasol.

Long dispela Baibel ves yupela ol man i save rifer long em long Deu 22: ves 5 em i tok olsem "ol man ino ken putim klos bilong ol meri na meri tu ino ken putim ol klos bilong ol man".

Dispela ves long mi yet em i tok olsem klos na ino trausis. Long bipo taim long Israel ol meri i save dresup long het igo long lek. Tasol mipela ol meri long PNG bai hat long dres olsem. Mipela bai i kisim stail

dresing bilong Australia na Niu Silan. Olsem na sapos sampela bilong yupela man no wanbel, em problem bilong yupela. Planti ol man ol i no bisi tumas long wanem samting mipela ol meri i save putim o werim.

Long yupela o man we i gat belhevi na save rifer long Baibel ves nambaut, dispela ki ves o impoten ves long dispela Buk bilong Deuteronomy em i stap long Septa 6: ves 4 igo inap long 6. Ridim na skelim na maski long daunim ol susa bilong yu yet.

**Elizabeth Niwis
Waigani, NCD**

**Husat i tok orait long kisim
K135,000 bilong Is Sepik Dept**

Dia Edita

Long wanpela niusleta long Neseinel niuspepa Is Sepik Dipatmen i raitim anpela sek mak bilong moni em K135,000 long givim ol presiden bilong wanwan LLG long Is Sepik provins long hama-masim Indipendens dei tasol moni igo long pasin bilong braiberi na spak.

Husait tru i makim o tokim tresera long sainim dispela sek na ol moni igo we. Tede yet long Is Sepik provins mipela inogat Gavana na Ekting Gavana tasol istap na

planti ol wok i no go gut tumas. Long tingting bilong mi ol dispela moni i mas go long baim ol kaunsol presiden husat bai votim nupela gavana bilong Is Sepik provins.

Dispela pasin em i soim bikpela korapsen taim kantri PNG i painim hat tru long moni. Mi laikim Wewak MP Kimson Kare wokim wanpela wok painimaut long ol dispela moni.

**John Kriosaki
Wewak, ESP**

WANTOK

Publishing Weekly, Wednesday, for
Word Publishing Company Ltd.
P.O. BOX 1982, BOROKO, NCD
PAPUA NEW GUINEA

TELIPON: 325 2500

FEKS: 325 2579

EMAIL: word@global.net.pg

**PE BILONG WANPELA YIA
52 NIUSPEPA**

PLES	AIR
PNG	K140.00
OSTRELIA	US\$67.00
ESIA PASIFIK NA JAPAN	US\$80.00
AMERIKA NA YUROP	US\$150.00

General Manager:
Jeremy Burgess

Editor of Wantok:
Yakam Kelo.

Printed and Published by
Jeremy Burgess, at Allotment 2,
Section 209, Spring Garden
Road (Poreporena Highway),
Hohola, for Word Publishing Co.
Ltd.

OL PAS

Dia Edita

**Wantok Niuspepa P.O. Box
1982, Boroko NCD - Phone:
325 2500**

Fax: 325 2579

Email: word@global.net.pg

Egensim pas bilong Melissa Daluh

Dia Edita

Mi wanpela mangi Morobe na mi laik agensim mama Melissa Daluh long pas bilong em i bin salim long Novemba 20/11/03 long Wantok niuspepa long sait bilong ol meri long werim 6 poket trauis, jin trauis longpela na sotpela kola siot.

Okei mama ridim na harim gut ol tok tok mi raitim nau. Mama ples spot em ol meri i ken werim trak sut, bikos spots em bai yupela ol meri bai kalap antap na pundaun na ron igo ikam. Traksut em bilong plei spot tasol o werim sket antap long em. Tasol mi toklong 6 poket ya jin trauis ya kola ti siot ya em wanem, em bilas bilong yupela ol meri o bilong ol man?

I gat nau ol meri save samapim trauis sket long ol materiol bilong ol meri iken werim na raun em bilas tru bilong ol meri stret long werim.

Narapela em yu tok long raskol pulim basket o bilum bilong yupela em bikos yu werim trauis ya na man i kisim tingting krangi long yu ya na eskus long pulim bilum bilong ol meri.

Sapos nogat ol raskol save repim ol meri. Olsem na nau long PNG em reip pasin i kamap bikpela tumas hat long daunim lo na oda.

Narapela samting yu tok long planti skul meri PNG igo skul long narapela kantri na ol i kisim stail bilong ol wait meri na sapos ol PNG meri

kam bek long PNG ol i mas bihainim kalsa bilong PNG stret. Yu tok long go daun long Austrelia bai yu lukim 30 yias daun ol meri save werim trauis tasol na raun. Okei Melissa yu bilong wanem ples bilong PNG.

Yu mama yu mas skulim pikinini meri bilong yu long tumbuna kalsa bilong ples bilong yu nau. Ating tumbuna bilong yu meri i bin werim trauis bipo olsem na nau yu bihainim.

PNG edukeisen i skulim elementari bilong wanem risen? Nau long PNG Gavman igat kalenda wik bilong edukesen wik skul pikinini mas lainim bilas bilong tumbuna long Oktota 6th igo long

10th. Olsem na lainim pikinini meri purpur o grasket em nau sket pikinini man malo otapa em trauis okei. Mi sapotim pas bilong brata na kandre long komplein long trauis. Mi sapotim pas bilong Anton Apet, Jacob Abraham, Mangas Christopher bilong Madang na Jerry Urari bilong Madang tasol nau i stap long Popondetta na Henry Ganja bilong ESP.

Em tasol na yu husat PNG man o meri i laik sapotim mi o agensim toktok pas bilong mi okei rait tasol i kam long Wantok niuspepa na bai yumi skelim.

Wasaks Koropu Lae, Morobe provins

Trauis em bilong ol man

Dia Edita

Mi laik bekim pas bilong Melissa Daluh long Erima. Mi tok stret long yupela PNG meri olsem yupela giaman tru long spot na narapela samting na werim trauis bilong ol man.

PNG meri ridim dispela pas bihainim stret em tru God i kisim bun bilong man na wokim meri tasol lo i tok samting bilong o lman em bilong ol man samting bilong ol meri em bilong ol meri.

Dispela lo i kam tru long taim God i wokim Heven na graun na nau lo istap na kantri bilong yumi PNG dis-

pela lo i strong na i stap.

Mi tok stret long yupela meri olsem dispela pasin bilong yupela em olsem yupela laik senisim lo bilong God.

Yupela meri werim trauis na man nogut seten igo pas long yupela na bagarapim tingting bilong ol man na nau kantri bilong yumi PNG bagarap long kain krangi pasin bilong yupela meri. Yu husat sapotim o agensim em orait tasol.

Alex G. Asagiong Popondetta, Oro provins

Trauis i no bilong yupela ol meri

Dia Edita

Mi wanpela mangi Wes Papua na mi laik bekim pas bilong yu Melissa Daluh na pas bilong yu ikamap long Wantok niuspepa long Novemba 20, 2003.

Na yu bin tok olsem trauis ino bilong ol man tasol na bekim bilong em olsem bai mi tokim yu stret olsem trauis em bilas bilong ol man stret na bilas bilong yupela ol meri

em putim kolos na laplap na yupela ol meri putim 6 poket trauis na siot na i no luk gut olsem hap diwai na sapos yu ol meri i putim kolos na laplap em yupela ol meri i save luk nais na yu harim gut na yu bin tok olsem ol wait meri i save putim trauis na mi ken tokim yu ol wait meri ol i ken putim trauis bikos ol i luk nais long em.

Bilas bilong ol waitman yet na yupela ol PNG meri i putim trauis i no luk gut i luk nogut tru na sapos yupela ol meri i laik pilai soka orait yupela i ken putim trauis na taim pilai i pinis orait yu kam long haus na senisim bilas olsem putim kolos na pasim laplap.

Anton Apet Kimbe, WNPB

Mama lo bilong PNG i no strong

Dia Edita

Pasin bilong kilim man na korapsen bikpela trumas long Papua Niugini. Hamaspela gutpela manmeri i lusim laip bilong ol pinis long kantri bilong yu. Planti moa sampela hundred tausen manmeri i lusim laip bilong ol long han bilong ol man. Olsem na PNG igat lo o nogat? Lo ino man kamapim, Papa God long Heven i kamapim strongpela lo bilong banisim heven na dispela graun na wanem samting istap long heven lo banisim na wanem samting istap long graun lo i banisim. Long ol ensel long heven ol i sakim lo, God i no givim sans log ol o em ino save sistem. Lusifa na sampela ensel sakim lo na God mekim save long ol. Baibel i tok God panisim ol stret long tudak i nogat lait long en. Long graun lo em putim long han bilong gavman, yu save moa lukim long Baibel Rom 13: 12 igo daun, Buk Sam na ol narapela Baibel ves.

Gavman yu lukautim lo gut o nogat. Jastis harim kot gut o nogat. Mejistret i harim kot olsem wanem, ol loya bihainim stret kot o olsem wanem, ol kansol na viles kot na yumi pipel wanwan bai yumi sanap long kot bilong God. Kot bilong God em bai igo stret. Kot bilong God bai igo stret olsem na lo gavman yu lukautim na waina sampela long yupela lukautim lo long en ol memba ol i mekim ron, orait pait grup o loya igo na karamapim na tok em winim kot pinis. Na lo polis lukautim na wai na sampela i save igo long rumgat o long wet kot. Ol man bilong kilim man, em nau loya i go sanap hariap long harim kot o sapotim ol dispela trabel mekas. Gavman na plis yupela lukautim lo wai na ol memba i mekim rong ol i no putim ol long kalabus. Sampela lain bilong gavman i mekim rong, em nau karamapim igo kam. Sampela lain bilong loya i mekim rong em nau ol i kam igo pinis. Sampela lain bilong ol plis mekim sampela rong em nau ol i rausim


hariap tru. Jas na majistret, kaunsol, ol viles kot lo em dispela lain yupela skelim na holim istap. Sapos pik kalapim banis na i go insait na bagarapim gaden, em nau digim bikpela baret na katim diwai na brukim na sapim sait sait na lainim antap long het bilong baret na pik hat long igo insait. Long wanem banis sanap strong olsem na sapos yumi pilai pilai long lo na bai kantri i sanap? Pasin bilong sistem na braveri mekim na mama lo em slek tru.

Kantri istap long graun siti manmeri olgeta samting istap long graun bilong yumi em lo banisim. Olsem na traim yumi lusim pasin sistem na braiveri. Husait mekim trabel orait mekim save long em long bekim rong bilong em. Maski long brata o susa, kandre o mama lain o papa lain, husait mekim rong mekim save long ol. Haus sik bilong yumi long Mosbi long 3 Mail mi save lukim hamas manmeri supim kam wantaim blut, man, pik, dok i save karim planti tasol manmeri i save karim 1 tasol. Em olsem wanem, mi askim ol, ol i tok plis sutim. Sampela tok, raskol i kilim, ol manmeri i pait na kilim arapela dai, sampela ol wanlain pait na idai. Ol man sik na idai em liklik, tasol blut wantaim planti tru. Sapos lo sanap strong em ol man meri pret long kisim trabel.

Olsem na gavman i mas sanapim strongpela lo long kilim man dai na reipim meri na kilim dai. Traim gavman mas sanapim strong lo na olgeta samting mas i go gut. Sapos gavman lukluk tasol, pasin nogut igo bikpela long kantri bilong yumi.

Olsem na yumi manmeri pikinini yumi olgeta bai yumi sanap long jasmen bilong God long bihain. Olgeta pasin bilong yumi God em save pinis. Yumi mas pret long God na i stap.

Aka Rimu lalibu, SHP



Haus Tambaran • Dispela olpela foto i soim Sir Julius Chan (raithan) taim em i Praim Minista bilong PNG na Austin Sapias (lephan) taim em i Hai Komisina bilong PNG long Australia long opisel opening bilong nupela Hai Komisina bilong PNG long Canberra, Australia long April 24, 1981. FAIL POTO

Parisina nogat wok bung wantaim ol yut

Dia Edita

Mi yet em mi wanpela yut bilong Madang Holi Spirit peris husat i bin stap wok wantaim ol yuts bilong Holi Spirit na mi bin pul aut.

Wai mi bin pul aut bikos peris pris inogat pasin bilong luksave long ol yut na wok bung wantaim ol.

Mi laik go bek na joinim ol yuts tasol stil i gat dispela kain pasin istap yet. Nau yet mi save wari stret wai na ol parisina i save mekim olsem? Mipela ol yuts bilong peris tu ya mas igat luksave long mipela tu.

Yu laik kamap gutpela wasman bilong sipsip yu mas lukautim gut ol sipsip bilong yu.

Long tude pasin bilong kamapim ol problem em stap long mipela ol yut.

So plis i mas gat luksave long mipela ol yut. Nogut mipela i lus olgeta long pasin bilong dispela graun.

M. R Madang

No ken miksim sios na politik

Dia Edita

Mi wanpela sios lida bilong Komba Seket bilong ELC-PNG, Ukata Distrik na mi laik bekim sampela toktok bilong Memba bilong Kabwum, Mista Bob Dadae. Toktok bilong em i kamap long Redio Morobe long Oktoba 22 na 23, 2003 long "Wanem samting i kamap" progrem.

Gutpela em i bin tokaut long 5 yia developmen ples bilong em na tokaut long nupela sevis senta bai kamap long ples Dengondo ples. Tasol mi no wanbel long dispela ples bai kamap olsem ples bilong Ukata Sios Distrik bai hostim 2006 Synod.

Wok redi long Synod em mas kamap long Wasu Hai Skul na ino Dengondo ples, na tu kain tokaut olsem em wok bilong Ukata Distrik Presiden na i

no wok bilong Memba bilong Kabwum, Mista Bob Dadae.

Long sem taim tu Mista Dadae em invaitim Bisop wantaim Gavana Luther Wenge long go na wokim graun breaking long Dengondo. Sapos Bisop em igo em bai mi tok olsem Ampo i no luksave long Ukata Distrik Ofis na Distrik Presiden.

Mista Bob Dadae, yu Lida bilong gavaman na larim wok bilong sios igo long Lida bilong sios, nogut yu miksim wok bilong sios wantaim wok politik na paulim manmeri.

Nangam Birang Lae, Morobe provins

OL PAS

DIA EDITA

P.O. BOX 19862, BOROBUKO,
NCD PAPUA NEW GUINEA.

PH: 325 2898
FAX: 325 2879

E-mail: word@olpas.net.pg

Magical HALF PRICE Offers!

HALF PRICE OFFERS ON ALL SMALL DOMESTIC APPLIANCE.

BUY ONE GET ANOTHER AT 1/2 PRICE

FOR EXAMPLE

BUY THIS

FORTNIGHTLY **K7**

Sale Cash **K79**
TIFFANY KT100
CORDED KETTLE
REGULAR **K95**
Ref: 500021

FORTNIGHTLY **K12**

Sale Cash **K199**
CORNELL CIS
STEAM IRON
REGULAR **K229**
Ref: 501732

GET THIS AT HALF PRICE



BUY THIS

FORTNIGHTLY **K10**

Sale Cash **K149**
MOULINEX ABKLP1
SANDWICH MAKER
REGULAR **K171**
Ref: 502722

FORTNIGHTLY **K10**

Sale Cash **K139**
AKITA ARC100
RICE COOKER
REGULAR **K159**
Ref: 504721

GET THIS AT HALF PRICE



BUY THIS


FORTNIGHTLY **K9**

Sale Cash **K129**
MOULINEX ACJ94C
2 SLICE TOASTER
REGULAR **K149**
Ref: 500021

FORTNIGHTLY **K8**

Sale Cash **K99**
AKIRA CF-52
COFFEE MAKE
REGULAR **K115**
Ref: 507708

GET THIS AT HALF PRICE



While stocks last!
FREE
SINGLE BURNER
GAS STOVE

WITH EVERY PURCHASE OF ANY AKITA FRIDGE OR FREEZER.

Courts

Magical Electricals

HURRY!
Order by 20th December for guaranteed delivery before Christmas!

WOW! DEAL...
Incredible Price

FORTNIGHTLY **K36**

Sale Cash **K679**
AKITA DVD4500
DVD PLAYER
• VCD version MP3
• Output volume control
• Karaoke function
REGULAR **K785**
Ref: 114799

SAVE **K104**
FORTNIGHTLY **K21**
Was Cash **K499** Sale Cash **K395**
AKITA CD9278
PORTABLE MINI SYSTEM
• cd player • remote controller
REGULAR **K455**
Ref: 225799

SAVE **K504**
FORTNIGHTLY **K24**
Was Cash **K999** Sale Cash **K495**
SONY CFS-929S
PORTABLE MINI SYSTEM
• 300W P.M.P.O • twin cassette deck
• 2 way detachable speakers
REGULAR **K565**
Ref: 224017

FORTNIGHTLY **K55**

Sale Cash **K1,295**
AKITA C105
CHEST FREEZER
• 105 ltr capacity
• Storage basket
REGULAR **K1,489**
Ref: 315717

FORTNIGHTLY **K46**

Was Cash **K1,195** Sale Cash **K999**
AKITA RT140
140 LTR FRIDGE
• 140 ltr capacity
• Storage shelves • Single door
REGULAR **K1,149**
Ref: 310725

FORTNIGHTLY **K32**

Sale Cash **K699**
AKITA VC3731
14" COLOUR TV
• Multi system • front output • side speakers
REGULAR **K799**
Ref: 101738

FORTNIGHTLY **K27**

Was Cash **K699** Sale Cash **K579**
PANASONIC RX-C7850
PORTABLE MINI SYSTEM
• 150W P.M.P.O • Detachable 2 speakers
REGULAR **K669**
Ref: 224746

SAVE **K96**

FORTNIGHTLY **K60**

Was Cash **K1,495** Sale Cash **K1,399**
AKITA RT260
260 LTR FRIDGE
• 2 doors • 260 ltr capacity
• Storage shelves
REGULAR **K1,159**
Ref: 311835

FORTNIGHTLY **K76**

Was Cash **K1,895** Sale Cash **K1,799**
AKITA RT345
345 LTR FRIDGE
• 2 doors • 345 ltr capacity
• Storage shelves
REGULAR **K2,099**
Ref: 311838

FORTNIGHTLY **K38**

Sale Cash **K799**
AKITA VC5560
21" COLOUR TV
• 100 programme memories • multi system
• Standby power consumption • rear AC sockets
REGULAR **K899**
Ref: 103728

FORTNIGHTLY **K72**

Was Cash **K3,399** Sale Cash **K1,695**
PHILIPS FW-V785
MINI SYSTEMS
• Cassette player • CD player
REGULAR **K1,945**
Ref: 202879

INSTANT CREDIT APPROVAL
CONDITIONS APPLY (SEE NEXT PANEL)

REQUIREMENTS
CONFIRMATION LETTER
• Current Employment Letter
• ID CARD
• Current Employment ID Card etc.
• LATEST PAY SLIP
• Latest fortnight pay slip
• ADDRESS CONFIRMATION
• Latest PRC Power of IDA RANU III
• *2 REFERENCES DETAILS
• Names, Addresses, Phones, etc.



SHOP NOW!



PAPUA NEW GUINEA'S FAVOURITE FURNITURE AND ELECTRICAL SUPERSTORES

COURTS BOROKO Monian Haus, Tabari Ples Tel: 323 6802 • Fax: 323 6803	COURTS GORDONS Spring Garden Road, Gordons Tel: 302 5808 • Fax: 325 4149	COURTS GOROKA Fox Street, Goroka Tel: 732 2033 • Fax: 732 2063	COURTS LAE Milfordhaven Road, Lae Tel: 472 4800 • Fax: 472 4621	COURTS MADANG Beckslea Plaza, Madang Tel: 852 3711 • Fax: 852 3712	COURTS HAGEN Hagen Drive, Mount Hagen Tel: 542 1401 • Fax: 542 3517
---	---	---	--	---	--

JUST SPEND K20 AND YOU BE OUR LUCKY DECEMBER WINNER! DON'T WAIT! SHOP NOW!

Kwin wantaim 52 praim minista na wanpela presiden i bung long Nigeria

London, Ingran:

Qaeda i bai traim long kilim Kwin Elizabeth II long dispela taim.

SEKYURITI i bin pulap stret long taim Kwin bilong Ingran na ol 52 praim minista na presiden i bin kamap long Nigeria long bung bilong ol Commonwealth Heads of Gavman Meeting (CHOGM) las Fraide.

Dispela i mekim na Briten i salim sampela bilong ol sekyuriti foses bilong en wantaim tu ol hap lain bilong pait ol SAS (Spesiel Ea Sevis) i go long helpim ol sekyuriti fos bilong Nigeria long lukautim Kwin na ol narapela lida tu.

I bin i gat sampela wari olsem teroris grup al-

5-pela dai long tait

Marseille, Frans:

Ol strongpela ren i wok long mekim mak bilong dispela wara i go antap moa yet.

OL TAIT wara long saut isten Frans i kilim 5-pela pipel na mekim 15,000 arapela i mas lusim ol haus bilong ol las wik.

Dispela em i namba tu taim insait long tupela yia we kain strongpela ren na win na tait i kamap.

Ol atoriti i wari tu long wanpela rijon long west bilong kantri we i stap klostu long wara Herault.

Long Septemba 2002, Gard rijon bilong Frans i bin bungim wankain hevi.


Japan i lukluk long salim ami i go long Irak

Tokyo:

Amerika na ol poro kantri bilong en olsem Ingran na Australia long dispela yia.

JAPAN dispela wik i wok long lukluk long tok orait long wanpela plen long salim 1000 manmeri bilong ami bilong en i go long helpim long kamapim gen Irak we i bin bagarap long woa egensim

Long Wol Woa II i kamap inap nau, Japan i no bin salim ol manmeri bilong ami bilong en inapim dispela kain namba ovasis long pait o mekim wok.



Woa egensim drag bai go yet

Bangkok, Thailan:

ol dispela drag o stopim ol lain husat i save yusim.

PRAIM Minista bilong Thailan, Thaksin Shinawatra i tok promis las Trinde olsem em bai pait egensim drag yet. Tasol sampela manmeri i pilim olsem dispela woa egensim drag i no mekim wanpela samting rausim ol lain husat i save mekim

Mista Thaksin, husat i tok olsem ol toktok gavman bilong em i bin tok orait long plis long kilim 2000 bilong ol manmeri husat i save salim ol dispela drag i no tru, em i tok olsem gavman i daunim dispela hevi bilong salim na yusim drag.

Indonesia militeri holim Papua lida long kirapim yut grup

Jarkata, Indonesia:

olsem em i laik mekim dispela yut grup i kamap olsem wanpela liklik ami o milisia, long pretim ol pipel husat i laikim Papua i mas kism independens.

OL atoriti long provins bilong Papua long Indonesia i stopim wanpela bikpela lida bilong ol paitman long statim wanpela yut grup.

Guterres em i man husat i bin lidim milisia na kilim planti ol pipel long Is Timor taim ol i bin laik lusim Indonesia na kism independens long 1999.

Ol raits grup bilong Papua i tok olsem ol i wari long tingting bilong Eurico Guterres long statim dispela yut grup bikos ol i bilip

Manila, Filipins:

Holim strong:

Russell Felix i holim pasim wanpela kau na traim long daunim em long wanpela resis bilong holim pasim na daunim ol kau o bulmakau long Central Rizal Park long Manila las Trinde.

Dispela resis we i ron long tupela de i bilong promotim turism long kantri na tu soim ol hap stail bilong ol kauboi bilong Filipins.



Mugabe lukluk long Saina

Zimbabwe:

PRESIDEN bilong Zimbabwe, Robert Mugabe, i tok olsem Australia, Nu Silan na Briten i wok long sanap

egensim kantri bilong en na i tok Zimbabwe i sapotim Saina olsem wanpela wol pawa bikos planti samting nau long sait bilong bisnis, politiks na ol arapela developmen i wok long kamap long hap.



Pait egensim AIDS

Manila:

Wol Helt Ogenaisesen Westen Pasifik Rijon sief, Shigeru Omi (sanap namel wantaim nektai) i sanap long kism poto wantaim tupela man na wanpela meri husat i gat sik AIDS. Mista Omi i tok pasin bilong i no harim tok o giaman i mekim na AIDS i wok long kamap bikpela hariap tru long Asia.

Lukim Happy Isles

Long dispela wik, Wantok i lukluk long narapela kantri long wansolwara we ol i save kolim long "HAPPY ISLES". Em long SOLOMON AILANS. Kantri ya em wanpela gutpela susa bilong PNG na em i stap klostu stret. Na em i wanpela Melanisen kantri we lukluk bilong ol pipel i olsem yumi long PNG, sampela kastam bilong ol na rot bilong wokim samting i klostu olsem bilong PNG. Tupela kantri i serim boda long Bogenvil. Ritim moa na save long wansolwara kantri ya.

We Solomon Ailan i stap:

SOLOMON Ailan i gat ol planti liklik ailan we i gat ol maunten long ol na ol liklik korol ailan ol i kolim ol long atol. Em i stap 900 mail sautis long Bogenvil, PNG na i go olsem long sautwes Pasifik olsem long Korol Si.

Populesen:

I gat samting olsem 300,000 pipel long Solomon Ailan. Ol pipel em ol Melanisen na ol i wankain olsem ol pipel bilong PNG, Fiji, Vanuatu na Nu Kaledonia. Skin kala bilong ol em braun tasol ol lain long Westen Solomon em ol skin i blek olsem ol Bogenvil pipel.

Histri na Gavman:

Solomon Ailans em i wanpela demokretik kantri na em i bihainim Wesminista kain Gavman, olsem PNG. Em i bin kisim independens long yia 1978 long Inglan. Em i no bin bungim wanpela hevi taim em i kisim independens. Aninit long Wesminista gavman sistem, i gat Praim Minista, deputi, Spika na ol palamen memba. Namba wan Praim Minista bilong Solomon Ailan em Sir Peter Kenilorea na nau Praim Minista em Alan Kemakeza.

I gat sikspela provins o konstituensi long Solomon Ailan.

Em long Westen provins we i bikpela moa long ol narapela provins na makim 19 pesen populesen bilong kantri i stap long Westen provins.

Dispela provins i serim bodamak wantaim PNG na i stap klostu tru long Bogenvil. Na ol pipel bilong Westen Provins na Bogenvil i gat planti samting i wankain long pasin kastom, skin kala na moa. Ol pipel

1900.

Gizo em i biktaun bilong Westen provins. Aninit long Westen provins, ol ailan grup i kam aninit long lukaut bilong em em long Soisol, Niu Jolja na Soten Ailan grup.

Ol narapela faivpela em long Santa Isabel provins, Guadalkanal na Sentrel Ailans, Malaia provins na Temotu provins. Kapitela o biktaun bilong Solomon Ailan em Honiara i stap long Guadalkanal Ailan. Ol liklik atol ailan olsem Santa Cruz grup, Lord Howe na Duff Ailan em ol i hap bilong Solomon Ailan tu.

Bipo long ol waitman i bin kam, ol pipel long Solomon Ailan i bin gat kain gavman bilong ol yet we ol tredisenel sief i go pas long en. Maski ol i no bin gat ol lo ol i raitim, ol lida i bin gat ol strongpela lo we ol wan wan wanpisin i bin gat long lukautim na bosim ol wanpisin, hauslain na ol wan wan ailan. Ol tredisenel lida em ol sief, papa-graun, het bilong famili, pater, ol marasin man, ol lida bilong pait na ol kain man olsem. Tasol i no bin gat ol king na kwin gavman sistem.

Tokples:

Inglis em opisel tok ples long skul, wok, treding na wok pren wantaim ol ausait kantri. Solomon Ailan o Melanisen Pisin em tokples we ol asples pipel i save yusim. Em i klostu olsem Tok Pisin bilong yumi long PNG.

Long sait bilong taim, Solomon Ailan i save go pas wanpela awa long PNG. Em i min olsem sapos em i wan kilok long PNG, bai em i tu kilok long Solomon Ailan.

dokta na haus sik long ol taun we i save sevim ol siklain.

Rilijen o lotu:

Bikpela mak tru olsem 95 pesen o klostu olgeta pipel bilong Solomon Ailan em ol i memba bilong ol Kristen Sios. Angliken Sios em i gat bikpela namba, Roman Katolik, Yunaitet na Seven De. I gat nau ol liklik Pentekostel sios i stap tu namel long ol Kristen Sios.

Spots:

Tupela kain spots em yumi ken skelim long Solomon Ailan. Em ol spot olsem soka, ragbi na ol dispela. Soka em kaikai bilong Solomon Ailan we planti yangpela i save pilaim na ol i save kam top



• Gutpela ples bilong daiv.

long sampela ol rijinel kompetisen.

Narapela spot bilong kisim gutpela malolo na amamas long en we Solomon Ailan i gat nem long en em daiving.

Ikonomi:

Long wol stendet, Solomon em i wanpela tet wol kantri na mak long wok mani em i stap daunbilo. Ikonomi bilong em i beis long fising na agrikalsa, moa yet long kopra bisnis. Tasol nau, timba na gol na kopa em ol i kamap olsem bikpela hap we kantri i save wokim mani long em. Westen provins i gat ol bikpela hap bus we ol timba kampani bilong Esia i go insait na ol i wokim loging bisnis long en.

Turisim:


Solomon Ailan em i wanpela naispela na isipela kantri we ol pipel i save stap gut. Planti turis i save raun i go na amamas long lukim ol naispela ples, pasin kastom, daiv long ol naispela hap we Solomon Ailan i gat nem olsem wanpela top daiving ples long Saut Pasifik rijen na wol.

Tasol dispela hevi we stat yet long yia 1999 na i wok long pinis nau i bin kamap namel long ol Malaia na Guadalkanal pipel i bagarapim liklik dispela nem "Paradais Ails" we i save pairap long luksave long Solomon Ailan.

Tasol kantri i save kisim planti turis long Japan, Australia, Briten, Nu Silan, Amerika na Yurop. Sampela long ol naispela ples, samting na tu, i gat histri long en we ol turis i save laik go lukim em long ol hap hap bilong ol sip, balus na ol arapela bagarap bilong Wol Wo 2, Kennedy Ailan we biknem preseden bilong Amerika JFKennedy i bin putim lekmak bilong em taim em i bin stap long Solomon Ailan olsem yangpela soldia long Wol Woa 2. Sampela ol lapun i stap long dispela ailan

Helt:

Malaria em wanpela sik we i save kamap bikpela long kantri. Long sait bilong helt sevis, i gat ol



• Mep bilong Solomon Ailan.

bilong Solomon Ailan, klostu long ples we ol Japan soldia i bin sutim long las yia.

Marovo Lagun o raunwara long Westen provins bilong Solomon Ailan em i gat nem na namba olsem namba wan bikpela raunwara long wol. Ol tingting na plen i go het yet long UNESCO i mekim Marovo lagun olsem Wol Heritij stetus.

Westen provins we i stap klostu stret long Bogenvil i gat sampela ol top daiving hap long wol. Em i gat ol andawara maunten, ol hap hap bilong ol sip, samarin na balus, samarin, volkeno, nambis bilong ol torosel, gem fising, raun i go long ol olupela hul bilong ol bikpela ston i gat het bilong ol man long en na ol olta, ol man i ken mekim bus wokabaut na lukim ol hap hap bagarap bilong Wol Woa 2.

Klaimet:

Klaimet em i klostu wankain long PNG. Em i gat tupela long PNG. Em i taim bilong san na ren. Solomon Ailan i save kisim planti ren long olgeta taim bilong yia. Bikos olsem yumi na em i stap long tropiks, ples i save hot. Mak long averej tpremtre-ja o tuhat em 29 digris C.

Kalsa, Henkraf na Musik:

Ol pipel bilong Solomon Ailan i gat ol tredisenel o asples kalsa we ol i laik lukautim, olsem tasol yumi long PNG. Mambu flut na ben bilong Solomon Ailan em i wanpela long ol asples o tredisenel sing sing na danis we ol turis i save laik lukim long en. Ol i gat ol arapela tumbuna kalsa bilong ol wan wan grup long kantri i narakain we ol turis i go insait long Solomon Ailan i save laik lukim. Bikpela samting em ol pipel i laik lukautim kalsa bilong ol long ol lain i kam bihain. Tru, sampela ol tumbuna pasin kastam i lus taim ol ausait lain na misinari i go insait long ol ailan.

I gat planti henkraf olsem ol basket, ol samting ol i wokim wantaim ol sel bilong solwara na sel bilong torosel, lip bilong kokonas na pandanus, ol kaving, ol nekles na ol bilas bilong han na lek na ol kain samting moa olsem we ol Solomon Ailan pipel i save mekim. Ol nupela pasin bilong ausait i wok long go insait long Solomon Ailan na planti kalsa senis i kamap we planti yangpela pipel i stap na bon long taun i bihainim na ol i lusim tingting ol pasin na kalsa bilong ol tumbuna.

Ol Solomon Ailan pipel em ol lain bilong laikim musik na planti ol yangpela bilong ol i save kamapim ol gutpela ben grup na pairapim ol naispela singsing. Sampela bilong ol grup na singsing bilong ol i save kamap long ol redio na TV long PNG.

Mani:

Karensi o mani bilong Solomon Ailan em Solomon Dola. Long skelim wantaim Dola bilong Australia,


Ol pipel bilong Solomon Ailan i gat narapela kain tumbuna mani we ol i save yusim wantaim karensi o dola mani. em long SELMANI. Long ol ples i stap oongwe long taun, selmani em i bikpela samting. Ol pipel i save yusim selmani long baim na senisim ol kaikai na oo arapela samting long em, yusim olsem peimen long brait prais, long taim bilong wokim ol bikpela kaikai long marit na dai bilong man, long wokim bel isi pasin na ol arapela bikpela samting moa. Malaia em asples bilong selmani. Long bipo taim bilong tumbuna yet, o pipel long Bogenvil i save senisim (barter sistem) ol kaikai samting long selmani wantaim ol Malaia pipel na yusim selmani olsem mani bilong ol. Nau yet long Bogenvil, selmani i gat bikpela velu na ol i save yusim wantaim PNG Kina long baim meri long en, wokim bikpela kaika, olsem peimen long taim bilong marit, dai na long taim bilong wokim sekan na bel isi pasin.

Si na Bogenvil na PNG:

Bikos Solomon Ailan em i neiba bilong PNG, tupela kantri i gat gutpela wok pren. Long Solomon Ailan i gat Hai Komisina bilong em na em i beis long GB Haus long Waigani, Poreporena Friwe, klostu long tanel long Stop N Shop. Nem bilong Hai Komisina em Philip Kapi. PNG na Solomon Ailan em ol gutpela tred patna na ol i stap insait long Melanisen Spiahet grup wantaim Fiji, Vanuatu na Nu Kaledonia i stap olsem olseba bikos em i no kisim independens yet long Frans.


Bogenvil i stap klostu stret long Solomon Ailan. Moa yet, Westen provins. Long taim bilong Bogenvil trabel, hevi i bin kapsait i go long Westen provins. Ol Bogenvil paitman i save i go na i kam namel long solwara bilong tupela kantri. Na long dispela taim, tok kros na belhat i bin save kamap namel long gavman bilong PNG na Solomon Ailan bikos ol tokstut i bin go long Solomon Ailan gavman olsem em i helpim ol Bogenvil paitman. Tasol bihain, ol bin stretim ol toktok na ol i kamap ol gutpela poroman gen. Tru, bikos PNG i bin putim ikononik tambu long Bogenvil long taim bilong hevi na ol pipel i kisim taim tru, ol Bogenvil pipel i bin save go olsem long Solomon Ailan bilong kisim helpim long sait bilong marasin, klos na ol sampela ol stoa kaikai na samting we ol pipel i laikim long helpim kamapim gut laip na sindaun bilong ol.

Tasol tru tru, Solomon Ailan i bin kisim hevi tru long Bogenvil hevi na sampela pipel long Sotlens, Gizo na Guadalkanal i bin dai. Ol bin lusim planti samting bilong ol taim ol PNG ami husat i ronim ol BRA i kamapim bagarap long ol ples na propeti bilong ol. Tasol PNG gavman i bin baim kompensens mani pinis long ol dispela bagarap na kamapim bel isi pasin long ol hevi na dai we ol Solomon Ailan pipel i bin bungim long en aninit long Bogenvil hevi. Nau gutpela pren i stap namel long Bogenvil, PNG na Solomon Ailan.



• Ol basket ol i wokim long pandanas lip. Raithan: Selmani nekles ol i mekim wantaim liklik bilas ol i mekim wantaim klam sel na ol sit bilong diwai.

bilong tupela sait em ol i save marit i go i kam. Bogenvil i bikpela ailan long dispela ailan sen grup long Westen provins. Bipo Bogenvil i bin hap bilong dispela ailan grup tasol ol koloniel masta olsem Jemeni na Australia i bin mekim na putim Bogenvil aninit long lukaut bilong PNG long leit 1800 na stat bilong



Helt:

Malaria em wanpela sik we i save kamap bikpela long kantri. Long sait bilong helt sevis, i gat ol

Vanessa Quai - Angelo bilong gospel musik

SAPOS yu harim pinis musik bilong em, bai yu ken tok olsem em i wanpela tru angelo bilong gospel musik.

Yumi harim pinis musik bilong em/ na mipela save long ol gospel musik video bilong em i save kamap long 'Praise' long EMTV olgeta Mande nait, na nau bai em i kam pilai long Pot Mosbi.

Dispela meri em Vanessa Quai, wanpela meri Vanuatu husat i save apim nem bilong bikman long musik bilong em, na singsing long ol samting olsem pis o gutpela sindaun na fridom.

Vanessa em i bilong Vanuatu. Nau yet em i gat 15 krismas na em i mekim gret 9 bilong em long Port Vila.

Tasol dispela yangpela gret 9 sekenderi skul meri i mekim pinis nem bilong em long sait bilong musik long Vanuatu na long ol arapela hap long wol tu.

Em i bin katim namba wan musik albam bilong em taim em i bin gat 10-pela krismas tasol. Dispela namba wan albam bilong em i bin wanpela albam we em i mekim bilong luksave na tok sori long ol manmeri bilong Aitape husat i bin painim bikipela bagarap taim bikipela solwara o sunami i bin bagarapim ol long 1998.

Em i bin kolim dispela albam, 'To Aitape With Love'.

Vanessa i bin kisim bikipela luksave long sait bilong musik long ol arapela kantri.

Long 1999, em i bin kisim namba tri posisen long wanpela bikipela musik resis long Gold Coast long Australia. Dispela resis em South Pacific International Song Contest. Em i winim namba tri posisen long 3000 musik manmeri i bin sanap long dispela resis.

Bihain long dispela resis, Vanessa i bin winim namba wan posisen long wanpela musik resis bilong ol yangpela musik atis long wol. Long dispela resis, i bin gat 5000 yangpela pikinini i bin resis. Dispela International Children's Music Festival i bin kamap long Cairo, Egypt.

Long yia 2000 taim em i amamasim namba 12 krismas bilong em, Vanessa i katim namba tu albam bilong em, we em i kolim 'Beautiful Pacific Islands'.

Dispela albam bilong em i katim lewa bilong planti manmeri long olgeta hap bilong Pasifik.

Ol singsing bilong dispela albam i bin kamap long ol redio stesin long Samoa, Fiji, Nu Kaledonia, Solomon Ailans, Tahiti na Papua Niugini tu.

Vanessa i kisim pinis bikipela luksave insait long Pasifik na long wol tu.

Las yia, Vanessa i bin amamasim namba 14 bon dei bilong em taim em i katim namba 3 albam bilong em, 'The Untouched Paradise'. Long dispela albam, singsing bilong em 'Freedom' i wok



• Vanessa Quai bai singsing wantaim ben bilong em na bai ol i kisim bekap long wanpela arapela yangpela gospel musik grup bilong PNG yet, Soul Harmony.

Fraide, Desemba 12 - Krismas Pati Hideaway Hotel
K50 long wan wan manmeri
7 kilok i go inap long 9 kilok long nait.

Sarere, Desemba 13 - Sir John Guise Stadium, Indoor Complex
K20 long wan wan manmeri, Ol pikinini krismas bilong ol 12 na aninit bai peim K10 tasol. 5 kilok - 7 kilok long nait.

Sande, Desemba 14 - Sir John Guise Stadium, Indoor Complex
Praise and Worship
K20 long wan wan manmeri, Ol pikinini krismas bilong ol 12 na aninit bai peim K10 tasol. 3 kilok - 5 kilok long apinun.

Sapos yu laik baim ol tiket, ringim 320 2890/687 6206.

Long Sarere em bai pilai long wanpela pablik konset long Sir John Guise Stadium.

Sapos yu no save laik harim gospel musik, go tasol na harim musik bilong Vanessa Quai.

Taim yu harim em i singsing, bai yu save olsem bikman i gat plen bilong mipela olgeta. Nau yet, Vanessa i wok long yusim naispela nek bilong em long apim nem bilong bikman.

long sutim lewa na seksekim lek bilong planti manmeri insait long PNG na long Pasifik i stap. Dispela singsing tasol i stap long wanpela musik CD we ol lain i go pas long Saut Pasifik Gems long Suva, Fiji i bin askim long en, bihain long em i pulim lewa bilong planti manmeri.

Taim em i katim dispela albam bilong em long las yia, em i bin go sanap long wanpela arapela resis bilong ol yangpela musik manmeri long Romania.

Long dispela resis, Golden Star International Children's Music Festival, Vanessa i winim namba tu prais na luksave.

Nau dispela liklik meri wantaim naispela nek bilong em bai kam singsing long PNG.

Na wanem kain musik bai em i kam pilaim? Sapos yu harim pinis musik bilong Vanessa, bai yu luksave long kain stail bilong Pasifik musik i go miks wantaim reggae, na ol arapela intanesenel stail bilong pilai musik.

Planti manmeri i wok long tok olsem musik bilong Vanessa i olsem wanpela arapela gospel musik grup bilong Afrika, husat i stap long Paris long France. Nem bilong dispela gospel grup em Makoma.

Tude, musik bilong Makoma i wok long pulim iau bilong planti manmeri insait long PNG. Planti manmeri husat i no save harim gospel musik tumas i tok olsem musik bilong Makoma i save tanim

bel bilong ol bikos em i gutpela tru long harim.

Vanessa i tokaut pinis olsem em i save laikim stret musik bilong Makoma, na sapos yu tingting long go harim dispela yangpela meri i singsing, go tasol na harim em pilai i stat long dispela Fraide, Sarere na Sande.

Long Fraide Vanessa bai pilai long Hideaway Hotel.

NATIONAL WEEKLY HIT PARADE

Desemba 13, 2003
Sponsa: Twisties

Song	Artist	Last Week	This Week
Christina	Crew 5	1	1
Nama Vavine	Martin Rawali	2	2
Never Let You Go	Straky	10	3
Hagen Meri	Spectators	6	4
Yapma	Bosi Souls	3	5
Miya	Sharzy&Barnzie	4	6
Gutsomi	Niu Age Band	7	7
Angie Lewa	Manny	9	8
PNG Ples Blong Yumi	Alison & Giro	5	9
Miok Medley	Mark Sowni	12	10
Sori Tumas	Paeva	8	11
Seien No Staka	Third World Crew11		12
E Tamage	Niu Age Band	13	13
A Kini	Patti Potts Doi	14	14
A Vaira	Patti Potts Doi	15	15
Only You	Sharzy & Barnzie	16	16
Cellian	Blue Mates	17	17
Black Out	Leonard Kania	0	18
JB Borondi	Jimm Blue Mt.	0	19
Ketz Mulai	X-Anats	0	20

The Weekly Hit Parade is provided by PNG FM.



EM TV

Fonde 11/12/2003

- 5.30 JOYCE MEYER MINISTRY
- 6.00 TODAY SHOW
- 9.00 CREFFLO DOLLAR
- 9.30 EMTV CLASSIFIEDS
- 2.30 SESAME STREET
- 3.30 FLINTSTONES
- 4.00 BUSH BEAT
- 4.30 PICK YOUR FACE
- 4.47 EMTV TOKSAVE
- 5.00 BURGO'S CATCH PHRASE
- 5.29 EMTV NEWS BREAK
- 5.30 THE PRICE IS RIGHT
- 6.00 EMTV NEWS
- 6.30 A CURRENT AFFAIR
- 6.59 NEWS UPDATE TOK PISIN
- 7.00 LOTTO DRAW
- 7.01 CHM SUPERSOUND
- 8.00 SURVIVOR
- 8.57 EMTV TOKSAVE
- 9.00 ER
- 10.00 NIGHTLINE
- 10.30 THIRD WATCH
- 11.30 THE KING OF QUEENS
- 12.00 EMTV NEWS REPLAY
- 12.30 EMTV CLASSIFIEDS

- 10.25 CHIT CHAT with Paulias Matane
- 10.30 NEWS REPLAY
- 11.00 CHURCHES MAGAZINE
- 11.30 PRAISE
- 12.30 EMTV CLASSIFIEDS

Mande 15/12/2003

- 5.30 JOYCE MEYER MINISTRY
- 6.00 TODAY SHOW
- 9.00 MALOLO CLUB "Starts"
- 11.00 2nd TEST CRICKET - Australia vs India
- 12.30 THE CRICKET SHOW
- 1.00 2nd TEST CRICKET - Australia vs India
- 5.30 PICK YOUR FACE
- 6.00 NATIONAL EMTV NEWS
- 6.30 A CURRENT AFFAIR
- 6.59 NEWS UPDATE
- 7.00 LOTTO DRAW
- 7.01 PRAISE
- 8.00 LOVES ME LOVES ME NOT
- 8.30 SOUL CITY
- 9.27 EMTV TOKSAVE
- 9.30 WHO WANTS TO BE A MILLIONAIRE
- 10.30 RPA "FINAL"
- 11.00 NIGHTLINE
- 11.30 CHM SUPER SOUND
- 12.30 EMTV NEWS REPLAY
- 1.00 EMTV CLASSIFIED

Fraide 12/12/2003

- 5.30 JOYCE MEYER MINISTRY
- 6.00 TODAY SHOW
- 9.00 CREFFLO DOLLAR
- 9.30 THE EDGE: Escape From The Deep
- 10.00 2nd TEST CRICKET - Australia vs India Day 1
- 12.00 THE CRICKET SHOW
- 12.30 2nd TEST CRICKET - Australia vs India
- 5.30 PICK YOUR FACE
- 6.00 NATIONAL EMTV NEWS
- 6.30 A CURRENT AFFAIR
- 6.59 NEWS UPDATE IN TOK PISIN
- 7.00 LOTTO DRAW
- 7.01 DIY RESCUE
- 8.00 TOK PIKSA
- 8.30 FRIDAY NIGHT MOVIE: WILLY WONKA & THE CHOCOLATE FACTORY: A poor boy wins the opportunity to tour the most eccentric and wonderful candy factory of all. Stars: Gene Wilder, Jack Albertson, Peter Ostrum.
- 10.27 EMTV TOKSAVE
- 10.30 NIGHTLINE
- 11.00 BURKE'S BACKYARD
- 11.30 EMTV NEWS REPLAY
- 12.30 EMTV CLASSIFIEDS

Tunde 16/12/2003

- 5.30 JOYCE MEYER MINISTRY
- 6.00 TODAY SHOW
- 9.00 MALOLO CLUB
- 10.30 2nd TEST CRICKET - Australia vs India
- 12.30 THE CRICKET SHOW
- 1.00 2nd TEST CRICKET - Australia vs India
- 5.30 PICK YOUR FACE
- 6.00 NATIONAL EMTV NEWS
- 6.30 A CURRENT AFFAIR
- 6.58 NEWS UPDATE
- 6.59 LOTTO DRAW
- 7.00 HAUS & HOME
- 8.00 REPORT
- 8.27 EMTV TOKSAVE
- 8.30 MCLEOD'S DAUGHTERS
- 9.30 STINGERS
- 10.30 NIGHTLINE
- 11.00 BABYLON 5
- 12.00 EMTV NEWS REPLAY
- 12.30 EMTV CLASSIFIEDS

Sarere 13/12/2003

- 8.00 PLANET FANTA
- 9.30 PINKY & THE BRAIN
- 10.00 2nd TEST CRICKET - Australia vs India
- 12.30 FISHING NORTH AUSTRALIA
- 1.00 2nd TEST CRICKET - Australia vs India
- 5.30 ESCAPE WITH ET
- 6.00 NATIONAL EMTV NEWS
- 6.30 NCDC NEWS
- 7.00 AUSTRALIA'S FUNNIEST HOME VIDEO SHOW
- 7.30 BARK OFF
- An exciting new reality show searching for Australia's most popular dog. Hosted by Livia Nixon with comedian Russell Gilbert.
- 8.00 SOUTH PACIFIC MUSIC
- 9.00 XENA WARRIOR PRINCESS
- 10.00 HERCULES
- 11.00 BACKYARD BLITZ
- 11.30 CHANGING ROOMS
- 12.00 EMTV NEWS REPLAY
- 12.30 EMTV CLASSIFIED

Trinde 17/12/2003

- 5.30 JOYCE MEYER MINISTRY
- 6.00 TODAY SHOW
- 9.00 MALOLO CLUB
- 11.00 CREFFLO DOLLAR
- 11.30 "EMTV CLASSIFIEDS"
- 2.29 STATION RE-OPENS
- 2.30 SESAME STREET
- 3.30 FLINTSTONES
- 4.00 WONDER WORLD
- 4.30 PICK YOUR FACE
- 4.47 EMTV TOKSAVE
- 5.00 BURGO'S CATCH PHRASE
- 5.30 THE PRICE IS RIGHT
- 6.00 NATIONAL EMTV NEWS
- 6.30 A CURRENT AFFAIR
- 6.59 TOK PISIN NEWS UPDATE
- 7.00 LOTTO DRAW
- 7.01 WORLD OF WILDLIFE
- 7.30 THE BLOCK
- 8.27 EMTV TOKSAVE
- 8.30 WEDNESDAY NIGHT MOVIE: THE CHAMP Billy Flynn, an ex boxing champion, is now horse trainer in Hialeah. He makes just enough money to raise his little boy T.J. over which he got custody of after his wife Annie left him seven years ago. T.J. worships The Champ who is now nowing on his come back in order to give his boy a better future. But suddenly Annie shows up again ... Stars: John Voight, Faye Dunaway, Rick Schroder.
- 10.30 NIGHTLINE
- 11.00 SOUTH PACIFIC MUSIC
- 11.30 NEWS REPLAY
- 12.30 EMTV CLASSIFIEDS

Sande 14/12/2003

- 6.22 CHIT CHAT with Sir Paulias Matane
- 6.27 EMTV TOKSAVE
- 6.30 TIM HALL MINISTRY
- 7.00 THE TEACHING MINISTRY
- 7.30 IT IS WRITTEN
- 8.00 EMTV XTREME SPORT
- 9.30 SPEED MACHINE: WORLD SERIES SPRINTERS
- 10.00 2nd TEST CRICKET - Australia vs India
- 12.30 THE CRICKET SHOW
- 1.00 2nd TEST CRICKET - Australia vs India
- 5.30 THE WORLD'S STRONGEST MAN
- 6.00 NATIONAL EMTV NEWS
- 6.30 SEVENTH HEAVEN "New Series"
- 7.30 PREMIERE: SURVIVOR SPECIAL
- 8.27 EMTV TOKSAVE
- 8.30 SUNDAY NIGHT MOVIE: ATTACK OF THE SOFT WOMAN While a

Tok pilai wantaim Kanage olgeta wik



Kanage wantaim poro bilong em tupela i lukim wanpela mango diwai i gat planti mango mau i stap. Na tupela tingting long kam kisim long nait. Okei nait nau tupela ikam kisim mango istap na papa bilong mango i harim nois antap long mango diwai.

Na em i singaut, husat i stap antap mi kam nau. Kanage em stap antap long het bilong diwai na poro bilong em i stap klostu long graun. Na taim poro bilong Kanage i harim singaut em igo pinis na Kanage i laik kam daun hariap.

Na em ino holim gut ol diwai na em pundaun igo daun na em i hangamap long diwai. Em ino ting olsem em istap klostu long graun bikos nait olsem na em ino lukim. Em istap igo na tulait ikam na em i lukim olsem em i stap klostu long graun na em i wik na pundaun.

**James Yara
Pot Mosbi, NCD**

Kanage em bilong Gihamu long Westen Hailens provins. Em i man bilong planim planti karuka. Wanpela taim karuka bilong Kanage em i redi na em igo katim na mumuim na karim igo long maket na salim istap.

Karuka bilong Kanage ino tan gut, na i blak na ol manmeri ino baim hariap. Na Kanage em makim prais bilong karuka igo antap na ol manmeri ino baim.

Ol manmeri i kam na askim Kanage long prais long karuka na Kanage i tok, K1, K2 na K3. Em i tok olsem na ol ino baim hariap na Kanage istap igo apinun na em i belhat na stap.

Wanpela man nambis i kam na askim Kanage long amas long ol karuka na

Kanage kirap na bikmaus wantaim na singaut na tok, Bara yu tok hamas na mi tok amas? Man nambis inogat tok, lap i bagarapim em na em igo na ol manmeri ol tu ino baim karuka bilong Kanage na em i karim go long haus na em yet i pinisim.

**Dickson M
Mt Hagen, WHP**

Kanage em i bilong Nipa long Sauten Hailens provins. Wanpela taim em i kam long Hagen na em igo wok long plantesen bilong Paul Pora.

Na long fotnait em i kisim K16. Long apinun Kanage i karim K16 igo long/Dobel maket na em i baim longpela mutrus na em i laitim na pulim smok na igo long haus bilong em. Na long rot tupela raskol i kam na pulim bilum bilong Kanage na tupela i karim igo pinis.

Na bihain wanpela polis kar i kam na Kanage i stopim polis kar na stori long ol polis olsem. "Mi wok rong plansesin bilong Pol Pora, na em i kipim siktin kina rong mi, na mi karem igo rong Dobid makes 20t mi paim wanpela rongpela mutrus.

K15.80 mi karem ko rong haus. Rong rot tupela raskots i kam, na pulim bilum bilong mi. Na mi tok bilum bilong yu o bilum bilong mi.

Wanpela i kam em pondaun tupela kam mi pondaun nating na tupela kisim bilum bilong mi na ko pinits."

Ol polis i harim tok pisin bilong Kanage na ol inogat tok, lap i bagarapim ol na ol i lusim Kanage na ol i kalap long kar na go pinis.

**Dickson M
Mt Hagen, WHP**

Kanage em man Faiwol. Wanpela taim em igo antap long kolples na lukim poro bilong em long givim sampela taro long en na kambek long ples bilong em.

So taim Kanage i wokabout long rot yet, meri bilong poro bilong em i kukim wanpela bikpela kol taro na wokim bikpela paia na sindaun istap.

Na yu save pinis, ren pundaun tu na Kanage i kisim bikpela kol stret. Taim em kamap long haus, em go insait stret na meri bilong poro bilong em tokim Kanage long sindaun klostu long paia na draim skin bilong em.

Taim em sindaun na draim skin istap, bara traipela kol taro ya buruk insait long paia na go insait stret long buruk buruk selkambang bilong Kanage na Kanage i kalap go antap na kamdaun na pulim sel kambang na tromoi igo long pes bilong meri bilong poro bilong em.

Na Kanage i ran igo stret long ples bilong em na ol mangi askim em olsem wanem na Kanage bekim tok olsem, "yupela save pinis taro bilong kol ples i kamautim kaiu bilong mi ya". Ol mangi i lap igo igo na klostu tu ol hangre wantaim.

**Mathias Benedict
Tabubil, Westen provins**

Misis Kanage em bilong Is Sepik na em i kam stap long Madang. Em i save wok olsem wanpela haus gel bilong ol Shaina. Misis Kanage em save werim tongs tasol.

Na taim em pinis long wok na kambek long haus, em save lusim tongs autsait long graun o step na go insait long haus.

Wanpela fotnait bilong em nau na em tok long go raun long taun. Em waswas pinis na em go wetim DCA bas.

Na bas kam na misis Kanage stop bas. Bos kru opim dua bilong bas na misis Kanage lusim tongs autsait na go insait long bas. Mrs Kanage ting em haus bilong em na em lusim tongs autsait. Bas go stop long taun na Mrs Kanage flai go aut long bas na i traime long werim tongs.

Tasol tongs i no stap. Mrs Kanage painim tongs nogat na em askim bos kru na itok, I don't know, where do you put you tongs? I

put it here and jump into the bus, ho ho ho, you must left it in the place where you catch the bus.

Sorry misis Kanage no tongs for you. Somebody must got your tongs now. Sorry its too late. Kanage baim nupela tongs.

**Amos Pando
Madang**

Kanage em bilong Bogevil na em i gat wanpela dok meri nem bilong em Susie we em save lukautim gut tru long ol dok man.

Taim dok man i save kam klostu, Kanage i save kilim ol wansait stret na ronim ol i go.

Em putim bikpela tambu stret long ol dok man ino ken kam klostu long haus bilong tupela misis bilong em.

Na taim Kanage i save laik go huk long kanu, em i save kisim dok meri Susie na rabim petrol long bodi pats bilong dok na em bai go huk. Taim ol dok man i save kam na smelim petrol long Susie ol save ronowe.

Dispela pasin em Kanage i save mekim olgeta taim na Susie em kamap bikpela dok stret na inogat pikinini. Wanpela taim nau Kanage i hariap long go huk na em lus tingting long wokim dispela nomol wok bilong em.

Em huk pinis na kambek long haus em i no lukim Susie long haus. Em painim nogat na em askim misis bilong em. Misis kirap na bekim olsem, "rong bilong yu yet na narapela trak i kam na pulim Susie igo".

Kanage i paul olgeta na em ron i go long rot na em kirap nogut long lukim Susie na poro bilong em long rot.

Kanage i kisim traipela hap palang na dok man ya i kisim bikpela pen stret.

Pinis Kanage i sindaun long sait bilong rot na wetim Susie i pinis wok na em kisim Susie igo bek long haus bilong em.

**Tara Pika
Arawa, Bogenvil Ailan**

Kanage



Mi raun tasol!
Yu save, Kain bilong em!!

NOKEN LUS TINGTING!
SALIM OL PANI STORI I KAM LONG KANAGE.
EM STORI PES BILONG YUMI OLGETA YAH!!!





Nem: Priscilla Handale
 Krismas: 16 (meri)
 Adres: Tabubil Primary School, PO Box 153, Tabubil, Western Province
 Save laikim: Pilai basketbol, voli-bol, tok pilai na stori wantaim ol pren.

Nem: Azagsiyure George Atanga
 Krismas: 20 (man)
 Adres: Christ Liberty Church, PO Box 137, Prestea-Ghana, West Africa

Save laikim: Lukim TV, raun long wol, senisim presen, raitim poems, oral arts, pilai futbol na sampela moa.

Nem: John Kwesi Panyin
 Krismas: 19 (man)
 Adres: St Augustine's College, PO Box 98, Cape Coast, Ghana, West Africa

Save laikim: Lukim TV, pilai futbol na raitim ol pas.

Nem: Remhard Gyim
 Krismas: 19 (man)
 Adres: Adisadel College, PO Box 83, Cape Coast, Ghana, West Africa
 Save laikim: Ridim Baibel, pilai futbol na raitim pas igo ikam.

Nem: Jack Silai
 Krismas: 30 (man)
 Adres: CI - Ambarina Primary School, PO Box 1224, North Coast Road, Madang

Save laikim: Ridim Baibel, prea, harim gospel musik, serim tok bilong God wantaim ol pren, waswas long wara, na mekim pren wantaim wanpela meri igat wankain laik olsem mi.

Nem: Markus Keseng
 Krismas: 31 (man)
 Adres: Romaken Village, CI - Kayoma Primary School, PO Box 51, Bogia Distrik, Madang

Save laikim: Wok long gaden, harim PNG musik, go lotu, serim tingting wantaim na painim wanpela gutpela pren long bihain taim. Bai mi bekim pas bilong yupela olgeta.

Nem: Joycelyn Maniura (16), Starzie Starkutz (17) & Albina Konangu (15)

Adres: Mercy High School, PO Box 580, Wewak, East Sepik Province

Save laikim: Harim musik, ridim buks, wokim bilum na kukim kaikai.

Nem: Rumat Ka'a
 Krismas: 17 (man)

Adres: Agarabi Primary School, PO Box 169, Kainantu, Eastern Highlands Province

Save laikim: Harim musik na pilai ragbi.

Watpo dok i no save toktok



LONG taim bipo tru ol dok i save toktok. Na nau taim, nogat. Bilong wanem ol i no save toktok? Wanem as bilong tok? Ok stori igo olsem.

Long bipo tru o man na meri i mekim rong o stilim samting bilong narapela man, oloman, nogat man i save husat i bin stilim samting. Tasol i gat wanpela man i slip i lukluk istap.

Nem bilong em Dok. Long tokples bilong mi em Koluwi. Em dok yet i save tokaut long olgeta liklik samting ol man i mekim bipo.

Long wanpela de wanpela man i bin mekim trabel long wanpela meri. Tasol papamama bilong dispela meri i no save husat i bin mekim.

Tasol dok wanpela i lukim pinis na em i tokaut. Na dispela man i bel hat nogut tru na em i tok, "Tru, a? Ol dok i lukim samting na tokaut olgeta taim?"

Orait, em i go long bus na em kisim tret bilong kanda i kam long ples. Na em i kisim ol dok na samapim maus bilong ol. Na trangu ol

dok i no inap toktok moa. Olsem na yu save lukim ol dok i gat ol longpela gras long maus bilong ol. Olsem tu na olgeta dok i no save toktok.

Em tasol.

John Wisit
 Torembi No.1
 Is Sepik Provins

Mi wari long tupela lapun papamama bilong mi

Dia Laiplain,
Tupela papamama bilong mi i lapun tru na ol i nogat strong moa long wok long gaden, planim ol kaikai, brukim paiawut o kisim kopi na salim. Tasol i nogat man i stap long helpim ol.

Mi na ol arapela brata bilong mi i lusim ples na mipela i save wok long ol arapela provins. Ol susa i marit na ol i bisi lukautim ol famili na ol man bilong ol. Ol i no save lukluk moa long tupela lapun papamama.

Mi wok sikspela krismas pinis na nau mi laik trense i go bek long ples na lukautim tupela lapun papamama bilong mi. Tasol bos bilong mi i no luksave long askim bilong mi.

Maski hamas taim mi raitim pas na pulumapim aplikesen long dispela samting, em i no wokim wanpela samting tasol em i tromoim ol pas samting we mi raitim long kisim tok orait long en.

Mi no amamas long dispela kain pasin tasol mi no laik risain. Long wankain taim tu, mi pilim strong olsem em i wok bilong mi long lukautim tupela lapun papamama ya.

Loyal Son

Dia Pren,

Wari yu gat long tupela papamama bilong yu i soim olsem yu wanpela gutpela pikinini



man husat i lavim tupela lapun bilong em. Bipo yu lukluk long rot we yu ken helpim tupela lapun long en, mipela i askim yu sapos i gat sampela samting we ol arapela famili memba tu i ken wokim long helpim long dispela situesen. Inap wanpela long ol arapela brata i kisim trense na wok klostu long ples we tupela lapun i stap long en na lukautim ol?

Namba tu em sampela susa bilong yu we i marit pinis i save stap klostu long tupela lapun ya? Inap yu askim ol sapos ol i ken kisim sampela kaikai i go long tupela lapun long sampela taim?

Na ol arapela hauslain bilong yu olsem ol ankel, ol kandre?

Inap yu toktok wantaim ol na askim ol tu long helpim tupela lapun ya. I gutpela sapos yu helpim ol wantaim liklik mani insait long wanpela mun long wokim dispela wok.

Yu mas kisim hatpela taim long stap longwe long tupela lapun husat yu laik helpim tumas tasol wok bilong yu i pasim yu long mekim dispela. Sapos yu trense, yu ken helpim tupela gut.

Yu wok long kampani long sikspela krismas na mipela i ting olsem em bai isi long yu long kisim trense. Tasol noken givap. Sapos bos i no givim gutpela ansa long askim bilong yu, orait go long narapela man husat i stap antap long bos.

Long wankain taim, inap yu salim mani i go long tupela lapun long helpim ol? Sapos yu singel man i moabeta long sevim sampela potnait pe long wan wan mun na salim sekmani o postel oda i go long papa bilong yu.

Tupela lapun i ken yusim dispela mani long baim rais na tinpis long stua na tu kaukau long ol ples lain. Dispela bai helpim ol na ol i no inap tingting long wok hat long gaden na ol arapela samting. Na tu yu no inap long wari tumas long ol.

Laiplain.

Salim ol hevi na wari bilong yu i kam long LAIPLAIN, P.O. Box 6047, Boroko, NCD. Yu ken ringim mipela tu long telepon namba 320011. Mipela i no inap autim nem bilong yu long pepa.

Gavana tok strong bilong Kina i wok long go strong

Yakam Kelo i raitim

GAVANA bilong Sentrel Benk Wilson Kamit i tokaut olsem strong bilong mani (Kina) insait long Papua Niugini i wok long kamap gut nau. Tasol bikpela samting nau em mipela i noken mekim nabaut wantaim dispela.

Mista Kamit i tok long Sentrel Benk nau i gat samting olsem \$US 485 milien dola nau long risev bilong kantri. Tasol kantri i mas mekim ol samting stret na long gupela rot.

Mista Kamit i mekim dispela toktok taim ol Gavana bilong ol Pasifik kantri i bin kam bung long tupela de bung bilong ol long Mosbi long las wik. Insait long dispela bung ol Gavana bilong wanwan Pasifik kantri i tokaut long ol wok ol i ken mekim wantaim insait long rijon long strongim na sapotim wok na ron bilong mani insait long kantri wan-

taim tu ol arapela nupela progrem ol i laik kamapim.

Long Papua Niugini em Sentrel Benk i laik kisim ol wok bilong insurens i kam aninit long lukaut o lo bilong em.

Mista Kamit i tok insurens em wanpela bikpela samting we planti praivet insurens kampani yet i save go pas long en na i gat ol kainkain lo na banis bilong ol yet. Olsem na Sentrel Benk i laik go pas long dispela long lukautim na banisim interes bilong ol pipel bilong PNG insait long wanem kain insurens invesmen o seavings bilong ol. Dispela i min olsem bai Sentrel Benk i stretim ol lo bilong em long lukautim mani na surukim i go tu long banisim wok bilong insurens insait long kantri.

Long nau yet Sentrel Benk i save lukautim mani na tu was long ol arapela bisnis benk long wok aninit long lo bilong em.

Bogia pipel salim kopra igo long ovasis

Patrick Matbob i raitim

BOGIA Groas na Produsas Koporetiv Sosaiti i mekim pinis wanpela bikpela kopra eksport i go long Yurop.

Bogia Koporetiv Sosaiti em i fes koporetiv sosaiti insait long PNG na i bin eksportim 400 tan kopra long Novemba 28. Dispela em i fes taim tu bilong Bogia Koporetiv long kamapim bikpela eksport olsem.

Dispela eksport i bringim klostu K260,000 i go long ol papa bilong kopra insait long Bogia, Not Kos, Raikos na ol hap bilong Finsafen.

Bogia Koporetiv i bin stat eksport long Jenueri long dispela yia wantaim 50 tan kopra. Dispela kopra em Koporetiv i bin baim wantaim K15,000 membasip fi em i bin kisim long ol wan tausen memba bilong en.

Bogia Koporetiv nau i rejisterim pinis tupela nupela koporetiv sosaiti. Dispela ol nupela sosaiti em Bogia holsel na Ritailas Koporetiv na Bogia Marin Havestas Koporetiv.

Wok bilong Bogia holsel na ritailas em long baim na salim ol kago bilong stoa, na Bogia Marin Havestas bai i baim ol fis na abus bilong solwara na salim.

I gat narapela Sosaiti tu em bai ol i rejisterim liklik taim na ol i kolim Bogia Rurel Fainens Koporetiv. Wok bilong dispela sosaiti em long givim dinau mani i go long ol memba bilong ol tripela koporetiv long ol i ken statim ol bisnis bilong ol.

Man husat i go pas long kirapim ol dispela koporetiv Pita Muriki i tok ol i wok long kisim tren-ning nau long we bilong ranim Bogia Rurel Fainens Koporetiv.

Dispela ol koporetiv bai i helpim ol pipel long Bogia distrik long wok na helpim ol yet na i no sidaun nating na wari i stap, i Mista Muriki i tok.

Em i tok taim ol i bin opim namba tu depo bilong ol long Madang, ol i kisim strongpela sapot tru i kam long ol growas long Bogia, Not Kos, Madang, Raikos na ol hap bilong Finsafen.

Em i tok dispela i soim olsem ol i bihainim tru polisi long gavman long kirapim ikonomi bilong kantri long eksport na givim moni i go long ol pipel i stap long ples.

Em i tok long taim ol i bin kirapim sosaiti i kam inap nau, ol i no bin kisim wanpela sapot i kam long provinsel o nesanel gavman.

Nau yet sosaiti i wok long peim bikpela mani long rentim haus bilong putim ol kopra na long trenspot, na long kos bilong eksportim o salim ol kopra bilong ol.

Madang pipel laikim Madang Kopra Mil

Patrick Matbob i raitim

OL koporetiv sosaiti insait long Madang i bin statim pinis wanpela asosiesen long helpim ol long kamap papa tu long Madang Kopra Mil.

Dispela asosiesen em ol i kolim Madang Koporetiv Asosiesen. Ol lain husat i kamapim dispela asosiesen em Bogia Growas na produsas Koporetiv, Wangil Koporetiv long Not Kos na Raikos Koporetiv. Karkar na Amele tu bai i stap insait long Asosiesen.

Ol deleget bilong ol dispela koporetiv i bin bung long Madang long Novemba 29 long toktok long Madang Mil.

Man i go pas long kamapim ol dispela asosiesen Pita Muriki i tok ol i askim Kopra Industri Koporesen na man i go pas long salim Madang Mil Rex Paki bilong RAM Bisnis Konsalten long noken salim dispela mil yet.

Mista Muriki i tok KIK na husat kampani i laik baim Mil i mas toktok pastaim wantaim ol growa na givim ol hap sea insait long dispela mil.

Mista Muriki i tok ol lain i laik salim mil i no bin toktok wantaim ol growa olsem ol i promis long mekim bipo.

Em i tok ol i bin tok olsem ol bai wet inap olgeta sosaiti i redi pastaim.

Em i tok ol growa i mas holim 50 pesen ikwiti insait long dispela mil.

Em i tok lukaut long KIK na ol kampani husat i laik baim mil long tingting gut long askim bilong ol.

Em i tok Madang Koporetiv Asosiesen i makim maus bilong ol liklik growas long ples husat i pasim tok pinis long sanap strong wantaim.

Em i askim ol lain growa i stap long ples long joinim wanpela koporetiv na kamap memba.

Em i tok dispela em wanpela rot tasol we ol liklik growa long ples i ken bung na tokaut long ol samting i wok long kamap insait long kopra industri.

NASFUND

Kontributas Seavings na Lons Sosaiti Limited

TOKSAVE I GO LONG OL MEMBA

Bod bilong NASFUND Kontributas Seavings na Lons Sosaiti Ltd (NCSL) i laik toksave long ol memba bilong NASFUND Kontributas Seavings na Lons Sosaiti olsem NCSL i stat wok pinis long 15th Novemba, 2003. Ol memba i ken rausim mani long edukesen seavings long peim skul fi. Stat long 1st Desemba, wok bilong kisim ol aplikesen na rausim mani bilong skul fi i stop inap Janueri 2004 taim skul i stat gen. Toksave tu i go long ol memba husat i putim o bungim moa mani antap long dispela 5 pesen mak long skul fi, i kam inap long 31st Desemba 2002 olsem edukesen seavings bilong yu ol i bin transferim pinis i go long NCSL. Edukesen seavings bilong dispela yia bai ol i transferim i go long akaun bilong yu long NCSL bipo long 31st Desemba 2003.

5. Interim intres reit em 5 pesen long ol seavings em i trense i go long NCSL.

Wanpela hap pepa wantaim olgeta infomesen long ol wok bilong NCSL na plen em bai ol i salim i kam long yu wanwan memba long nem bilong kampani wantaim ol dispela toksave:

- Membasip aplikesen fom;
- Ol fom bilong rausim bilong edukesen o baim skul fi;
- Tok orait long rausim mani long potnait pe;
- Rot bilong Seavings remitens.

Plis yu mas ridim gut dispela hap toksave pepa, na sapos yu gat sampela askim lukim ol humen risos woklain o lain long peirol opis bilong yu.

OL STETMEN

Taim ol i pinis long transferim edukesen seavings long supaenuesen akaun i go long NCSL long 31st Desemba 2003, stetmen wantaim opening balens bilong yu wantaim 5 pesen intres bai yu kisim long nupela yia. Na bihain long Mas 2004 bai yu kisim supaenuesen stetmen bilong yu na dispela bai soim ol tenis i bin kamap taim ol i rausim ekstra o edukesen seavings bilong yu long supaenuesen akaun bilong yu.

Em i bikpela samting long yu long save long we o rot long mani bilong yu i muv long ol supaenuesen i go long sevens na lons akaun.

RIMITENS LONG OL MANI OL RAUSIM LONG SEVINGS

Kampani yu wok long en bai mas rimit o salim seavings bilong yu i go long NCSL em yet na supaenuesen bai i go long em yet. Rot long mekim dispela em bai mipela i salim long email long kompyuta long wanwan kampani. Ol sek kampani i raitim i mas putim NASFUND Kontributas Seavings na Lons Sosaiti Ltd na i mas go wantaim hap pepa o skedul.

KONTEKS

Edres na ol kontek namba bilong mipela em:
NASFUND Kontributas Seavings na Lons Sosaiti
 P.O. Box 7732
 Boroko,
 NCD

Ph: 3230773/2357166/3235595 Fax: 3256347 o 3236124

Email: managemncsl@ncsl.com.pg
operationsncsl@ncsl.com.pg
iantarutia@nasfund.com.pg

Attention: Ian Tarutia - Interim Siaman (ph: 323 5595)
 Daniel Kewali - Edukesen Prosesing Opisa (ph: 325 7166)

Long makim bod, menesemen na ol wokman na meri bilong NASFUND Kontributas Seavings na Lons Sosaiti mipela i laik tok;


Stay gut na Merry Krismas na Gutpela Niu Yia 2004 long ol gutpela memba bilong mipela.

Ian Tarutia
 Siaman

NASFUND Kontributas Seavings na Lons Sosaiti i ken mekim wanem?
 NCSL i ken mekim ol dispela samting:

1. Ol masin na kompyuta samting wantaim ol sofwea na hadwea i stap pinis long strongim wok etministresen. Dispela i min olsem em i redi na wet tasol long wok na i no wari long mani long stat wok.
2. Em i soim olsem em i ken mekim gutpela wok long stretim ol kastoma.
3. Em i gat gutpela wok patna wantaim ol kampani i lukautim na etministaim mani, invesmen, akaunting na audit.
4. Ol bod memba em ol profesenel na independen na i stap long mak bilong BPNG olsem ol i fit na raitlain long mekim wok.

Do you really know who you are sleeping with?




If you have sex with someone, anyone, you're not just sleeping with them, you're sleeping with their past... their past week, their past month, their past ten years.

With AIDS around, the more partners you have the greater your risk of infection. For a healthy relationship, stay totally true to one uninfected partner who's also true to you.

Protect yourself from



Stay true for life



WANTOK KLASIFAID

SAPOS YU LAIK ADVATAIS O SAVE MOA LONG KLASIFAID PES BILONG MIPELA, RINGIM BONNER HUI LONG 325 2500 O FEKS LONG 325 2579.
EMAIL ADRES EM wordadvertising@global.net.pg.

FRI KLASIFAID TOKSAVE

Penpal

I am a student at Tabubil Primary School and I am doing my grade 6. My name is Naisy Timothy, and I am 12 years old. I am interested to write to pals ages 12 to 16. My hobbies are writing letters to penpals and exchange photographs, reading books, playing baseball, swimming, cracking jokes with friends, watching TV and going to church. My address: Naisy Timothy, Tabubil Primary School, PO Box 153, Tabubil, Western Province.

Nem bilong Kiki Endima, Krismas 24 (man), i painim meri long 20-30 krismas. Meri i mas save meri o skul meri inap long helpim ol lokol komuniti long kamapim o go pas long bikpela multi-milien wel na ges projek i laik kamap long dispela ples. Dispela meri mas gu'pela kristen bek-graun, honas na i laik istap wantaim asples man na meri. Adres: Kiki Endima, Polofian Ind-County, PO Box 56, mendi, Southern Highlands Province.

My name is Merrian James and I'm from Wabag in Enga province. I am a grade 8 student at Tabubil Primary School and I'm 16 years old. My hobbies includes playing sports, watching television, writing letters to penpals and exchanging of photos with friends. I am looking for a penpal in any gender aged between 16-18 years old. Write to this address: C/- Tabubil Primary School, PO Box 153, Tabubil, Western Province.

Nem bilong mi Willie Charliegasin, krismas bilong mi 23 (man). Adres: PO Box 1350, Lae, Morobe Province. Save laikim: Go lotu, pilai spot, harim musik na raun wantaim ol pren. Mi promis yu husait brata o susa rait long mi bai mi bekim olgeta pas bilong yupela.

I am looking for a penfriend in the working class from an Asian country, especially Japan and Philippines. Occupation: Teacher. Marital status: Married with a child. Hobbies: Reading, going to church, going places. Contact: Mr Telly Aogia, Mumeng Primary School, PO Box 353, Bulolo, Morobe Province, PNG.

Mi painim penpren. Nem bilong mi Ruth Bogosia, Krismas 15 (meri). Adres bilong mi em: PO Box 3711, Lae, Morobe Province. Mi save laikim pilai volibol, soka, go long lotu na harim musik na tu raitim pas.

I am looking for a mature female 30 to 36 years. Single o divorce must be a christian mother from coastal area like Kavieng, Rabaul, Manus, Buka and must be a teacher and nursing staff or self employ. My name is Rub Sarakie, Contact No.: 983 5035, postal address: PO Box 9, Kimbe, West New Britain Province.

Painim Brata

Brata bilong mi, Franci Kurrant bilong French. Mi ho harim ol lukim longtaim. Plis husat save halpim long pasim dispela toktok long em. Ol brata long Don Bosco or Caritas em Franci save igo raun long ol, plis halpim mi long we em brata ya i stap nau. Rait i kam long: Mrs Linah Mark, Tengdui & Associates, PO Box 1212, Mt Hagen, WHP or ring long telifon namba 542 2348.

Painim Pren

Mi painim pren bilong mi, Veronica Ume bilong Kairuku, Central Province. Em bin pinisim Grade 10 bilong em long Mainohana High School long year 2002. Husait man or meri save long em, toksave long em long rait i kam long dispela adres: Taroko Ngerve, C/- New Guinea Water Drillers Ltd, PO Box 871, Lae, Morobe Province.

Mi laikim wanpela meri husat igat 26 - 30 krismas. Em i mas bilong Samarai, Milne Bay provins o Ali Island long Wes Sipik provins. Adres bilong mi: Charlie Wong, PO Box 887, Kimbe, West New Britain Province. Hobbies bilong mi em ridim buk, pilai soka, harim ol kainkain ol musik.

I am looking for a friend whether it be a girl or boy to exist as blooded until end of this world. My name is Danny Seminal am 20 years old. If anyone of my same age is interested, writé to me using this address: PNG Unitech, C/- Richard Kink, Dept of Business Studies, PMB, Lae, Morobe Province.

Mi painim wanpela pen-pren krismas namel long 19 - 24 yias. Mi wanpela ex-sumatin bilong Moramora Technical High School na nau mi wokim CODE grade 8. Rait i kam long: Peter Bulu, PO Box 540, Kimbe, West New Britain Province.

Nem bilong mi Gedion Mark na mi gat 25 krismas. Mi save laik harim lotu singsing, go long lotu na raun wantaim ol kristen prens. Mi painim wanpela kristen pren meri

krismas i mas 20 - 27 na single. Adres: C/- Serah David, PO Box 337, Tabubil, Western Province.

I am Edline Thomas aged 17. I seek a penpal who is a male or female of the age of 15 to 19. Someone interested must be from somewhere in PNG. My hobbies are watching TV, playing volleyball, listening to music and swimming. My address is: Edline Thomas, Tabubil High School, PO Box 204, Tabubil, Western Province.

I am 18 year old and looking for penpal be it female or male. My

hobbies are playing soccer, listening to music, mekim pren na rait igo ikam. Adres: Mike Misaneng, Tabubil High School, PO Box 204, Tabubil, Western Province.

Nem bilong mi Sixtus Waffi. Mi man na Krismas 19. Adres: PO Box 3555, Lae, Morobe Province. Hobbies em pilai volibol, pilai gita, stadi long haus na rait long pen-pren na serim potos na presen.

Mi painim wanpela pren meri bilong prenim na maritim. Krismas bilong mi 38. Dispela meri i mas wanpela lotu meri, 20 - 30 yias. Mi

wanpela wokman bilong haus sik na pablik sevan. Husait ilaik rait i kam adres em: Daniel Kiagi, PO Box 697, Kundiawa, Simbu Province.

Nem bilong mi Taylor N. Bingending na mi gat 22 krismas. Mi save laikim olgeta pilai na mi mangi bilong wok stret. Mi painim meri inap long pasin olsem mi gat long maritim em. Meri mas bilong Lae, Madang na Papua. Adres em: Hens Buildings & Maintenance Construction, PO Box 580, Kavieng, New Ireland Province.

TOKSAVE

LAND GROUPS INCORPORATION ACT - CHAPTER 147

NOTIS BILONG TOKSAVE LONG APLIKESAN BILONG LUKSAVE OLSEM WANPELA INKOPORED LEN GRUP ILG NAMBA 9989

ANINIT long Seksen 33 bilong Land Groups Incorporation Act, dispela em i toksave olsem mi kisim pinis wanpela aplikesen bilong wanpela kastomari grup long ol manmeri olsem wanpela inkopored len grup aninit long nem:-

Bore Land Group Inc.

Dispela grup i tok ol dispela samting i givim tok orait long ol i kisim luksave olsem wanpela inkopored len grup:-

- (1) Olgeta memba bilong ol i kam long Bore Viles.
- (2) Olgeta memba bilong ol i kisim luksave long ol yet na ol arapela memba bilong ol aninit long wanpela pisin olsem ol i stap aninit long lukaut bilong wanpela kastom na bilip.
- (3) Ol i holim kastomari graun insait long Rigo Lokol Level Gavman Eria long Sentrel provins.

Toksave i kamap long namba 14 dei bilong mun Novemba, 2003.

R. KAVANA,

Rejistra bilong Inkopored Len Grups.

INTEREST RATE STATISTICS PROVIDED BY THE BANK OF PAPUA NEW GUINEA

BUSINESS INDEPENDENT MONEY MARKET

Rates Quoted for Term Deposits by the Commercial Banks (%)

	Westpac	ANZ	BSP	Maybank
Up to K100,000		(a)		
3-6 months	4.25	4.50	4.00	5.25
6-12 months	4.25	4.75	4.25	5.25
12-24 months	5.25	5.00	4.85	5.50
Greater than K100,000	NEGOTIABLE OR ON APPLICATION			
Indicative Lending Rate (b)	14.95	15.00	13.25	15.00
Passbook Savings (c)	3.00	2.00	1.50	3.25

(a) ANZ rates for up to K50,000. Over K50,000 negotiable or on application
(b) Indicative rate upon which lending rate is based.
(c) Passbook savings rate is paid only on the minimum monthly balance.

ANNOUNCEMENT OF GOVERNMENT TREASURY BILL AUCTION RESULTS as at 10/12/2003

Maturity	Weighted average yield of successful bids (%)	Bids received (Kina million)	Successful bids (Kina million)
28 days	16.20	66.27	66.27
63 days	16.73	15.34	15.34
91 days	16.75	44.08	44.08
182 days	17.05	127.23	127.23

THE BANK OF PNG IS OFFERING THE TAX FREE INSCRIBED STOCK FROM ITS PORTFOLIO

Series	Maturity	Yield (1) (%)	Holdings (Kina)
S242003	1 March 2003	8.45	9,439,300.00
S252004	1 Jun, 2004	8.60	19,193,000.00

For further details & application
Telephone: 322 7360 or 322 7271
(1) Tax exempt

WANTOK

TREID DAIREKTRI

Sapos yu laik putim nem o sevis bilong kampani bilong yu long Treid Dairektri, ringim BONNER HUI long Ph: 325 2500 or Fax 325 2579 EMAIL: wordadvertising@global.net.pg

BAIM GOL

Gol Baia - Metals Refining Operations

Givim gutpela prais insait long kauntri bilong yumi. Ino namel man ibaim long yu. Kam na salim gol bilong yu stret long opis bilong MRO.

MRO istap long Seksen 451, Alotment 2, Kuila Estate, Kameron rot, Waigani P.O. Box 3980, Boroko, NCD Papua Niugini

Phone: 325 2647 or Fax: 325 2959

GOL BAIYA

KVDC GOLD LIMITED

1. Would you like to own a Gold Company that makes Money for you today?
2. Do you need money now? We believe you do. We can certainly help you repay all your loans if you join us today.
3. How about your current job? Is it secured and are you making money that you deserve? Call us now.
4. Is your future Financially secured? We don't think so. Call us now, do not delay.

We Specialise in:

- Buying & Selling Gold in PNG and Overseas using stronger currencies
- International Gold & Commodity Trading
- International money transfers
- Establishing OD Limits for PNG Rural people to do business
- Assisting PNG Rural People Start up Small Business

CALL US NOW!

Ph: 311 3445, 311 3444 or 311 3446
Fax: (675) 311 3447
PO Box 3183, BOROKO, NCD
Email: natwolaptru@datec.net.pg

GOLD MELT & ASSAY FACILITY

Momase Gold Buyers

Located at Malekula Street Lae

We buy Melt & Assay Gold

Ph: 472 5265; Fax: 472 3825

We are 100% nationally owned

MINING KAGO

THE GOLD PAN

Liklik Maining Masin bilong Salim Proline Gol gredge, 2.5", 3", 4", 5" na 6" hai banka comb, Metol detekta, Slus bokis, Gol dis, Gol wil, Rok krasa, Mekuri ritot na Planti moa ol masin bilong helpim yu kisim Planti gol hariap long taim yu wok gol. I gat ol sevis long helpim yu painim gol long Ples bilong yu. Mipela save baim gol na tu givim skul long Hao long baim na salim gol. Long olgeta Tunde na Fonde mipela save soim ol man we masin bilong mipela i save wok.

Contek Gol Pan
POM - Phone/Fax: 323 6052 or fax: 325 2959
Wewak - Phone/Fax: 856 1466

MENESMEN SEVISES



MANPOWER

Management Services Limited
(Fast and Efficient Service)

- Training & Localisation programs
- Work Permits
- Visas
- Company Incorporations
- IPA Certifications
(Reminders automatically remitted)

Contact: Helen, Liz,
Telephone: 321 5491 / 321 5492
Facsimile: 321 5493
Email: manpower@daltron.com.pg



ISLANDS HR MANAGEMENT SERVICES LTD

A bridge to your future career
Specialise in the following activities

- HR Management
- Business development
- Rural / NGO Funded projects
- Training & Localisation
- Recruitment & Labour Hire
- Passport & Work Permits
- Secretarial Service

We are located at
Suit 8 Level 1 Garden City, Angau Drive, Boroko

Email: islandshrmc@datec.net.pg
PO Box 889, Boroko, NCD
Ph: 323 4955; Fax: 323 4799

PISIN TANIM TOK



TRANSLATION

WORD PUBLISHING IS OFFERING
TRANSLATION SERVICES,
TRANSLATE ENGLISH TO
TOK PISIN & MOTU

FOR MORE INFORMATION CALL BONNER HUI ON
PHONE 325 2500 OR FAX 325 2579.
email:
wordadvertising@global.net.pg

REKODING STUDIO



GMA
RECORDING STUDIO

WE CAN OFFER

- Digital Recording
- High Speed Dubbing
- Album & Demo Production
- Commercial Audio Jingles
- Hire of Studio Equipment
- Public Address System
- Bulk Cassette & Compact Disk Orders
- In-house DJ Music
- Live Bank Entertainment

For any of the above services please contact Douglas on Tel/Fax: 326 1523 or write to: Manager, PO Box 339, UPNG

PRINTING



For all your Printing Requirements call

THE PRINTING HAUS
P.O. Box 6396 BOROKO, NCD
Ph 325 2415, Fax: 325 4743
OR

Come in and see us we are located along the Poreporena Freeway opposite SP Brewery, Gordons.

SALIM BUK

MODAWA
PAPUA NEW GUINEA
1946-2002
BISHOP DAVID HAND KBE

Bishop David Hand has lived in, worked for, and loved Papua New Guinea and its people since 1946. This book is his story. It is available for K35.00, from the Anglican Church Office, Tokarara. Ph: 323 2489.

SEKENHAN KLOS

FRIENDTEX LTD

P.O. BOX 5049 BOROKO
PHONE: 323 1471
FAX: 323 1479

Dealers & Wholesaler Secondhand Clothing
SPEND LESS FOR BEST
PRE CHRISTMAS... Specials
A Visit is a Must

ALL IN BALES OF 50KGS

- K595 Jean Trousers, Child Jean, Beach Shorts, Bedsheets, Skirts, Colour Jean Pants, Child Pants, Boy colour Jean, L/Tank Tops, S/Less Dress, 3/4 Disco Pants, Nylon Rummage, Sports Shorts, Hemmed Shorts, L/Zip Jackets, Boy Jeans, Ladies Tights, M/Tank Tops, L/Sleeve Polo, Capre, Blue Jean Jackets
- K770 Cotton Pants, Kids/TShirts, Denim Shirts
- K630 Child Mix, Collar T/Shirts, BS/PCK
- K550 RN Plain T/Shirts, Skirts Pants, Jean Shorts, Mix Shorts, Floopy Pants, Socks, Skirts, Tropical Pants, Pillowcases, S/Less Blouse, Flannel Shirts
- K880 Towels, Jean 100 PCs.

AVAILABLE & NEW STOCKS

Cargo Shorts, Cargo Trousers, Hunting Jackets, Rugby Polo, Jersey, Cotton Blouse, Mix Jersey, Ladies Bra, Ladies Suit, Denim Bermuda Shorts 3/4. Mixed Bales AA Supreme & special price. Special discount for bulk buyers.

Location: Kenmore Trade Centre
Unit 11 off Cameron Road

Next to Arnotts Biscuits Factory - Gordons

TREID NA EKSPOT

FAIRFAX EXPORTS LIMITED

LICENSED CROCODILE SKIN TRADERS AND EXPORTERS

We buy Crocodile Skins

MON - SAT

BURNS HOUSE
STANLEY ESPLANADE, PORT MORESBY

Tel: 321 4755
Fax: 321 4751

SKIN PROBLEM

SKIN PROBLEMS?

Specialist skin doctor, Dr. Talvat is now available for Consultation in Port Moresby. Please call Sr Vivienne on 323 6700 or fax 323 0009 for enquiries and appointment.

If you have no access to telephone, feel free to visit the PIH Clinic located in the Pacific Pharmacy within the RH Hypermart, Kennedy Road, Gordons.

Peim liklik tasol na kisim moa kastoma long
WANTOK TREID DAIREKTRI!

Toktok wantaim Bonner Hui long 3252500 o feks i kam long 325 2579 bai yu no inap abrus!

Email adress: wordadvertising@global.net.pg.

WIKEN EKSEN POTO


Wantaim Joe Ivaharia



• Pilaia bilong TK Marons i putim trai pinis. Ol Yamaso Raidas i trai hat long stopim ol tasol pilai i strong moa yet long Okkaihens op-sisen ragbi lig kompetisen long Hohola long Sande. TK Marons i winim gem 10-4.



• Wantok pilaia Kolish Banam i autim Gazelle pilaia long hom beis long Sarere gem. Wantoks i win 8-5.



• Wing atek (WA) bilong Coca-cola i painim sapot long rausim bal. Ol i salensim Fairdeal long wiken.




• Pilaia bilong PM/NEC i wok long traim long kisim bal tasol het bilong PNG Power i strong moa yet long Pablik sevans soka long wiken.



• Gol kipa (GK) bilong Fairdeal i lukluk long stopim pilaia bilong Coca-cola insait long divisen wan gem bilong ol. Fairdeal i winim gem 34-13.



• Klia long rot! Buldosa i kam nau! Pilaia bilong PNG Power i kalapim pilaia bilong PM/NEC long traim kisim bal long wan tim pilaia bilong em.



• Noken ting em mekim Manus stail danis, em Gazelle pilaia i kalap bikos bal klostu hamarim em. Ol Gazelle i winim gem.

Ain meri Rita

STORI BILONG PILAIA

Bungim yangpela Kari wanpela liklik meri husat i save pilai wetlifting o apin ain olsem biknem meri wantok bilong em Dika Toua.

Paul Zuvani i raitim

YUMI planti long kantri i harim na save long hap meri Hanuabada husat i save apim ain nem bilong em Dika Toua. Tasol i gat ol narapela liklik meri tu i stap i save pilai dispela spot na karim nem bilong kantri long ol arapela kantri.

Wanpela bilong ol em Rita Kari. Dispela em ol toktok bilong kosa na ol bikman bilong dispela spot na tu stori bilong dispela yangpel meri.

Toktok kosa bilong em, Douglas Mea i gat long em: Kari i gat planti strong long kamap gut long wetlifting. Em i yangpela na olsem bai i gat ol kainkain samting bai traim long pasim tingting bilong yu long pilai tasol dispela Kari i no ken wari long dispela. Em i mekim planti gutpela senis long divisen bilong em.

Toktok Presiden bilong PNG Wetlifting Federesen, Scott Vavine: Treading strong na lukautim gut pasin bilong yu. Kari mas strongim em yet long treading. Em mas stap gut na bihain ol lo bilong pilai.

Stori bilong yangpela Kari i go olsem: Kari husat i namba tu pikinini bilong plisman Toua na Joanne Kari gro long famili we i gat blut bilong pilai wetlifitng.

Kandre bilong em Douglas Mea na meri bilong em Riku tupela wantaim i wetlifiting spotmanmeri.

Long olgeta apinun taim Kari i liklik mangi yet em i save lukim Douglas i apim ain arere long haus bilong ol. Long dispela taim ai bilong Kari i pas long apim ain na em i no moa lukluk bek o tanim na traim ol narapela pilai olsem netbal. Nogat.

"Wetlifiting em spot bilong mi," Kari i tok taim Wantok i askim em sapos em i save laik long pilai ol narapela spot.

Em i stat wankain olsem ol narapela nupela spotmanmeri i mekim. Pilai tasol na lukluk. Tasol yes maski em i traim tasol, nem bilong Kari i kamap bikpela pinis.

Kari i brukim 48 kilo grem rekot bilong wantok bilong em Dika Toua.

Na long taim em i apim namba wan ain long Hanuabada Kari i no save olsem wanpela de aiwara bai kamdaun long pes bilong em taim em i makim kantri bilong em na winim medal long Saut Pasifik Gem.

Em i yangpela na long em i makim kantri i bikpela samting. Moa long dispela em i nupela husat i no longtaim i traim tasol long stap insait long PNG Wetlifting tim.

Bipo long em i pilaim Saut Pasifik Gems Kari i bin go wantaim planti tingting taim em i go long Tonga Oseania Sempionsip.

Long Tonga em i mekim gut na winim tripela medal- tupela silva na wanpela brons.

Yes em Osenia na i nogat planti manmeri i kamap.

Tasol Saut Pasifik Gems i narakain, planti manmeri i save kamap. Na i gat planti strongpela spot manmeri.

- Nem: Rita Kari
- Krismas: 14.
- DOB (De mama karim): 3 Septemba, 1989
- Namba bilong famili: faiv (5) foapela brata na Rita yet mekim faiv. Em namba tu long famili
- Ples: Hanuabada - Nesene! Kapitol Distrik.
- Skul: Gret Seven (7) long St Michael's Top Ap Skul, Hanuabada
- Spot em save pilaim: Wetlifting (apim ain)
- Kisim skul long husat: Ankel (kandre) Douglas Mea
- Wanem taim save long dispela pilai: 1999. Tasol taim em i liklik mangi yet em save lukim ankel Douglas i save apim ain.
- Taim PNG Wetlifiting Federesen i givim luk-save: Epril, 2003 Lae Nesene! Wetlifiting Sempionsip
- Divisen: 48 kilo grem
- Klub: Hanuabada Wetlifting klub
- Kosa: Douglas Mea husat bipo kosa bilong Dika Toua (Mea nau i tim menesa bilong PNG Wetlifiting Federesen)
- Namba wan taim winim intenesene! medal: winim tupela silva medal na wanpela brons medal long Jun, 2003 Osiania Wetlifiting Sempionsip (Tonga)
- Narapela medal: Silva medal Jun-Julai 2003 Fiji Saut Pasifik Gems
- Taim em pilaim Wetlifting, em save tingim wanem samting: Tingting i op na save kisim amamas. Laik stap pren bilong olgeta manmeri
- Ol kaikai em i save laikim: Kari rais na kakaruk
- Ol dring em i save laikim: Wara nating
- Wanem plen yu gat long wetlifiting: Long tren hat na makim kantri moa yet long ol pilai i kam long bihain taim.

Em i wok long tingting olsem long namba wan ain em bai i apim gut o nogat? Sapos nogat bihain bilong em i bai kamap olsem wanem?

Saut Pasifik Gems i bikpela pilai tumas na planti manmeri i stap na lukluk. Bai em i apim ain olsem

wanem long ai bilong ol?

"Mi husat, mi nogat save?" Kari i wok long tingting.

Em i kamap wantaim ol dispela tingting long taim em i putim ol klos bilong em long beg long moning bilong kisim balus wantaim PNG tim na go long Fiji.

Tasol long Fiji taim Kari i krungutim Stadium bilong apim ain olgeta tingting i lus. Em i save i nogat narapela man bai helpim em long apim ain. Em tasol bai apim ain. Na nem bilong makim kantri i stap long han bilong em.

Wantaim dispela tingting Kari i pasim ai na apim namba wan ain.

Long taim em i apim ol ain em i no save wanem samting em bai mekim tasol bihain long olgeta samting em i mekim jas i tokim em olsem em i mekim gut na olsem em bai skruim yet pilai bilong em inap long em i pilaim gren fainel o stap long las pilai bilong apim ain long painim namba wan meri long divisen bilong em.

Na yes Kari i lus liklik tasol. Gol medal i abrus na pundaun long han bilong meri Nauru.

Tasol win bilong Kari i opim ai bilong planti manmeri bilong narapela Saut Pasifik kantri olsem em i gat strong na i gat save bilong pilai.

Bihain long dispela Osenia Wetlifiting developmen opisa i tok ol opisa i no ken pasim ai long kain pilai bilong Kari- dispela i mas givim strongpela toksave long ol olsem ol i mas was gut long kona bilong ol.

Sapos Kari i go bikpela em bai brukim rekot bilong ol. I luk olsem Kari bai kamap wanpela top meri long apim ain long bihain taim.

Private Companies Netball Club

Draws

Sunday 14th December, 2003

Division: Premier
Court 2

1:00 Fairdeal vs Courts
1:45 Brian Bell vs BAT
2:25 BSP 1 vs Daltron

Division: 1
Court 3

1:00 STC Finance vs APNG 1
1:45 SPB 1 vs ANZ 1
2:25 Pryde vs Crown Plaza

Division: 2
Court 4

1:00 Bishop Bros vs AHC
1:45 EFM vs DTT
2:25 Holiday/Inn 2 vs Theodist
3:10 STC Merchandise vs APNG 2

Division: 3
Court 5

1:00 National vs OSL 1
1:45 ANG vs Pacom
2:25 CCC vs Kenmore 1
3:10 Exxonmobil vs Trukai

Division: 4
Court 6

1:00 PNG Print 1 vs Kina
1:45 Curtan Brothers vs QBE
2:25 HD PNG vs GFI
3:10

Division: 5
Court 7

Pom Trans vs PWC
1:45 LBC vs Lamana
2:25 NTIL Kolta vs MJ Dwyers

Division: 6
Court 8

1:00 BDW vs BSP 2
1:45 Westpac Ask Once vs ANZ 2
2:25 Meddent vs Moore
3:10 Andersons vs Boroko Motors

Division: 7
Court 9

1:00 Renos vs Wantok Niuspepa
1:45 STC Hardware vs Westpac Handy Pay
2:25 Fincorp vs HCC
3:10 Kemore 2 vs Remington

Division: 8
Court 10

1:00 EMTV 2 vs SPB 2
1:45 STC Ship vs MRDC 1
2:25 OSL 2 vs Shell
3:10 Marsh vs Able

Division: 9
Court 11


1:00 Johnstons vs POSF 1
1:45 PNGSF vs Ray White
2:25 Qantas vs Clubgrp
3:10 Arnotts vs Pacific Industries

Division: 10
Court 12

1:00 Century 21 vs POSF 2
1:45 Hertz vs Courts 2
2:25 MRDC 2 vs Paraka
3:10 Ela Motors vs SBS

Division: 11
Court 13

1:00 Kenmore 3 vs RH Hypermart
1:45 MGI Kolta vs Mirupasi
2:25 Star Fisheries vs PNG Prints 2
AON - Bye



• Rita Kari wantaim ol liklik bilong em i holim ol medal em i winim long Osenia Sempionsip (Tonga) na Saut Pasifik Gems, Fiji long Jun na Julai, 2003.

Tupela pilaia i kisim skul bilong kosa

TUPELA sinia soka pilaia bilong PNG soka tim i sindaun long wanpela soka kos we OFC Sinia Laisens Kosing kos i wok long kamapim nau long OFC Akademi long Auckland, Nu Silan.

Dispela kos i stat las wik na bai pinis long dispela/wik Fraide.

Tupela pilaia em kepten bilong PNG Richard Daniel na straika Reginald Davani.

Kosing Instrukta bilong FIFA Alan Gillett i go pas long dispela kos. Em i namba wan taim bilong kain kos ya i kamap long Osenia rijen bihainim as tingting

bilong OFC long strongim wok kosa insait long rijen.

Dispela ol kosa husat i sindaun long dispela kos em ol mama asosiesen i luksave olsem ol i ken kamap gutpela kosa long bihain taim ol i pinis pilai.

Dispela grup ya em Class of 2003 bai i stap wantaim sampela taim we ol instrakta i ken lukluk na glasim wok bilong ol.

Samting olsem 13 kosa olgeta insait long rijen i bin kamap long dispela kos.


Ripot i kam long OFC i tok olsem wanem tupela kosa i skul

gut bai go kisim moa kosa kos long UEFA B kosing laisens tes long neks yia.

Eking operesen menesa bilong PNGFA John Wesley i tok olsem ol i makim dispela tupela pilaia long wanem ol i ting ol i ken kamap olsem kosa long bihain taim.

Daniel i save pilai wantaim Sobou klab long Lahi na Davani em i profesenel pilaia wantaim klab long Nu Silan.

Em i namba wan taim PNGFA i makim ol pilaia long kisim sampela skul long kosing.



• PNG Kepten Richard Daniel na straika Reginald Davani i kisim skul long kamap kosa. Em i nambawan taim PNGFA i makim ol pilaia long kisim sampela skul long kosing.



Was gut long bat...

• Admiralty 'A' Gret softball tim ol sanap na kisim poto bipo ol i pilai. Foto: JOE IVAHARIA.

Kavieng bai holim 2004 Dats Sempionsip

Joe Ivaharia i raitim

PAPUA Niugini Dats Federesen i singaut nau i go long ol rijinol dat oganaisin long Ailan (NGI), Hailans, Momase na Sauten long redi long go pilai insait long Nesenel Dat Sempionsip we bai kamap long Kavieng, Nu Ailan provins long mun Septemba 11 - 17 neks yia 2004.

Insait long dispela sempionsip, bai i gat ol rijinol tims tasol bai i pilai we wanwan rijen bai makim ol tims bilong ol long kam na pilai long tonameri.

I no olsem bipo we ol asosiesen i save salim ol tims i kam long sempionsip. Nau bai i nogat.

Mausman bilong PNG Dat Federesen na Jenerol Seketeri, Moses Sangkol i tok wanwan rijen bai salim etpela (8) tim bilong man na eitpela (8) bilong ol meri we bai mekim wanpela ten siks (16) tim olgeta long wanwan rijen husat bai salens ol yet long winim dispela nesanel dat taitel.

Em i tok insait long wanwan tim ol i mas makim 10-pela pilaia tasol wantaim ol risev tu i mas stap insait.

Long taim bilong tonamen wanwan rijen bai ol i givim ol wanwan kala. Dispela em bilong mekim isi long luksave wanem

rijen ol pilaia i pilai long en. Na ol uniform bilong ol pilaia tu i mas sem kala olsem bilong wanwan rijen bilong ol. Olgeta pilaia tu bai i gat ID kat long kala bilong rijen tu.

Long sem taim tu, Mista Sangkol i toksave long ol Rijinol Dats Oganaisin olsem affiliates fi em i K500 we ol mas baim nau igo long PNG Dats Federesen.

Na long ol wanwan asosiesen ol i mas baim ol affiliates fi bilong ol i go long rijinol bodi bilong ol olsem ol asosiesen insait long Sauten rijen bai baim

fi igo long Sauten. Wankain tu long ol arapela rijen.

Sangkol i tok tu olsem sampela senis i wok long kamap nau insait long konstitusen bilong PNG Dats Federesen we ol eksekutiv i bin mekim long wanpela bung long Madang long las yia 2002 na taim i redi bai ol i lonsim wankain taim long 2004 Nesenel Sempionsip long Kavieng.

Long kisim moa toksave long dispela ol asosiesen o rijins i ken ringim Vais Presiden, Ronald Chow long telepon: 986 5101 o Jenerol Seketeri, Moses

Kampani netbal pilai i wok long kamap strong

Praivet kampani netbal resis long Pot Mosbi i wok long lukim sampela gutpela na ol strongpela gems we i wok long kamap long Rita Flynn netbal kot olgeta Sande apinun.

Dispela em insait long wanwan divisen we nau em i seken raun na ol tim i wok long soim ol kala bilong ol long strongim tim bilong ol na pilai long

ol fainels bihain long pinis bilong dispela raun.

Long ol gems long wiken insait long prima divisen difendin' prima Post Courier i bin kisim taim stret long ol meri bilong benk BSP we gem ya i bin kamap olsem wanpela gren fainel gem bilong dispela yia.

Tupela tim i bin dro long fultaim 35 - 35 tasol taim Wantok i bin sekim ol skoa wantaim seketeri

Joe Ivaharia i raitim

WANTOKS softball klab i bin kamapim wanpela gutpela na strongpela gem long autim Gazelle 8 - 5 insait long raun tu resis bilong ol meri long Bisini daimon long Sarere.

Ol kain pilaia husat i soim stret kala long kamapim dispela win em pitsa Pauline Wakit husat i givim planti KO long ol beta bilong Gazelle long autim ol na long sem taim ol aut fildas bilong em i wok long ketsim ol flai bal we ol i lokim Gazelle tru long noken skoa.

Tupela tim i no bin skoa insait long namba wan ining we long seken inin Wantoks i brukim kiau taim Veronica Bagasel i kam hom bihain long Wakit i bin paitim wanpela gutpela bal igo long auffil long han kais. Dispela i mekim na ol pilaia olsem kepten

Kolish Banam, Anna Trawen, Lisa Polum, Bagasel, Jenny Katape na Encie wantaim Kurai Tovia i givim sapat long Wakit long pilai strong na kamapim dispela win we i lukim ol i go antap long pions lada nau.

Long sait bilong Gazelle em Jenny Pilak, Maggie Sam, Mechtill Raymond, Grace Wanmar, Rose Ire na Mathilda Pondriket i bin traim hat long mekim win i go long ol we i bin lukim ol i go pas long skoa antap long namba tri inin 2-1 tasol i popaia long wanem ol meri Wantoks i kam bek long skorim foapela moa pions na ronawe wantaim skoa insait long namba foa inin na tu long namba siks inin long mekim ful taim skoa 8-5 we Gazelle i skoa tripela rans tasol taim i sot na ol i kam seken bes long ol meri Wantoks.

Papua Yut klab holim 2003 awot presentesen

ROYAL Papua Yot Klab (RPYC) i bin holim 2003 awot presentesen bilong em long Sarere long makim pinis bilong ol bot, yot na dingyi resis long dispela yia.

I bin gat faipela (5) divisen we ol man meri seila i bin salens insait long en long lukim husat bai kamap sempion long wanwan divisen bilong ol.

Ol divisen em Cruising Class, A Class, TSSY (Trailer and Small Sailing Yachts), Hobie 405 na Dingi (Pee Wee).

Long Dinghy divisen, Timothy Hansart i bin winim bilong ol junias na Tim Regan i winim awot bilong ol sinia bilong dispela yia. Junia seila awot bilong dispela yia i bin go long Damien Regan.

Tupela man na meri Jim na Sue Shearing wantaim yot o bot bilong ol "Babylon By Bus" i mekim dai ol arapela salens long winim TSSY divisen bilong dispela yia we gutpela salens tu i bin kam long "Kilmanoi" na "Siduri".

Na insait long strongpela Hobie 405 divisen i lukim Hamer Rofe i mekim bikipela pions bilong dispela sisen na long sem taim Don Woodford i winim klab sempionsip.

Long Nesenel sempionsip em mangi bilong ples Upu Kila husat i wanpela sempion bilong PNG i winim long Hamer Rofe na Phil Sawyer.

Most Improved Yachtsperson awot bilong dispela yia i bin go long Mary Richardson na Andrew Rose i Kisim Yachtsman awot bilong 2003.

Papua Niugini bai traim bun long Osenia long painim we long go long wol kap soka

FEDERESAN bilong Intenesenel Futbol Asosiesen (FIFA) i makim Papua Niugini long stap long grup tu long Osenia zon long pilai bilong wol kap long priliminari soka dro.

Dispela ol dro em FIFA i givim luksave bilong em long Frankfurt long kantri Jemeni long Desemba 2.

Grup wan i gat Tahiti, Solomon ailan, Niu Kaledonia, Tonga na Cook ailans.



• EPC soka long Sir John Guise stedium las Sarere. Foto: JOE IVAHARIA

Grup tu i gat Fiji, Vanuatu, Samoa, Amerikan Samoa na PNG yet.

Aninit long oda bilong Osenia Futbol Konfederesen we FIFA i givim luksave, dispela tupela grup bai mas pilaim raun robin tonamen aninit long lo bilong lig fomat long sampela taim namel long mun Mas na Epril, 2004. (De stret na ples we ol dispela pilai em ol opisa bilong Oseania Konfederesen i no makim yet).

Namba wan tim na ranap bilong dispela tupela grup bai go yet long mak tu we bai ol i pilai wantaim Australia na Nu Silan.

Na namba tu mak ol pilai bai ron o kamap long oda wankain olsem ol i kamap long mak mantonamen bai holim ol pilai bihain raun robin we.

Dispela em tupela top siks tim bai bihain lo bilong lig. De na ples stret we ol i dispela pilai bai kamap em ol opisa bilong Konfederesen i no makim yet.

Aninit long fomat bilong OFC Nesen Kap bilong 2006 long Wol Kap kwalifaing mak, wina na ranap bilong mak tu bai pilai hom-en-awei pilai long Oktoba 2004 Nesen Kap.

Wina bai kamap long 2004 FIFA Konfederesen Kap na 2004 AFC/OFC Salens Kap.

Dispela tupela tim bihain long wanpela yia long Septemba 2005 hom-en-awei pilai we wina bai makim Osenia rijon pilai wantaim namba faiv tim bilong Saut Amerika rijen long pilai long 2006 Wol Kap.

PNG i bai traim hat long stap insait long pilai gut long ol dispela tonamen long traim long stap insait long dispela wol kap.

Narapela samting we i gutpela long PNG long pilai long ol dispela tonamen em i sans we ol i gat long soim ol narapela intenesenel kantri long stail bilong ol long pilai na nogut ol klap long ol dispela kantri i gat laik long kisim sampela pilaia i go long p ilai long ol. Dispela bai apim stended bilong soka long PNG i go antap moa.

PNG taekwondo laik lukim pilai kamap bikpela long kantri

KLOSTU 100 spot manmeri long Madang, Oro na Morobe i lainim taekwondo pait bihain long Papua Niugini Taekwondo Federesen developen opisa i holim ol woksop wantaim ol spot manmeri bilong ol dispela ples long las mun.

Developmen opisa bilong Federesen na Saut Pasifik Gems gol medalis Edward Kassman i bin mekim wokabaut i go long Rempiples long Madang, Suing long Oro na Lae long Morobe provins na ronim ol taekwondo trening woksop.

Long Rempiples, Kassman i tren wantaim 15 manmeri we foapela bilong ol i meri, long Oro 51 manmeri we 10-pela i meri na long Lae em i tren wantaim 20 manmeri.

"Mak bilong (ol pilaia long) pait namel long 68-75 kilo grem i kamap gut na mi amamas," Kassman i tok bihain long wan wik trening woksop em i holim wantaim ol pait manmeri long Rempiples.

Bihain long Rempiples, Kassman i holim woksop long Suing ples long Oro.

"Woksop long Suing i nais tru long wanem mi tren wantaim ol pait manmeri aninit long ol diwai long bus bilong Kaiva. Planti bilong ol lain husait i kamap em ol yangpela na mi luksave long planti husait i gat strong bilong pait. Tupela pilaia husait mi gat bikpela luksave long em em Hayward Jackson na Sonny Pedison.

Bihain long Suing, Kassman i go

long Lae we em i tren wantaim ol paitman bilong Karate klab.

Em i tok Lae i gat planti ol ples bilong lainim pait na sapos i gat inap mani i gutpela long lainim planti manmeri long save long dispela taim.

Em i tingting long mekim moa wok long Lae sapos Dorris Boiyo, redio meri bilong FM Morobe i givim tok-save na long em i painim sampela sponso husait bai helpim long ronim ol trening woksop.

Long dispela taim Kassman i gat tingting long holim narapela woksop long Salamaua.

"Mi laik mekim moa wok namel long ol spot manmeri long ples long wanem mi na federesen i bilip olsem i gat planti gutpela manmeri husait i stap long ples i gat strong bilong pait. Sapos mipela i ken givim sans long ol dispela lain na trenim ol mi i bilip mipela bai gat sans long winim ol medal long ol bikpela pilai bilong mipela.

"Tasol moa long dispela mi laik bai ol manmeri em planti mas ol yangpela long pilaim dispela spot. Taekwondo i gutpela long wanem em i givim gutpela tingting long lukim laip na mekim ol samting," Kassman i tok.

Em tok tenk yu long PNG Silva Jubili Spot Progrem, Adolph Mugau bilong Rempiples, Rei Udis, Udo Moepe, Robert Kendrew, John Watah, Angela Way na ol nius man meri long helpim em long kamapim wok bilong insait long kantri.

Madang Distrik holim soka na volibol tonamen

SUINGILBAR Lokel Level Gavman insait long Sumkar distrik, Madang bai holim wanpela bikpela soka na volibol tonamen long Krismas.

Dispela tonamen oltaim i save kamap long Krismas na long dispela taim ol man bai pilaim soka na volibol em man na meri tim wantaim bai pilai.

Tonamen dairekta Steven Kadam i tokim *Wantok Niuspepa* olsem dispela tonamen i bikpela samting long ol pipel bilong Sarang long Not Kos ples na i luk olsem bai i gat 16 tim long man na meri bai kamap long pilai.

"Ol biknem tim bilong

soka na volibol long Madang Taun na Madang provins wantaim sampela tim bilong Morobe bai kamap long dispela ol pilai," Kadam i tok.

"Madang Taun i 2002 sempion tim bihain long ol i winim gren fainel na Maduk Brothers bilong Siar ples i sempion tim bilong volibol man.

"Mi no save nogut sampela tim moa bai kamap long wanem ol i wok long kam yet na givim nem.

Sponsa bilong dispela tonamen em Lawong Balun.

Ol tim husait i laik pilai mas go long Haus Tumbuna (Madang Visitors & Cultural

Bureau) na lukim Steven Kadam long givim nem na baim fi bilong ol.

Benk akaun namba em 1000-890496 BSP Madang.

Fi em K200 long soka na K150 long volibol.

Sapos yu laikim moa toksave ringim Kadam long telefon namba 852 2789 o 852 3302.

Na sapos ol tim i laik painim aut moa long ples bilong silip tu mas ringim Kadam bai em wantaim ol opisa bilong em bai i ken redim ples bilong silip.

Pilai bai stat long narapela wik Sarere 20 Desemba na pinis long Desemba 26.

PNG Kriket Bod tokaut long Anda-19 tim

PAPUA Niugini Kriket Seleksen Bod i makim pinis trening skwat long tren na redim tim bilong go pilai long 2004 Anda-19 wol kap kriket long Bangedesh.

Dispela skwat em siaman bilong PNG Kriket Kaunsel William Maha i tokaut long Mande dispela wik.

Ol man husait i stap long seleksen bod na makim 26-memba trening skwat em Numa Alu (siaman), Vavine Pala na Mike Stevens.

Ol dispela man ya i makim ol pilaia bihain long ol i kisim sampela tingting bilong PNG Anda-19 Kriket kosa Paul Joseph.

Long dispela skwad 14 pilaia husait i bin go pilaim kwalifaing pilai long Namibia, Afrika na win em olgeta i stap insait.

Long taim bilong tokaut long skwad Maha i tok ol 14 pilaia em seleksen bod bai makim ol long kain we ol i pilai bipo na long we ol i pilai nau.

Tasol dispela 26 trening skwad em ol bai daunim namba i go daun long 14.

"Mipela i laik makim tim bipo long krismas taim olsem ol trena na kosa i gat inap taim bilong redim tim long go long Wol Kap," Maha i tok.

Dispela trening skwat bai tren aninit long yut embeseda Jamie Brazier long taim Joseph i stap long wanpela kosing semina long Melbon, Australia.

Dispela skwat i pulap long ol pilaia bilong Pot Mosbi we i gat 22 pilaia, Lae i gat tripela pilaia na Alotau i gat wanpela.

Trening i stat long Tunde long

Amini Pak long 3pm.

Dispela skwad em Chris Amini, Mahuru Dai, John Boto, William Harry, Kila Pala, Mavara Tamasi, Kapena Arua, Kupana Amini, Assad Vala, Paul Morea, Gavera Dai, Vali Vali, Vivian Kila, Jack Lou, Vali Ura, Alan Loi, Imran Alu, Loa Sisia, Oala Agonia, Mika Loa, Jack Vare, Lahui Davai (Pot Mosbi), Gapi Mogala, Iamo Gure na John Gavera na Alotau i gat wanpela.

Nau yet Papua Niugini i sempion kriket long Saut Pasifik rijon. Australia na Nu Silan tasol i abrusim em.

Tasol sapos PNG i win long Bangedesh em i junia sempion tim long Saut Pasifik na Osenia. PNG i gat gutpela sans long win.

Ryan Pini win yet long swim sempionsip

PAPUA Niugini swimming sempion Ryan Pini i winim olgeta swim resis bilong em long nesenel swimming sempionsip we i kamap long Pot Mosbi long wiken.

Wantaim long Pini em tupela meri ya Anna-Lisa Mopio na Krystle Babao long divison bilong meri.

Ol dispela tripela swima i brukim ol nesenel rekord we i amamasim ol man na opim ai bilong ol swimming opisa.

Long Sarere Pini i kamapim tupela nupela rekot long 50 mita bataflai na 200m bekstrok na 50m fristail.

Dispela 21 krismas man husait i bin mekim gut long Australia taitel we i bin kamap i no longtaim i go pinis i hangre yet taim em i em i go insait long wara long Sir Donald Cleland swim pul long Taurama Leisure Senta.

Long Sande em i brukim 200m bekstrok wantaim nupela taim 2 minit:16.88 seken na bihain ken i kamapim nupela rekot long 50m fristail wantaim 24.87 taim.

Pini i kirap nogut long harim olsem em i brukim ol rekot we long stat bilong ol pilai em i ting olsem em i laik swim long ol dispela resis long mekim em strong yet long swim

na i no bilong resis tru.

Lisa Mopio i mekim yet long go pas long 17 yia krismas divison bilong ol meri.

Em i bin swim long 100m bekstrok, 50 mita bataflai na 50m bekstrok.


Meri Mekeo husait i stap wantaim mama bilong em long Brisbane, Australia i swim 1 minit, 12.90 seken long 100 bekstrok na i brukim rekord wantaim 2 minit, 38.51 seken long 200m Individual Medley rekord.

Long 50m fristail Mopio i no swim hariap tasol maski em i no bisi long resis em i win yet ol narapela swima na kamap namba waj. Long 50m fristail em i swim wanatim 28.65 seken. (Dispela em i no brukim rekord).

"Mi amamas long ol swim mi bin mekim pas tasol ol bihain swim mi no amamas," Mopio i tok.

Na 16 krismas Babao i nekim 100m wantaim 1 minit 14:44 seken na long 50m bekstrok em i memem wantaim 33.90 seken.

Na long amamas long ol swim bilong em Babao i tok: "Mi no mekim gut tumas. Mi inap long mekim gut moa tasol em inap. Mi amamas tasol olsem mi kamap long ol




• Sampela ol swima long 2003 Nesenel Swimming Sempionsips i mekim-save long Sir Donald Cleland Swimming Pul las Sarere. Foto: JOE IVAHARIA

resis. Ol dispela sempionsip we i lukim 68 swima we tupela bilong ol em ol manmeri husait i nogat gutpela bodi (disebel). Don Blew bilong Australia husait i pastaim long ol

dispela sempionsip i kamap i bin ol ronim kosing kos i tok em i amamas. Ol swim i pinis long Sande tasol kos bilong teknikal swimming opisa wantaim Blew i pinis long Mande.



WANTOK Spots



Weitlifting Federesen i painim ples

Paul Zuvani i raitim

PAPUA Niugini Wetlifting Federesen i gat tingting long kamapim opis na trening senta bilong em yet long ronim ol wok na pilai bilong em.

Nau yet em i wok long painim ol hap graun o haus bilong kamapim opis.

Long em i yusim ol samting long holim ol trening progrem o holim ol nesene sempionsip em i save yusim samting bilong ol narapela lain.

Long Pot Mosbi em i save yusim ol weit na ain long Taurama Leisure Senta. Senta ya i bilong Nesene Kapital Distrik. Na long Lae ol i save yusim ol samting long Sir Ignatius Kilage Stedum na long Goroka ol i save yusim ol samting long Nesene Spots Institut. Ol samting long Lae na Goroka i bilong Papua Niugini Spots Komisen.

Tasol pastaim long em i yusim ol dispela hap em i save baim pastaim Nesene Kaptil Distrik na Papua Niugini Spots Komisen.

Long dispela as em i save olsem em i westim nating mani bilong em.

Presiden bilong Papua Niugini Wetlifting Federesen Scott Vavine i tokim *Wantok Nius* olsem em i amamas long Federesen i gat ol pilaia olsem Dika Toua we ol i save mekim nem bilong kantri.

"Mipela (federesen) i laik lukim olsem long narapela yia na ol yia i kam bihain PNG Wetlifting i mas i gat opis na trening haus bilong em yet," Vavine i tok.

"Mipela i no laik long tromoi mani long yusim samting bilong arapela lain. Mipela i mas i gat ples bilong mipela yet.

Tasol long taim em i wok long painim hap ples bilong kamapim opis na trening haus em i gat narapela hevi tu- em i nogat mani.

"Mipela inap painim ples tasol baim dispela ples em dispela mipela i nogat mani.

"Long dispela hevi mipela i putim singaut bilong mipela i go aut long pablik long ol kampani o grup husat i gat mani long kam helpim mipela.

Wantok i save olsem Trukai Industri i save sponsorim PNG Wetlifting, Pawalifting na Bodidinding na olsem em i ring i go long Industri tasol maketing menesa bilong kampani husat i save wok wantaim ol dispela spots i no stap long givim tingting bilong kampani.

Wantok i laik save sapos Trukai inap long surukim sponsasip bilong em long painim ples bilong ol dispela spot long kamapim opis na trening haus bilong ol.

Kain hevi we PNG Wetlifting i gat long em em planti ol wetlifting klab long kantri i gat long en.

Wanpela bilong dispela wetlifting klab em Hanuabada Wetlifting Klab.

Hanuabada Klab i bin stat long 1988 na i bin kamapim sampela lifta husat i mekim nem bilong kantri.

Sampela bilong ol dispela lifta em nau kosa bilong Hanuabada Klab Douglas Mea, Dika Toua Osiania na Saut Pasifik gol medol wina long 56 kilo grem divison, Riku Mea (95 kg) na 13 krismas meri Rita Kari long 48 kg divisen. Riku na Rita i winim silva medol long 2003 Osenia na Saut Pasifik Gems long Tonga na Fiji.

Tasol ples we ol i save tren long em em hap simen bilong hap haus bilong ol.

Taim ol i laik tren ol i kisim ol samting bilong tren i kam outsait long haus silip bilong ol na bihain i kisim i go insait gen.

Sapos ren i kam o i gat bikpela san ol i no save tren.

Long ol dispela kain hevi we i stap long wetlifting pilai Vavine i tok em i laik lukim senis long narapela yia.

"Sapos wetlifting i save winim ol medal bilong kantri long ol bikpela pilai bilong wanem na em i nogat ples bilong em yet long stap na tren?" Vavine i wari na askim.



Ol sprinta i mas winim mak long hap long Olimpik gems

PETER Pulu, Geoffrey Bai na Mowen Boino i mas winim mak long kisim ples long 2004 Olimpik Gems long Greece.

Pulu i save resis long 100 mita, Bai 400m na Boino 400m hedol. Taim bilong Pulu long ron nau yet em 10.40 seken, Bai 47.15 na Boino 51.05. Ol taim we ol i mas abrusim na kisim ples long pilai long Olimpiks em 100m- 10.28 seken, 400m- 45.95 na 400m hedol- 49:50.

Ron taim bilong ol i no stap long we long ron taim em ol opisa bilong Olimpik i laikim long em. Dispela em i gutpela nius.

Sapos ol i mekim gut ol i winim ples pinis na bai makim kantri long dispela bikpela pilai.

Tony Green, presiden bilong Papua Niugini Atletiks Yunion i autim dispela ol toktok long taim bikpela oil kampani, Oil Search Limited i givim K5000 helpim mani long stap na tren bilong ol tripela ya wantaim Sandy Katusele long Amerika.

Katusele i save pilai long na ai jam. Kos bilong wanpela bilong ol tasol em K4,080 na long bungim wantaim olgeta em kos i sanap K16,360.

PNG Spots Federesen i givim US\$7000 (K11,900) na Green i tok em bai helpim tu.

Nau yet Bai, Boino na Katusele i stap long Azusa Pasifik Yunivesiti long Los Angeles aninit long Olimpik Skolasip.

"Mipela i hop mak bilong ol long ron bai i helpim ol long winim ples long stap long yunivesiti long narapela sisen," Green i tok.

Pulu, Bai na Boino tasol i kisim luk-save long traim ples long Olimpik pilai, Katusele i nogat. Tasol Katusele bai yusim dispela taim long redim em yet long narapela Olimpik pilai.

Taim Oil Search i givim mani mausman bilong ol Paul Gazawe i tok kampani i olsem bikpela oil kampani long kantri i amamas long givim helpim long kain samting olsem.

"Wankain helpim em pravei sekta i givim em i mak bilong invesmen tasol long wankain taim tu i soim olsem mipela i gat laik long helpim na kamapim ol arapela samting long komuniti tu," Gazawe i tok.

Arrow
Proudly made in PNG
PNG MADE

Liklik prais bisket oltaim! Always hits the spot

Wantok

Digitized version made available by



Copyright: Under copyright

Rights Holder: Word Publishing Company Limited

Use: This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

Constraints: This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

Note on digitized version: Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.